

ಪ್ರಜ್ಞೆ ರಾಜಕಾರಣಿ

ಡಾ. ವಿ.ವಿ.ಎಸ್. ಅಜಾಯೇಶ್



BVP & h-643.

ಡಾ. ಎಸ್. ಪದ್ಮನಾಭ ಭಟ್, ಯೆಕ್ಕಾರು



ಕರ್ನಾಟಕ ತುಳು ಸಾಹಿತ್ಯ ಅಕಾಡೆಮಿ
ಮಹಾನಗರ ಪಾಲಿಕೆ ಕಟ್ಟಡ, ಲಾಲ್‌ಭಾಗ್,
ಮಂಗಳೂರು - 575 003, ದ.ಕ. ಜಿಲ್ಲೆ

ಮದ್ಯಪ್ರವಾಹ ತುಳುವೆರ್ 49

BVP-643

ಶಿಷ್ಟ ರಾಜಕಾರಣಿ ಡಾ. ವಿ. ವಿಸ್. ಆಚಾರ್ಯೆರ್

ಭಾರತವಾಣಿ ಪರಿಯೊಜನಾ / BHARATAVANI
ಭಾರತೀಯ ಭಾಷಾ ಸಂಸ್ಥಾನ
CENTRAL INSTITUTE OF INDIAN LANGUAGES
ಮೈಸೂರು / MYSURU - 570 006

ಡಾ. ಎಲ್. ಪದ್ಮನಾಭ ಭವ್, ಯೆಕ್ಕಾರು



ಕರ್ನಾಟಕ ತುಳು ಸಾಹಿತ್ಯ ಅಕಾಡೆಮಿ
ಮಹಾನಗರ ಪಾಲಿಕಾ ಕಟ್ಟಡ ಲಾಲ್‌ಬಾಗ್
ಮಂಗಳೂರು

Sajjane Rajakarani
Dr. V.S. ACHARYER

- Author : **Dr. S. Padmanabha Bhat**,Yekkar
- Publisher : **Chandrasaha Rai B.**
Registrar
Karnataka Tulu Sahithya Academy
- First Edition : Jan. 2014
- Price : ₹ 45/-
- D.T.P. : Sowmya Graphics
2nd Floor, Polymar House,
Nellikai Road, Mangalore - 575 001
Cell: 9740692344
- Printed at : **Diganta Mudrana Ltd.**
Yeyyadi, Mangalore-575 008
Ph : 0824-2212551

@Copy Right Reserved

ಲೇಖಕನ ಮದಿಪು

ನಮ್ಮ ದೇಶೋಗು ಪ್ರಜಾಪ್ರಭುತ್ವ ಬತ್ತಿಬೋಕ್ಕ ಪ್ರತಿಯೊರಿಗಲಾ ರಾಜಕೀಯ ಮಲ್ಪುನ ಹಕ್ ತಿಕ್ಕಂಡ್. ಒಂಜಿ ಕಾಲೊಡು ರಾಜಕೀಯ ಪಂಡ ಜನಸೇವೆ ಮಲ್ಪರೆ ಒಂಜಿ ಅವಕಾಶ ಪಂಡ್ ತೆರಿದಿತ್ತಂಡ ಇನಿ ಅವು ದುಡ್ಡು ಮಲ್ಪುನ, ಅಧಿಕಾರೊಡು ಮೆರೆಪಿನ ಸಾದಿಯಾತ್ಂಡ್. ಅಂಚಾದ್ ಪಂಡಿತೆರೊಟ್ಟುಗು ಪಟ್ಟಿಂಗ್ಲಾ ರಾಜಕೀಯದ ಕಳೊಟು ಜಪ್ಪೆರೆ ಸುರು ಮಲ್ತೆದರ್. ಅಂಚಾದ್ ಇನಿ ರಾಜಕೀಯ ತಂಡ ಬಾರೀ ಕುರ್ತಲ್. ಅವು ಒಂಜಿ ಗೊಸರ್. ಅವುಲು ಸಜ್ಜನೆರೆಗ್ ಅವಕಾಶ ಇಜ್ಜಿ ಪನ್ನಿ ಭಾವನೆ ಸುರುವಾತ್ಂಡ್. ಅಂಡಲಾ ರಾಜಕೀಯೊಡು ಅಪಗಪಗ ಎಡ್ಡೆ ನರಮಾನಿಲು ತೋಜು ಬರೊಂದುಲ್ಲೆರ್. ಜನಸೇವೆ ಮಲ್ತೊಂದುಲ್ಲೆರ್.

ಕರಾವಳಿ ಕರ್ನಾಟಕದ ರಾಜಕೀಯೊಡು ಶ್ರೀನಿವಾಸಮಲ್ಲೆರ್, ಡಾ| ಟಿ.ಎಂ.ಎ. ಪೈಕುಲು ಜನಸೇವೆ, ಅಭಿವೃದ್ಧಿ ಕಾರ್ಯ ಮಲ್ತೆದ್ ಪ್ರದರ್ ಪಡೆಯಿನಾಕ್ಲ. ಅಂಚೆತ್ತಿ ಸಾಲಾಗ್ ಸೇರುನಾರ್ ಡಾ| ವಿ.ಎಸ್. ಆಚಾರ್ಯರ್. ಆರ್ ತುಳು ನಾಡ್ಡ ತುಡಾರ್. ಕೆಸರಿಡ್ ಪುಟ್ಟಿನ ಕಮಲ. ದಾಕ್ದಾರಿಕೆ ಕಲ್ತೆರಾಂಡಲಾ ವಿಧಿಲೀಲೆ ಪ್ರಕಾರ ರಾಜಕೀಯದ ಕಳೊಟು ಜತ್ತ್ದ್ ಜನಸೇವೆ, ಅಭಿವೃದ್ಧಿದ ಕೆಲಸ ಮಲ್ತೆದ್, ಮಾತೆರೆಗ್ಲಾ ಬೋಡಾಪಿನಾರ್ ಆದ್ ಸಜ್ಜನೆ ಪನ್ನಿ ಪುದಾರ್ ಪಡೆಯಿನಾರ್. ಆರ್ ನನ ದುಂಬುದ ರಾಜಕಾರಣಿಲೆಗ್ ಬೊಲ್ಪಾಯಿನಾರ್.

ಇಂಚೆತ್ತಿ ಪೆರಿಯ ವ್ಯಕ್ತಿತ್ವದ ಬಗ್ಗೆ 'ಮರಪ್ಪೆರಾವಂದಿ ತುಳುವೆರ್' ಮಾಲಿಕೆಡ್ ಪುಸ್ತಕ ಬರೆಪುನ ಒಂಜಿ ಸೌಭಾಗ್ಯ ಎನ್ನ ಪಾಲಾಗ್ ಬತ್ತಂಡ್. ಉಂದೆನ್ ಒದಗಿಸಾಯಿನ ತುಳು ಸಾಹಿತ್ಯ ಅಕಾಡಮಿದ ಗುರಿಕಾರೆಯಿನ ಶ್ರೀ ಉಮಾನಾಥ ಕೋಟ್ಯಾನ್, ರಿಜಿಸ್ಟ್ರಾರ್ ಶ್ರೀ ಚಂದ್ರಹಾಸ ರೈ. ಬಿ. ಬೊಕ್ಕ ಸರ್ವ ಸದಸ್ಯೆರೆಗ್ಲಾ ಎನ್ನ ಉಡಲ್ದಿಂಜಿ ಉಪಕಾರದ ನೆಂಪುಲು. ಅಂಚೆನೆ ಈ ಬೂಕು ಓದುನ ನಿಕಾಲೆಗ್ಲಾ ಎನ್ನ ಸೊಲ್ತೆಲು.

ಡಾ| ಎಸ್. ಪದ್ಮನಾಭ ಭಟ್, ಯೆಕ್ಕಾರು

ಡಾ. ವಿ. ಎಸ್. ಆಚಾರ್ಯರ ಬದ್ಧದ ಮುಖ್ಯ ಪೆಜ್ಜೆಲು

ಪೂರ್ತಿ ಪ್ರದರ್	-	ಡಾ ವೇದವ್ಯಾಸ ಶ್ರೀನಿವಾಸ ಆಚಾರ್ಯ
ಅಮ್ಮೇರ್	-	ಕಟ್ಟೆ ಶ್ರೀನಿವಾಸ ಆಚಾರ್ಯ
ಅಪ್ಪೆ	-	ಕೃಷ್ಣವೇಣಿ ಅಮ್ಮ
ಈ ಲೋಕ	-	6-7-1939
ಪರಲೋಕ	-	14-2-2012
ಬರಾವು	-	ಬಿ.ಎಸ್‌ಸಿ, ಎಂಬಿಬಿಎಸ್
ಬುಡೆದಿ	-	ಶಾಂತಾ ವಿ. ಆಚಾರ್ಯ
ಸಂಸಾರ	-	ನಾಲ್ ಆನ್ ಜೋಕುಲು, ಒಂಜಿ ಪ್ರೊಣ್ಣು ಮಗಲ್
1959ಟ್	-	ಮಣಿಪಾಲ ಕೆ.ಎಂ.ಸಿ.ಡ್ ಎಂಬಿಬಿಎಸ್
1968ಟ್	-	ಜನಸಂಘೊಡ್ಡು ಉಡುಪಿ ಪ್ರರಸಭೆಕ್ ಅಧ್ಯಕ್ಷೆ ಆದ್ ಆಯ್ಕೆ (8 ವರ್ಸ)
1975-77	-	ತುರ್ತು ಪರಿಸ್ಥಿಡ್ 19 ತಿಂಗಳ ಜೈಲುವಾಸ
1974-77	-	ಭಾರತೀಯ ಜನ ಸಂಘದ ಜಿಲ್ಲಾಧ್ಯಕ್ಷೆ
1977-1980	-	ಜನತಾ ಪಕ್ಷದ ಅಧ್ಯಕ್ಷೆ
1980-1983	-	ಬಿಜೆಪಿ ಜಿಲ್ಲಾಧ್ಯಕ್ಷೆ
1983	-	ಉಡುಪಿದ ಶಾಸಕೆರಾದ್ ಆಯ್ಕೆ, ಶಾಸಕಾಂಗದ ಗುರ್ಕಾರೆ
1984	-	ರಾಜ್ಯ ಬಿಜೆಪಿದ ಉಪಾಧ್ಯಕ್ಷೆ, ರಾಷ್ಟ್ರೀಯ ಕಾರ್ಯಕಾರಿ ಸಮಿತಿದ ಸದಸ್ಯೆ
1996, 2002, 2008ಟ್	-	ವಿಧಾನ ಪರಿಷತ್‌ಗ್ ಆಯ್ಕೆ
2006ಟ್ 2012	-	ಮಂತ್ರಿ ಪಟ್ಟೊಡು ಕುಲ್ಲು ಲೋಕಸೇವೆ

ಸಜ್ಜನಿ ರಾಜಕಾರಣಿ ಡಾ. ವಿ. ಎನ್. ಆಚಾರ್ಯರ್

ಕಡಲ ಬರಿತ ತುಳುನಾಡ್ಡ್ ಪ್ರಮುಖವಾಯಿನ ರಡ್ಡ್ ಜಿಲ್ಲೆ ಪಂಡ ದಕ್ಷಿಣ ಕನ್ನಡ ಬೊಕ್ಕ ಉಡುಪಿ. ಈ ರಡ್ಡ್ ಜಿಲ್ಲೆ ಲಾ ಅನೇಕ ವಿಸಯೊಡ್ ಲೋಕೋಡೇ ಪುದರ್ ಪ್ರೋತುಂಡ್. ಐಟ್‌ಲಾ ಉಡುಪಿ ಜಿಲ್ಲೆದ ಉಡುಪಿ ತಾಲೂಕು ತುಳು ಭಾಸೆ, ಸಂಸ್ಕೃತಿ, ತುಳು ಸಂಪ್ರೋತ್ ಬುಳೆಯಿನ ಧರ್ಮಚಾವಡಿ. ಇಂಚಿತ್ತಿ ಇನಿತ ಉಡುಪಿ ತಾಲೂಕ್‌ದ 'ಒಡಿಪು' ಜಗತ್ತ್‌ಡೇ ಪುದರ್ ಪಡೆಯಿನ ಮಾಮಲ್ಲ ಜಾಗೆ. ಅನಂತೇಶ್ವರ, ಚಂದ್ರೇಶ್ವರ ಪನ್ನಿನ ಪಿರಾಕ್‌ದ ದೇವಸ್ಥಾನದ ಒಟ್ಟುಗೇ ದ್ವೈತ ಮತ ಸುರುಮಲ್ಲಿನ ಮಧ್ಯಾಚಾರ್ಯರ್ ಸ್ಥಾಪನೆ ಮಲ್ಲಿನ ಕೃಷ್ಣ ದೇವರ್ ಉಪ್ಪಿನ ಕಾರ್ನಿಕದ ಊರು. ಮಧ್ಯಾಚಾರ್ಯರ್, ವಾದಿರಾಜೆರ್ ಅಂಚನೇ ಕನಕದಾಸೆರ್ ಪುದರ್ ಪಡೆಯಿನ ಮಾಮಲ್ಲ ಮಯಿಮೆದ ಜಾಗೆ ಒಡಿಪು. ಮುಲ್ತು ಅಷ್ಟ ಮಠದ ಸ್ವಾಮಿಲು ಕೃಷ್ಣ ದೇವರೆ ಪೂಜೆ ಮಲ್ತೊಂದು, ಮಧ್ವ ಅಂಚನೇ ಹಿಂದೂ ಧರ್ಮದ ಪ್ರಚಾರ ಮಲ್ತೊಂದು ಒಡಿಪುದ ಪುದರ್ ಲೋಕೋಗೇ ಬೆಳಗಾವುಂದುಲ್ಲೆರ್. ಮಲ್ಲ ಮಲ್ಲ ಸಂಸ್ಕೃತ ವಿದ್ವಾಂಸರೆಡ್, ಶಾಲಾ ಕಾಲೇಜ್, ಬ್ಯಾಂಕ್, ಸಂಘ ಸಂಸ್ಥೆಲ್ತಾವರ ಒಡಿಪುದ ಕೀರ್ತಿ ಬೆಳಗೊಂದುಂಡು. ಇಂಚಿತ್ತಿ ಒಡಿಪುದ ಎಲ್ಯ ಊರುಡ್ ಪುಟ್‌ದ್ ಬುಳೆಯಿನ ಡಾ. ವಿ. ಎನ್.

ಆಚಾರ್ಯರ್ ಒರಿ ತುಳುವೆ ಆದ್, ತುಳುನಾಡ್ ಏಳಿಗೆಗಾದ್ ಮಸ್ತ್ ಪುಣೇದ್ ತನ್ನ ಆದರ್ಶ ರಾಜಕಾರಣೊಡ್ ಒಡಿಪುದ ಪುದರ್ನ್, ಕೀರ್ತಿನ ನನಾತ್ ಬೆಳಗಾಯರ್, ಮೆರೆಪಾಯರ್.

ಇನಿ ರಾಜಕೀಯ ಪಂಡ ಸಜ್ಜನೆರೆಗ್ ಕಕ್ಕರೆಗ್ ಬಯೊಂದುಂಡು. ರಾಜಕೀಯೊದ ಪುದರ್ಡ್ ನಡೆಪಿ ಅನ್ಯಾಯ, ಅನಾಚಾರ, ಅಧರ್ಮ, ಪುಂಡಾಟಿಕೆದ ಕೆಲಸೊಲೆಗ್ ಲೆಕ್ಕನೇ ಇಜ್ಜಿ. ಇನಿ ರಾಜಕೀಯಪಂಡ ಎಡ್ಡೆಂದಿನಾಕ್ಲೆನ ಕೆಲಸ ಅತ್ತ್, ಪಟ್ಟಿಂಗೇರ್ನ ಅಕೇರಿದ ಕೆಲಸ ಪನ್ನಿ ಪಾತೆರೆ ಕೇಣೋಂದುಂಡು. ಅಧಿಕಾರ ಪಂಡ ಜನಕ್ಲೆನ ಸೇವೆದ ಪುದರ್ಡ್ ದುಡ್ಡ್ ಮಲ್ತೆರೆ ಇತ್ತಿ ಸಾದಿ ಆತ್ಂಡ್. ಅಂಚಿತ್ತಿ ರಾಜಕೀಯದ ಕೆಸರೊಡ್ ಪುಟುಡುನ ಸಮುದ್ರ್ ಡಾ. ವಿ. ಎಸ್.

ರಾಜಕೀಯ ಪಂಡ್

ಆಚಾರ್ಯರ್ ಒರಿ ತುಳುವೆ ಆದ್, ತುಳುನಾಡ್ ಏಳಿಗೆಗಾದ್ ಮಸ್ತ್ ಪುಣೇದ್ ತನ್ನ ಆದರ್ಶ ರಾಜಕಾರಣೊಡ್ ಒಡಿಪುದ ಪುದರ್ನ್, ಕೀರ್ತಿನ ನನಾತ್ ಬೆಳಗಾಯರ್, ಮೆರೆಪಾಯರ್. ಇನಿ ರಾಜಕೀಯ ಪಂಡ ಸಜ್ಜನೆರೆಗ್ ಕಕ್ಕರೆಗ್ ಬಯೊಂದುಂಡು. ರಾಜಕೀಯೊದ ಪುದರ್ಡ್ ನಡೆಪಿ ಅನ್ಯಾಯ, ಅನಾಚಾರ, ಅಧರ್ಮ, ಪುಂಡಾಟಿಕೆದ ಕೆಲಸೊಲೆಗ್ ಲೆಕ್ಕನೇ ಇಜ್ಜಿ. ಇನಿ ರಾಜಕೀಯಪಂಡ ಎಡ್ಡೆಂದಿನಾಕ್ಲೆನ ಕೆಲಸ ಅತ್ತ್, ಪಟ್ಟಿಂಗೇರ್ನ ಅಕೇರಿದ ಕೆಲಸ ಪನ್ನಿ ಪಾತೆರೆ ಕೇಣೋಂದುಂಡು. ಅಧಿಕಾರ ಪಂಡ ಜನಕ್ಲೆನ ಸೇವೆದ ಪುದರ್ಡ್ ದುಡ್ಡ್ ಮಲ್ತೆರೆ ಇತ್ತಿ ಸಾದಿ ಆತ್ಂಡ್. ಅಂಚಿತ್ತಿ ರಾಜಕೀಯದ ಕೆಸರೊಡ್ ಪುಟುಡುನ ಸಮುದ್ರ್ ಡಾ. ವಿ. ಎಸ್. ಆಚಾರ್ಯರ್ ಒರಿ ತುಳುವೆ ಆದ್, ತುಳುನಾಡ್ ಏಳಿಗೆಗಾದ್ ಮಸ್ತ್ ಪುಣೇದ್ ತನ್ನ ಆದರ್ಶ ರಾಜಕಾರಣೊಡ್ ಒಡಿಪುದ ಪುದರ್ನ್, ಕೀರ್ತಿನ ನನಾತ್ ಬೆಳಗಾಯರ್, ಮೆರೆಪಾಯರ್. ಇನಿ ರಾಜಕೀಯ ಪಂಡ ಸಜ್ಜನೆರೆಗ್ ಕಕ್ಕರೆಗ್ ಬಯೊಂದುಂಡು. ರಾಜಕೀಯೊದ ಪುದರ್ಡ್ ನಡೆಪಿ ಅನ್ಯಾಯ, ಅನಾಚಾರ, ಅಧರ್ಮ, ಪುಂಡಾಟಿಕೆದ ಕೆಲಸೊಲೆಗ್ ಲೆಕ್ಕನೇ ಇಜ್ಜಿ. ಇನಿ ರಾಜಕೀಯಪಂಡ ಎಡ್ಡೆಂದಿನಾಕ್ಲೆನ ಕೆಲಸ ಅತ್ತ್, ಪಟ್ಟಿಂಗೇರ್ನ ಅಕೇರಿದ ಕೆಲಸ ಪನ್ನಿ ಪಾತೆರೆ ಕೇಣೋಂದುಂಡು. ಅಧಿಕಾರ ಪಂಡ ಜನಕ್ಲೆನ ಸೇವೆದ ಪುದರ್ಡ್ ದುಡ್ಡ್ ಮಲ್ತೆರೆ ಇತ್ತಿ ಸಾದಿ ಆತ್ಂಡ್. ಅಂಚಿತ್ತಿ ರಾಜಕೀಯದ ಕೆಸರೊಡ್ ಪುಟುಡುನ ಸಮುದ್ರ್ ಡಾ. ವಿ. ಎಸ್.

ಜೋಕ್ಕಾಟಿಕೆ: ಅಂಚಿತ್ತಿ ರಾಜಕೀಯದ ಕೆಸರೊಡ್ ಪುಟುಡುನ ಸಮುದ್ರ್ ಡಾ. ವಿ. ಎಸ್. ಆಚಾರ್ಯರ್ ಒರಿ ತುಳುವೆ ಆದ್, ತುಳುನಾಡ್ ಏಳಿಗೆಗಾದ್ ಮಸ್ತ್ ಪುಣೇದ್ ತನ್ನ ಆದರ್ಶ ರಾಜಕಾರಣೊಡ್ ಒಡಿಪುದ ಪುದರ್ನ್, ಕೀರ್ತಿನ ನನಾತ್ ಬೆಳಗಾಯರ್, ಮೆರೆಪಾಯರ್. ಇನಿ ರಾಜಕೀಯ ಪಂಡ ಸಜ್ಜನೆರೆಗ್ ಕಕ್ಕರೆಗ್ ಬಯೊಂದುಂಡು. ರಾಜಕೀಯೊದ ಪುದರ್ಡ್ ನಡೆಪಿ ಅನ್ಯಾಯ, ಅನಾಚಾರ, ಅಧರ್ಮ, ಪುಂಡಾಟಿಕೆದ ಕೆಲಸೊಲೆಗ್ ಲೆಕ್ಕನೇ ಇಜ್ಜಿ. ಇನಿ ರಾಜಕೀಯಪಂಡ ಎಡ್ಡೆಂದಿನಾಕ್ಲೆನ ಕೆಲಸ ಅತ್ತ್, ಪಟ್ಟಿಂಗೇರ್ನ ಅಕೇರಿದ ಕೆಲಸ ಪನ್ನಿ ಪಾತೆರೆ ಕೇಣೋಂದುಂಡು. ಅಧಿಕಾರ ಪಂಡ ಜನಕ್ಲೆನ ಸೇವೆದ ಪುದರ್ಡ್ ದುಡ್ಡ್ ಮಲ್ತೆರೆ ಇತ್ತಿ ಸಾದಿ ಆತ್ಂಡ್. ಅಂಚಿತ್ತಿ ರಾಜಕೀಯದ ಕೆಸರೊಡ್ ಪುಟುಡುನ ಸಮುದ್ರ್ ಡಾ. ವಿ. ಎಸ್.

ಆರ್ ಉತ್ತರಾದಿ ಮಠದ ಸತ್ಯ ತೀರ್ಥೆನ್ನ ಶಿಷ್ಯೆರ್. ಸಂಸ್ಕೃತ ಭಾಸೆದ ಶಾಲೆಡ್ ಮಲ್ಲ ವಿದ್ವಾಂಸೆರ್. ಎಣ್ಣಿ ಮಠದಾಕ್ಲೆಗ್ಲಾ ಬೋಡಾಯಿನಾರ್. ಆರ್ನ್ ಇಲ್ಲ್ ತುಳುನಾಡ್ ಭಾರೀ ಪರಪೋಕುದ ಇಲ್ಲ್. ಮಲ್ಲ ಮಡಿವಂತಿಗಿದ ಕುಟುಂಬ. ಆರ್ ಮೋಕೆದ ಬುಡೆದಿ ಕೃಷ್ಣವೇಣಿ. ಈ ಕಟ್ಟಿ ಶ್ರೀನಿವಾಸ ಆಚಾರ್ಯ, ಕೃಷ್ಣವೇಣಿ ದಂಪತಿಗ್ ಒಟ್ಟು ಏಲ್ ಜೋಕ್ಕು. ನಾಲ್ ಪ್ರೊಣ್ಣು, ಮೂಜಿ ಆಣ್. ಆ ದಂಪತಿತಿನ ಕಡೆಕಂಜಿ ಆದ್ ವಿ. ಎಸ್. ಆಚಾರ್ಯರ್ 1939ನೇ ವರ್ಸದ ಜುಲೈ ಆಜೆಕ್ ಜನ್ಮ ಪಡೆಯೆರ್. ಆರೆಗ್ ಅಪ್ಪಮ್ಮೆ 'ವೇದವ್ಯಾಸ' ಪಂಡೆದ್ ಪುದರ್ ದೀಯೆರ್. ವೇದವ್ಯಾಸೆರ್ ಶ್ರೀನಿವಾಸ ಆಚಾರ್ಯ ದಂಪತಿನ ಅಕೇರಿದ ಮಗ್ ಆಯಿನೆಡ್ಲಾಸೆರ್ ಇಲ್ಲಡ್ ಮಾತೆರೆಗ್ಲಾ ಆರ್ನ್ ಮಿತ್ತ್ ಭಾರೀ ಮೋಕೆ ಇತ್ತಂಡ್. ಮಾತೆರ್ಲಾ ಆರೆನ್ ಕೊಂಡಾಟ ಮಲ್ತೊಂದಿತ್ತೆರ್. ಇಂಚ ಅಪ್ಪಮ್ಮೆನ ಅಂಚನೇಕಪಲಿ ಪಲಾಯನ, ಬತ್ತಪೋಪಿನಾಕ್ಲೆನ ಭಾರೀ ಪಿರಿತಿದ, ಕೊಂಡಾಟದ ಮಾಣಿಯಾದ್ ಬುಳೆಯೆರ್ ವೇದವ್ಯಾಸೆರ್. ಏನ್ ವರ್ಸ ಆನಗ ಉಡುಪಿದ ಮಹಾನಗರ ಪಾಲಿಕೆದ ಶಾಲೆಗ್ ಆರೆನ್ ಸೇರ್ಸಾಯೆರ್. ಆರ್ ಅಕ್ಕನಾಕುಲ್ಲಾ ಅವ್ವೇ ಶಾಲೆಗ್ ಪ್ರೋವೊಂದಿತ್ತೆರ್. ಎಲ್ಯ ಪ್ರಾಯೊಡೇ ಆರ್ ಭಾರೀ ಬುದ್ಧಿವಂತೆಲಾ, ಸಮಾದಾನಿಲಾ ಆದಿತ್ತೆರ್. ಅಂಚಾದ್ ಶಾಲೆದ ಗುರುಕುಲೆಗ್ ಆರ್ನ್ ಮಿತ್ತ್ ಭಾರೀ ಮೋಕೆ.

ವೇದವ್ಯಾಸೆರ್ ಏಳ್ ವರ್ಸದ ಪ್ರಾಯದ ಸಮಯೊಡ್, ಆರ್ ಅಮ್ಮೇರ್ ಮರೋಡ್ ಬನ್ನಾಗ ಸಂದಿಡ್ ಒರಿ ಸನ್ಯಾಸಿ ತಿಕ್ಕೆರ್. ಆರೆನ್ ಕಟ್ಟಿ ಶ್ರೀನಿವಾಸ ಆಚಾರ್ಯರ್ ಇಲ್ಲಡೆಗ್ ಲೆತ್ತೊದ್ ಬತ್ತೆರ್. ಅಪಗ ಮಾತೆರ್ಲಾ ಆ ಸನ್ಯಾಸಿಗ್ ಕೈ ತೋಜಾದ್ ಬಲಿಮೆ ಪಣೆರೆ ಪಂಡೆಲೆರ್ಗೆ. ಆ ಸನ್ಯಾಸಿ ವೇದವ್ಯಾಸೆರ್ನ ಕೈ ತೊಡು ಈ ಮಾಣಿ ಆಧ್ಯಾತ್ಮಿಕ ವಿದ್ಯೆ ಕಲ್ಪಂದೆ ಲೋಕ ವಿದ್ಯೆ ಕಲ್ತೆದ್ ಲೋಕೋಪಕಾರ ಮಲ್ತೆದ್ ಪುದರ್ ಕಣಪೆ ಪಂಡೆದ್ ಪಣೆರ್. ಅವು ಸತ್ಯ ಆಂಡ್ರೊದ್ ಅಪ್ಪಮ್ಮೆ ಪಲಯೆ ಕಟ್ಟಿ ವಾದಿರಾಜ ಆಚಾರ್ಯರ್ ಅಪಗಪಗ ನೆನಪು ಮಲ್ತೊಂದಿತ್ತೆರ್. ವೇದವ್ಯಾಸೆರ್ ಎನ್ನೇ ಕ್ಲಾಸ್ ಪಾಸಾಯಿ ಬೊಕ್ಕ ಆರೆನ್ ಇಲ್ಲ ಕೈತಾಣ್ಡುಕಡಿಯಾಳಿ ಮಹಿಷ ಮರ್ಧಿನಿ ಶಾಲೆಗ್ ಸೇರ್ಸಾಯೆರ್. ಅವುಲು ಮೂಜಿ

ವರ್ಸ ಕಲ್ತ್‌ದ್ ಎಡ್ಡನೇ ಕ್ಲಾಸ್ ಪಾಸಾಯೆರ್. ಐಡ್ ಬೊಕ್ಕ ಆರೆನ್ ಉಡುಪಿದ ಭಾರೀ ಪುದರ್ ಪೋಯಿನ ಬೋರ್ಡ್ ಹೈಸ್ಕೂಲುಗು ಸೇರ್ಸಾಯೆರ್. ಅವುಲ್ಲಾ ಆರ್ ಕಲ್ಪುನೆಟ್ ಭಾರೀ ಬರ್ಸೆ ಆದಿತ್ತೆರ್. ಇಂಚ ವೇದವ್ಯಾಸೆರ್ ಆರ್ ಪಲಯನಕುಲೆನ ಲೆಕ್ಕ, ಸಂಸ್ಕೃತ, ತತ್ವಶಾಸ್ತ್ರ ಕಲ್ಪಂದೆ ಲೋಕೊದ ವ್ಯವಹಾರೊಗ್ ಬೋಡಾಯಿ ವಿದ್ಯೆ ಕಲ್ತ್‌ದ್ ಮುಗಿಪುವೆರ್. ಐಡ್ ಬೊಕ್ಕ ಉಡುಪಿದ ಮಹಾತ್ಮಾ ಗಾಂಧಿ ಮೆಮೋರಿಯಲ್ ಕಾಲೇಜ್‌ಗ್ ಪಿಯುಸಿ ಕಲ್ಪರೆ ಸೇರುವೆರ್.

ಕಾಲೇಜ್‌ದ ಜಗಲಿಡ್:

ಎಂ. ಜಿ. ಎಮ್. ಕಾಲೇಜ್ ಉಡುಪಿ ಜಿಲ್ಲೆಡ್ ಪುದರ್ ಪೋತಿನ ಕಾಲೇಜ್‌ಡ್ ಒಂಜಿ. ಅವ್ವೆ ಸ್ಥಾಪನೆ ಮಲ್ತಿನಾರ್ ಡಾ. ಟಿ. ಮಾಧವ ಎ. ಪೈಕುಳು. ಆರ್ ಮಸ್ತ್ ಪದವಿ ಕಾಲೇಜ್, ಇಂಜಿನಿಯರಿಂಗ್ ಕಾಲೇಜ್, ನರ್ಸಿಂಗ್ ಕಾಲೇಜ್, ಮೆಡಿಕಲ್ ಕಾಲೇಜ್ ಸ್ಥಾಪನೆ ಮಲ್ತಿನಾರ್. ಆರ್ ಸಿಂಡಿಕೇಟ್ ಬ್ಯಾಂಕ್ ಸ್ಥಾಪನೆ ಮಲ್ತ್‌ದ್ ದೇಶೊಡೇ ಮಣಿಪಾಲೊಗ್ ಪುದರ್ ಕನ್ನಿನಾರ್. ವಿ. ಎಸ್. ಆಚಾರ್ಯೆರ್ ಉಡುಪಿದ ಎಂ.ಜಿ.ಎಮ್. ಕಾಲೇಜ್‌ಡ್ ಪಿಯುಸಿ ಶಿಕ್ಷಣ್ ಪಡೆಯೆರ್. ಎಡ್ಡೆ ಗುರುಕುಲ್ಲ ಬೆರಿಸಾಯೊ, ಎಡ್ಡೆ ಸಹಪಾಠಿಲೆನ ಸಹವಾಸೊಡ್ಡ್ ಆರ್ ಪಿಯುಸಿ ಶಿಕ್ಷಣ್ ಎಡ್ಡೆ ರೀತಿದೇ ಮುಗಿಪಾಯೆರ್. ಆ ಪೂರ್ತುಗು ಆರೆಗ್ ತಾನ್ ಮೆಡಿಕಲ್ ಕಲ್ಪೊಡು, ಡಾಕ್ಟರೇ ಆವೊಡು, ಬಡ ಜನಕ್‌ಲೆನ ಸೇವೆ ಮಲ್ಪೊಡು ಪನ್ನಿ ಆಸೆ ಉಡಲ್ಡ್ ಇತ್ತೊಡ್. ಅವೆನ್ ಅಪ್ಪೇರ್ ಪಂಡೇರ್. ಸಂಪ್ರದಾಯೊದ ಮಡಿ ಬೆರನೆ ಆಯಿನ ಆರ್ ಐಕ್ ಒಪ್ಪಿಗೆ ಕೊರಿಜೆರ್. ಅಂಚಾದ್ ವಿ. ಎಸ್. ಆಚಾರ್ಯೆರ್ ಧಾರವಾಡೊಗ್ ಪ್ರೋವೆಡ್ ಕರ್ನಾಟಕ ಕಾಲೇಜ್‌ಡ್ ಬಿ. ಎಸ್ಸಿ. ಡಿಗ್ರಿ ಮಲ್ಪರೆ ಸೇರೈರ್.

ಧಾರವಾಡ ಉತ್ತರ ಕರ್ನಾಟಕೊಡ್ ಶಿಕ್ಷಣ, ಸಾಹಿತ್ಯ ಕ್ಷೇತ್ರೊಡ್ ಪುದರ್ ಪಡೆಯಿನ ಊರು. ಅಂಚಿತ್ತಿ ಊರ್ದ ಕರ್ನಾಟಕ ಕಾಲೇಜ್‌ಡ್ ವಿಜ್ಞಾನ ವಿಸಯೊಡ್ ಆರ್ ಡಿಗ್ರಿ ಮಲ್ಪುವೆರ್. ಅವುಲ್ ಆರ್ ಒಂಜಿ ವರ್ಸ ಕಲ್ಪುನಗ್ ಆರ್ ಅಮ್ಮೆರ್

ಕಟ್ಟೆ ಶ್ರೀನಿವಾಸ ಆಚಾರ್ಯರ್ ಪರಲೋಕೋಗ್ಗ ಸಂದುವೆರ್. ಅಂಚಾದ್ ಆರ್ ಧಾರವಾಡೊಡ್ ಪಿರ ಬತ್ತೆದ್ ಅಮ್ಮೇರ್ ಸಾವುದ ಕಿರಿಯಲೆನ್ ಮುಗಿತ್ತೆದ್ ಪಿರಪೋವೆರ್. ಅವುಲು ಆರೆಗ್ ಕಲ್ಪರೆ ಗೇಣ ಬತ್ತೆಜಿ. ಅಪಗ ಆರೆಗ್ ಪದಿನೆಡ್ ವರ್ಸೊ. ಆರ್ ಕಲ್ಪುನ ಪರಿಸ್ಥಿತಿ ಕಠಿಣ ಆದಿತ್ತೆಂಡ್. ಅಪಗ ಆರ್ ಅಪ್ಪೆ ಅಂಚನೇ ಪಲಿ ಪಲಯನಕ್ಕು ದೈರ್ಯ ಅಂಚನೆ ಬೆರಿಸಾಯೊ ಕೊರ್ಯೆರ್. ಅಂಚಾದ್ ಆರ್ ಪದವಿ ಶಿಕ್ಷಣ ಮುಗಿತ್ತೆದ್ ಮಣಿಪಾಲದ ಕನ್ಸುರ್ಬಾ ಮೆಡಿಕಲ್ ಕಾಲೇಜ್‌ಗ್ 1959ನೇ ಇಸವಿಡ್ ದಾಕ್‌ದಾರೆ ಕಲ್ಪರೆ ಸೇರ್ಯೆರ್.

ಡಾ. ತೋನ್ನೆ ಮಾಧವ ಪೈಕುಲು ಸ್ಥಾಪನೆ ಮಲ್ತಿನ ಕನ್ಸುರ್ಬಾ ಮೆಡಿಕಲ್ ಕಾಲೇಜ್ ದೇಶೊಡೇ ಪುದರ್ ಪೋತಿನ ಕಾಲೇಜ್. ನಮ್ಮ ದೇಶದ ಜೋಕುಲು ಅತ್ತಾವಂದೆ ಬೇತೆ ಬೇತೆ ದೇಶದ ಜೋಕುಲ್ಲಾ ಅವುಲು ಕಲ್ಪರೆ ಬರೊಂದಿತ್ತೆರ್. ಇಂಚಿತ್ತಿ ಕನ್ಸುರ್ಬಾ ಕಾಲೇಜಿಗ್ ವಿ. ಎಸ್. ಆಚಾರ್ಯರ್ ಸೇರ್ಪಡೆ ಆಯೆರ್. ಮನಿಪಾಲೊಡ್ ಒಂಚಿ ವರ್ಸ ಕಲ್ಪೆದ್ ಬೊಕ್ಕ ಕುಡ್ಲದ ಆಕ್‌ಲ್ಪ ಕಾಲೇಜಿಡ್ ಶಿಕ್ಷಣ ದುಂಬೊತ್ತೊಂದು 1963ಟ್ ಮೆಡಿಕಲ್ ಕೋರ್ಸು ಆರ್ ಆಸೆ ಪ್ರಕಾರ ಮುಗಿತ್ತೆದ್ ದಾಕ್‌ದಾರೆ ಆಯೆರ್. ವಿ. ಎಸ್. ಆಚಾರ್ಯರ್ ವಿದ್ಯಾರ್ಥಿ ಆದ್ ಮೆಡಿಕಲ್ ಕಲ್ಪುನಗ ಭಾರೀ ಚುರುಕು ಅಂಚನೆ ಬುದ್ಧಿದಾರ್ ಆದಿತ್ತೆರ್. ಆರ್ ಶಿಸ್ತ, ವಿಚಾರ ಶಕ್ತಿ, ಇಂಗ್ಲೀಷ್ ಪಾತೆರುನ ಶೈಲಿನ್ ಮಾತೆರ್ಲಾ ಪ್ರಗರೊಂದು ಇತ್ತೆರ್. ಅಂಚಾದ್ ಮಾತ ಜೋಕುಲೆಗ್‌ಲಾ ಆರ್ ಪೊಲಬು ಇತ್ತೆಂಡ್. ಅಯ್ಯಾವರ ಆರ್ ಕಾಲೇಜಿಡ್ ವಿದ್ಯಾರ್ಥಿ ನಾಯಕೆ ಆದ್ ಆಯ್ಕೆ ಆಯೆರ್. ಆರ್ ಗುರುಕರ್ಮೆಡ್ ಅನೇಕ ಎಡ್ಡೆ ಎಡ್ಡೆ ಕಜ್ಜೊಲು ನಡತ್ತೆಂಡ್. ಆರ್ ಕಲ್ಪೊಂದ್ ಉಪ್ಪುನಾಗನೇ ಮಣಿಪಾಲೊಡ್ ನಲ್ಪತ್ತ ಮೂಜನೇ ಅಖಿಲ ಭಾರತ ಕನ್ನಡ ಸಾಹಿತ್ಯ ಸಮ್ಮೇಳನ ನಡತ್ತೆಂಡ್. ಆ ಸಮ್ಮೇಳನೊಗ್ ಪುದರ್ ಪೋತಿನ ಸಾಹಿತಿ ಅನಕು ಅಧ್ಯಕ್ಷಿರಾದಿತ್ತೆರ್. ಮಲ್ಲ ಮಲ್ಲ ಕವಿಕ್ಕು, ಸಾಹಿತಿಲು ಐಟ್ ಪಾಲ್ ಪಡೆದಿತ್ತೆರ್. ಅಂಚಿನ ಸಾಹಿತ್ಯ ಸಮ್ಮೇಳನೊಡ್ ವಿ. ಎಸ್. ಆಚಾರ್ಯರ್ ಸ್ವಯಂ ಸೇವಕಿರಾದ್ ಕೆಲಸ ಮಲ್ತೆದ್ ಪುದರ್ ಪಡೆಯೆರ್. ತನ್ನ ನಾಯಕತ್ವ ಗುಣೊನ್

ತೋಚಾದ್ ಮೆರೆಯೆರ್. ಆಯ್ಡ್ ಬೊಕ್ಕ ಆರೆಗ್ ಸಾಹಿತ್ಯೊಡ್ ಗೇಣ ಪುಟ್ಂಡ್. ಮಲ್ಲ ಮಲ್ಲ ಸಾಹಿತಿಲ್ ತಿಕ್ಕುನಗ ಆರ್ ಆಕ್ಲೆನ ಕೈತ ಬರಾವು ದೆತ್ತೊಂದ್ ಸಂಗ್ರಹ ಮಲ್ತೊಂದಿತ್ತೆರ್. ಅವು ಆರ್ ಸೈನ ಮುಟ್ಟಲಾ ಆರ್ಡ್ ಇತ್ತಂಡ್. ಇಂಚ ಆರೆಗ್ ಸಾಹಿತ್ಯೊಡ್ಲಾ ಗೇಣ ಇತ್ತಂಡ್, ಸಾಹಿತಿಡಾಕ್ಲೆಡ ಪಿರಿತಿಲಾ ಇತ್ತಂಡ್.

ಬೆನ್ನಾಟೆಕೆ:

ವಿ.ಎಸ್. ಆಚಾರ್ಯೆರ್ ಕಸ್ತೂರ್‌ಬಾ ಮೆಡಿಕಲ್ ಕಾಲೇಜ್‌ಡ್ ದಾಕ್‌ದಾರಿಕೆದ ವಿದ್ಯಾಭ್ಯಾಸೊನ್ 1963ಟ್ ಮುಗಿತ್ತದ್ 'ಡಾಕ್ಟರ್' ಆಯೆರ್. ರೋಗಿಲೆಗ್ ಮರ್ಧ್ ಕೊರ್ಯೆರೆ ಸುರು ಮಲ್ತೆರ್. ಆರೆಗ್ ಹಳ್ಳಿದ ಜನಕ್ಲೆನ ಸೇವೆ ಮಲ್ಪೊಡ್ ಪನ್ನಿ ಆಸೆ ಇತ್ತಂಡ್. ಅಂಚಾದ್ ಆರ್ ಮಲ್ತೆದ ಕೈತಾಲ್ದ 'ಕಲ್ಯಾಡಿ' ಪನ್ನಿ ಎಲ್ಯ ಊರುಡ್ ಗೀತಾ ಕ್ಲಿನಿಕ್ ಸುರು ಮಲ್ತೆದ್ ಮರ್ಧ್ ಕೊರ್ಯೆರೆ ಸುರುಮಲ್ತೆರ್. ಆರ್ ಕಲ್ತೊಂದುಪ್ಪನಾಗನೇ ಮಣಿಪಾಲದ ಮೆಡಿಕಲ್ ಕಾಲೇಜ್ ಸುರು ಮಲ್ತಿನ ಡಾ. ಟಿ.ಎಂ.ಎ. ಪೈಕುಲ್ನ ವ್ಯಕ್ತಿತ್ವ ಆರ್ನ ಮಿತ್ತ್ ಭಾರೀ ಪ್ರಭಾವ ಬೀರ್ಡ್ ಇತ್ತಂಡ್. ಅಂಚಾದ್ ಒರೊ ಡಾ. ಪೈಕುಲು ಡಾ. ವಿ. ಎಸ್. ಆಚಾರ್ಯೆರೆಗ್ ಕಡೆಕಾರ್ಡ್ ಹಳ್ಳಿದ ಪೆದ್ವಾಪುನ ಅಸ್ತತ್ರೆಡ್ ಬುಟ್ಟಿ ಸೇವೆ ಮಲ್ಪೊಡು ಪನ್ನಾಗ ಸಂತೋಷೊಡ್ ಒಪ್ಪಿಯೆರ್. ಮಸ್ತ್ ವರ್ಸೊ ಆವುಲು ಬಡ ರೋಗಿಲ್ನ ಸೇವೆ ಮಲ್ತೆದ್ ಪುದರ್ ಪಡೆಯೆರ್. ಅವ್ವೇನ್ ತೂದ್ ಡಾ. ಟಿ. ಎಂ. ಎ. ಪೈಕುಲೆಗ್ ಭಾರೀ ಋಶಿ ಆಂಡ್. ಆರ್ ಡಾ. ಆಚಾರ್ಯೆರೆನ್ ಮನಸ್ ದಿಂಜ ಪುಕಾರ್ಡ್ ಮಿತ್ತ್‌ಗ್ ಮಾತಕೆಲೊಸೊಗ್ಲಾ ದೈವ ದೇವೆರ್ ಬೆರಿಸಾಯ ಕೊರಡ್ ಪಂಡ್‌ದ್ ಆಶೀರ್ವಾದ ಮಲ್ತೆರ್. ಆರ್ನ ಪಾತೆರೊ, ಆಶೀರ್ವಾದೊ ಡಾ. ವಿ. ಎಸ್ ಆಚಾರ್ಯೆರೆಗ್ ನನಾತ್ ಸೇವೆ ಮಲ್ತೆರೆ ಉಮೇದ್ ಕೊರುಂಡ್. ಐಡ್ ಬೊಕ್ಕ ಆರ್ ರಾಜಕೀಯ ಸೇರ್ದಲಾ ಅಕೇರಿ ಮುಟ್ಟಿ ಕಲ್ಯಾಡಿದ ರೋಗಿಲೆಗ್ ಮರ್ಧ್ ಕೊರೊಂದ್ ಜನಸೇವೆ ಮಲ್ತೊಂದಿತ್ತೆರ್. ದುಡ್ಡ್‌ಗೋಸ್ಕರ ಮರ್ಧ್ ಕೊರ್ದಿನಾರ್ ಆರತ್ತ್. ದೂರದ ಊರುಡ್ಲೊಲಾ ರೋಗಿಲು ಆರೆನ್‌ನ ನಾಡೊಂದ್

ಬರೋದಿತ್ತರ್. ಆರ್ ಕೈಗುಣಲಾ ಎಡೆ ಇತ್ಯೆಂಡ್. ಆಂಡ ಅಮೇರ್ ಸಂಸ್ಕೃತ ಪಂಡಿತೇರ್ ಅಂಚ ಡಾ. ಆಚಾರ್ಯರ್ ರೋಗಿಲೆಗ್ ಮರ್ಧ್ ಕೊರಿನ ಪಂಡಿತೇರ್ ಆಯೆರ್. ರೋಗಿಲೆನ ಧನ್ಯಂತರಿಯಾದ್ ಆರ್ ಮೆರೆಯೆರ್. ಅರೆನ ಪರಿಶ್ರಮ, ತ್ಯಾಗೋ, ರೋಗಿಲೆನ ಸೇವೆ ಮಲ್ಪುನ ಮನಸ್, ಆದರ್ಶ ಗುಣಕ್ಕುಲು ಇನಿತ ಡಾಕ್ಟರ್‌ನಾಕ್ಲೆಗ್ ಒಂಜಿ ಮಾದರಿ ಆದುಂಡ್.

ಕುಟುಮ ಜೀವನೋಪಾಯ

ಸಂಸ್ಕೃತ ವಿದ್ಯಾಭಿವೃದ್ಧಿ ಆಚಾರ್ಯರ್ ದಾಕ್‌ದಾಶೆಲ ಕಲ್ಪಂದುಟ್ಟುನಾಗ್ ಸಾಕ್ಷಾತ್ಕೃತ ಸಂಸ್ಕೃತ ಭಾಷಣ ಪಂಡ್, ಸಂಸ್ಕೃತಿಕ ಕಷ್ಟಲೋಡ್ ಅಂಚ್ಚೆ ಬೇತೆವಚೇತೆ

ಪಂಥೋಲೆಡ್ ಭಾರೀ ಖುಶಿಟ್ ಪಾಲ್ ಪಡೆಯೊಂದಿತ್ತರ್. ಅಂಚ್ಚೆ ದುರುಕ್ತುಡ್ ಕಸೂರ್‌ಬಾ ಮೆಡಿಕಲ್ ಕಾಲೇಜ್‌ಡ್ ಅಂತರ್ ಕಾಲೇಜ್ ಸಂಸ್ಕೃತಿಕ ಪಂಥೋ ಏರ್ಪಾಡಾದಿತ್ಯೆಂಡ್. ವಿ. ಎಸ್. ಆಚಾರ್ಯರ್ ಆಪಗ ಅವುಲ್ ಸಂಸ್ಕೃತಿಕ ಸಂಘದ ಕಾರ್ಯದರ್ಶಿ ಆದಿತ್ತರ್. ಅವುಲ್ ಸಂಗೀತ ಪಂಥೋಗ್ ಮಡಿಕೇರಿಡ್ ಶಾಂತಾ ಪನ್ಪಿ ಮೊನ್ನು ಬತ್ತದಿತ್ತಲು. ಅವುಲ್ ಆಲೆವೆ ಬದ್ಯ ಕೇಂಡ್.

ವಿ. ಎಸ್. ಆಚಾರ್ಯರ್ ಮಲ್ಯಾಯೆರ್. ಆಲೆನ ಪರಿಚಯೆ ಮಲ್ತೊಂಡೆರ್. ಪರಿಚಯ ದೋಸ್ತಿಕೆಗ್ ತಿರ್ಗೊಂಡ್. ಆರೆಗ್ ಆಲೆಡ ಪ್ರೀತಿ ಪುಟ್ಟೊಂಡ್. ಕಡೇಕ್ ಇಲ್ಲದಾಕ್ಲೆನ ಒಪ್ಪಿಗೆ ದೆತೊಂದು ಡಾ. ಆಚಾರ್ಯರ್ ಶಾಂತಾನ್ ಮದ್ಯೆ ಆಯೆರ್.

ಸಂಸಾರ ಜೀವನ ಸುರು ಮಲ್ತೆರ್. ಶಾಂತಾ ಮೂಲತಃ ತಮಿಳುನಾಡ್‌ದ ಐಯ್ಯರ್ ಮನೆತನದಕೂಡುಕಟ್ಟಿದಾರ್. ಆರ್ ಬುಲೆಯಿನಿ ಮೈಸೂರು ಬೊಕ್ಕ ಕೊಡಗುಡು. ಆಂಡಲಾ ಶಾಂತ ಉಡುಪಿಗ್ ಬತ್ತೆದ್ ಉಡುಪಿದಾರೇ ಆಯೆರ್. ಡಾ. ವಿ. ಎಸ್. ಆಚಾರ್ಯರ್‌ಗ್ ಪಂಡಿ ಬುಡೆದಿ ಆರ್. ಆರ್. ಪ್ರತಿಯೊಂಜಿ ಕೆಲಸೊಗ್ಲೆ ಬೆಂಸಾಯಿ ಕೊರೊಂದಿತ್ತೆರ್. ನವಾಜ ಸೇವೆಟ್ಲೆ ಮಲ್ತೊಂದಿತ್ತೆರ್.

ಕರ್ನಾಟಕ ಶಾಸ್ತ್ರೀಯ ಸ್ಕೂಲ್ ಶಿಕ್ಷಕರಾಗಿ ಗೃಹಸ್ಥನಾದ ನಿದೇಶನುಂಟಾದ ಆರ್ ಕೆಲಸ ಮಲ್ತೊಂದಿತ್ತೆರ್. ಈ ಅವಶ್ಯ ದೃಷ್ಟಿನ ಪೂರ್ವಕದ ಕಾರಣದಿಂದಾಗಿ ಆರ್ ಅಣ್ ಅಂಚನೇ ಒಂಜಿ ಪೊಣ್ಣೆ ಬಾಲೆ ಪುಟ್ಟುನ್ ಬುಲೆಯೆರ್. ರವಿರಾಜ

ಆಚಾರ್ಯ ಬೊಕ್ಕ ಕಿರಣ್ ಆಚಾರ್ಯ ಪನ್ನಿ ರಡ್ಡ್ ಆಣ್ ಜೋಕುಲ್ಲಾ ಡಾ.
 ವಿ.ಎಸ್. ಆಚಾರ್ಯೆರ್ ಲೆಕ್ಕೊನೆ ದಾಕ್‌ದಾರಿಕೆ ಕಲ್ತದ್ ಕಸ್ತೂರ್‌ಬಾ ಮೆಡಿಕಲ್
 ಕಾಲೇಜ್‌ಡೇ ಡಾಕ್ಟರ್ ಆದ್, ಪ್ರಾಧ್ಯಾಪಕರಾದ್ ಕೆಲಸ ಮಲ್ತೊಂದುಲ್ಲೆರ್.
 ಅಂಚನೇ ಗಣೇಶ್ ಪ್ರಸಾದ್ ಆಚಾರ್ಯ ಬೊಕ್ಕ ರಾಜೇಶ್ ಪ್ರಸಾದ್ ಆಚಾರ್ಯ
 ಪನ್ನಿ ರಡ್ಡ್ ಜನ ಆಣ್ ಜೋಕುಲು ಇಂಜಿನಿಯರಿಂಗ್ ಪದವಿ ಪಡೇದ್
 ಅಮೇರಿಕೊಡ್ ಕೆಲಸ ಮಲ್ತೊಂದುಲ್ಲೆರ್. ಮಗಳ್ ಭಾರತೀಲಾ ಮೋಹನ್
 ಹೆಬ್ಬಾರೆನ್ ಮದ್ಯೆ ಆದ್ ಅಮೇರಿಕೊಡೇ ಜೀವನ ಮಲ್ತೊಂದುಲ್ಲೆರ್. ಇಂಚನ
 ಕೊಂಡಾಟದ ವೋರ್ಲುಕಂಟ್‌ದ ನಂಸಾರ ಡಾ. ವಿ. ಎಸ್. ಆಚಾರ್ಯೆರ್ ಆರ್
 ರಾಜಕೀಯದ ಕ್ಷೇತ್ರೊಡ್ ಇತ್ತ್ಂಡ ಆರ್ ನಂಸಾರದಾಕ್ಲು ರಾಜಕೀಯೊಡ್ ತರೆ
 ಪಾಡೊಂದಿತ್ತಿಜೆರ್: ಐತ ಲಾಭೋ ಪಡೆಯೆರೆ ಬೈದಿಜೆರ್. ಆಂಡ ಆರ್
 ಪ್ರತಿಯೊಂಜಿ ಕೆಲಸೊಗ್ಲಾ ಬೊಡೆದಿ ಜೋಕಲು ಬೆರಿಸಾಯ ಕೊರೊಂದಿತ್ತೆರ್. ಮಂತ್ರಿ
 ಆದ್ ಬೆಂಗ್ಲೂರ್ಡ್ ಉಪ್ಪುನಾಗ್ಲಾ ಆರ್ ಆವುಲ್ ಒರಿಯನೇ ಇತ್ತೆರ್. ಆರ್
 ನಂಸಾರ ಮೂಲೇ ಇತ್ತ್ಂಡ್. ಆಂಡ ಆರ್ ಬುಡೆದಿ, ಶಾಂತಾ, ವಿ. ಎಸ್.
 ಆಚಾರ್ಯೆರೆನ್ ನಾಡೊಂದ್‌ಬತ್ತಿ ಬಡವೆರೆಗ್ ಉಪಕಾರ ಮಲ್ತದ್ ಅಕಲೆಗ್
 ವಿಧವಾ ವೇತನ, ಅಂಗವಿಕಲ ವೇತನ, ಪರಬೇರೆಗ್ ಮಾಶಾಸನ ದೆತ್ತ್ ಕೊರ್ಚೆರ್.
 ಡೀಸಿ ಆಫೀಸರ್‌ಗ್ ಪ್ರೋದ್ ಕೆಲ್ಸ ಮಲ್ತ್ ಕೊರೊಂದಿತ್ತೆರ್. ಡಾ. ವಿ. ಎಸ್
 ಆಚಾರ್ಯೆರ್ ಅಪಗಪಗ ಪುರೈತ್ ಮಲ್ತದ್ ಮಲ್ಯೊಲ್ಲ ಗೊಬ್ಬೊಂದಿತ್ತೆರ್.
 ಪಲಯೆ ಪಲ್ಲಿನಾಕ್ಲೆಗ್ಲಾ ಆರ್ ಮಿತ್ತ್ ಭಾರೀ ಮೋಕೆ ಅಂಚನೇ ಗೌರವ ಇತ್ತ್ಂಡ್.
 ಕುಟುಂಬೊದ ಕಷ್ಟಲೆಡ್, ಸಂಬಂಧಿಕೆರ್ ಲೇಸ್‌ಲೆಡ್ ಪುರುಸೊತ್ತ್ ಮಲ್ತೊಂದು
 ಪಾಲ್ ಪಡೆಯೊಂದಿತ್ತೆರ್. ಕುಟುಂಬಿಕೆರ್ ಒಟ್ಟುಗ್ ಬೆರೆಯೊಂದಿತ್ತೆರ್. ಇಂಚ
 ಕುಟುಮ ಜೀವನೊನ್ ಆರ್ ಮಸ್ತ್ ಪಿರಿತಿ ಮಲ್ತೊಂದಿತ್ತೆರ್.

ರಾಷ್ಟ್ರೀಯ ಸ್ವಯಂ ಸೇವಕ ಸಂಘದ ಬೆರಿಟ್:

ಡಾ. ವಿ.ಎಸ್. ಆಚಾರ್ಯರ್ ರಾಷ್ಟ್ರೀಯ ಸ್ವಯಂ ಸೇವಕ ಸಂಘದ ನಿಷ್ಠಾವಂತ ಕಾರ್ಯಕರ್ತೆ ಆದ ಬೆರಿಟ್. ಏತ ಆದರ್ಶದ ಪ್ರಭಾವೋಗ ಒಳಗಾದ ಶಿಸ್ತಿನ ಸಿಪಾಯಿಯಾದ ಬುಳೆಶಿನಾರ್. ವೈದ್ಯ ವೃತ್ತಿ ಇತ್ತೊಂಡಲಾ ಸಂಘದ ಬೈರಕ್ಡ್ ಚಡ್ಡಿ ಪಾಡ್ ಭಾಗವವಿಸೊಂದ್ ಇತ್ತೆರ್. ಪಂಡಿತ್ ದೀನ್ ದಯಾಳ್ ಉಪಾಧ್ಯಾಯ ಮೇರ್ ಬೋಧನೆ ಮಲ್ತಿನ ಕರ್ತವ್ಯೊ ದೇಶಪ್ರೇಮ, ರೀತಿ ನೀತಿದ ಸ್ವಂತ ಬದ್ಕ, ತನ್ಕ ಒಂತೆ ಸಮಾಜೋಗ್ ಪೂರಾ ಪನ್ನಿನ ಸತ್ಯದೋ ನೀತಿ ಡಾ. ಆಚಾರ್ಯರ್ ಇತ್ತೊಂಡ್. ಐಡ್ಲಾವ್ ರಾಷ್ಟ್ರೀಯ ಸ್ವಯಂ ಸೇವಕ ಸಂಘದ ಭಾಗವಾಯಿನ ಜನಸಂಘೋಗ್ ಸೇರೈರ್.

ಭಾರತೋದ ರಾಜಕೀಯೋಡ್ ಮಸ್ತ್ ರಾಜಕೀಯ ಪಕ್ಷದ ಬುಳೆಚಿಲ್ ಆತ್ಂಡ್. ಐಟ್ ಜನಸಂಘಲಾ ಒಂಜಿ. ಈ ಪಕ್ಷೋ 1951ಟ್ ಶ್ಯಾಮ ಪ್ರಸಾದ್ ಮುಖರ್ಜೀನ್ ಗುರ್ರಾಮೆಡ್ ಸುರುವಾಂಡ್. ಆರ್. ಎಸ್. ಎಸ್.ದ ತತ್ವೋಡ್ ವಿಶ್ವಾಸ ಇತ್ತಿನಾಕ್ಲ ಮಾತ ಆ ಪಕ್ಷದ ಕಾರ್ಯಕರ್ತೆರ್ ಆದಿತ್ತೆರ್. ಆ ಪಕ್ಷೋ 1951ಟ್ ನಡೆತ್ತಿ ಸುರುತ ಓಟುಡ್ ಮೂಜಿಸ್ಥಾನ ಪಡೆಂಡ್. ಆರ್.ಎಸ್.ಎಸ್ ದ ಕಾರ್ಯಕರ್ತೆರಾಯಿನ ಡಾ. ವಿ.ಎಸ್. ಆಚಾರ್ಯರ್ ಜನಸಂಘ ಪನ್ನಿ ರಾಜಕೀಯ ಪಕ್ಷೋದ ಪ್ರಭಾವೋಗ ಒಳಗಾಯೆರ್. ಆ ಪಕ್ಷದ ರಾಷ್ಟ್ರೀಯ ಅಧಿವೇಶನ ಕೇರಳದ ಕಲ್ಲಿಕೋಟೆಡ್ 1967ಟ್ ನಡೆತ್ತೊಂಡ್. ಐಟ್ಲಾ ಆಚಾರ್ಯರ್ ಪಾಲ್ದಾರೆ ಆಯೆರ್. ಅವುಲ್ ಜನಸಂಘದ ರಾಷ್ಟ್ರೀಯ ನಾಯಕೆರ್ ಆಯಿನ ಪಂಡಿತ್ ದೀನ್ ದಯಾಳ್ ಉಪಾಧ್ಯಾಯೆರ್ ಭಾಷಣೋಗ್ ಮರ್ರಾಯೆರ್. ತನ್ನ ಬದ್ಕನ್ ಸಂಪೂರ್ಣವಾದ್ ಜನಸಂಘೋಗ್ ಸಮರ್ಪಣೆ ಮಲ್ತೊಂಡೆರ್. ಉಡುಪಿಡ್ ಆ ಪಕ್ಷೋಗ್ ಬಲವಾಯಿನ ನಿಲೆನ್ ಒದಗಿಸಾಯೆರ್. ಆರ್ನ್ ಉಮೇದ್, ಅಂಚನೇ ಒದ್ದಾಟ, ಪ್ರೊಬಾರ್ಟೊಡ್ ಜನಸಂಘ ಪಕ್ಷ 1968ಡ್ ಉಡುಪಿ ನಗರ ಸಭೆಟ್ ಅಧಿಕಾರೋಗ್ ಬತ್ತೊಂಡ್. ಆರ್ಲಾ ಓಟುಡ್ ಗೆಂದೈರ್. ಆರ್ ನಗರ ಸಭೆತ ಸದಸ್ಯೆ ಆದ್ ಆಯ್ಕೆ ಆಯೆರ್.

ರಾಜಕೀಯದ ನಡೆಟು:

ಡಾ. ವಿ.ಎಸ್. ಆಚಾರ್ಯರ ಆರ್. ಎಸ್. ಎಸ್. ಕಾರ್ಯಕರ್ತೆ ಆಂಡಲಾ ಆರೆಗ್ ಆರಂಬೊಡ್ ರಾಜಕೀಯೊಡ್ ಆಸಕ್ತಿ ಇತ್ತೆಜಿ. ಆಂಡ 1968ನೇ ಇಸವಿಡ್ ಉಡುಪಿ ನಗರ ಸಭೆಕ್ ಓಟ್ ನಡೆತ್ತೊಂಡ್. ಆ ಓಟುಗ್ ಸ್ಪರ್ಧೆ ಮಲ್ಪೊಡ್ ಪಂಡ್ಡ್ ಆಪಗ ಆರ್. ಎಸ್. ಎಸ್. ಸಂಘದ ಸರಸಂಚಾಲಕೆರ್ ಆಯಿನ ಗೊಳ್ವಾಲ್ಕರ್ ಆಚಾರ್ಯರೆಗ್ ಪಂಡೆರ್. ಆಪಗ ಆರೆಗ್ ದಾದ ಮಲ್ಬೆರೆಗ್ಲಾ ಆಯಿಜಿ. ಮನಸ್‌ದಾಂತಿ ಮನಸ್‌ಡ್ ಓಟುಗ್ ಉಂತಿಯೆರ್. ಗೆಂದ್ಯೇರ್, ನಗರ ಸಭೆತ ಸದಸ್ಯರಾಯೆರ್. ಆರ್ ಪಕ್ಷೊಲಾ ಅಧಿಕಾರೊಗ್ ಬತ್ತೊಂಡ್. ಅಪಗ ಡಾ. ವಿ. ಎಸ್. ಆಚಾರ್ಯರೆಗ್ ಬಜೀ 28ವರ್ಷ ಪ್ರಾಯ. ಲತ್ತ ಮೀಸೆದ ಜಕ್ಕ ಜವನೆ. ಪಕ್ಷ ಆರೆನ್ ನಗರ ಸಭೆತ ಅಧ್ಯಕ್ಷೆ ಆದಲಾ ಆಯ್ಗೆ ಮಲ್ತೊಂಡ್. ಆರ್ ಕನಮನೊಟ್ಲಾ ಎನ್ನಂದಿನ ಮಾನಾದಿಗೆ ಆರೆಗ್ ತಿಕ್ಕೊಂಡ್. ಜನಸಂಘೊಗ್ ದಕ್ಷಿಣ ಭಾರತೊಡ್ ಉಂದು ಸುರುತ ಜಯ. ಸುರುತ ಪಟ್ಟಲಾ. ಡಾ. ವಿ. ಎಸ್. ಆಚಾರ್ಯರ ಉಡುಪಿ ನಗರ ಸಭೆತ ಅಧಿಕಾರ ವಯಿಸೊನ್ನಾಗ ಒಂಜತ್ತ, ರಡ್ಡತ್ತ, ಮಸ್ತ್ ಸಮಸ್ಯೆಲು ಇತ್ತೊಂಡ್. ಈ ಸಮಸ್ಯೊಲೆನ್ ಪರಿಹಾರ ಮಲ್ಬೆರೆ ರಾಜಕೀಯೊದ ಪೊಲಬು ಅನುಭವ ದಾಂತಿನ ವಿ. ಎಸ್. ಆಚಾರ್ಯರೆಗ್ ಸಾಧ್ಯ ಉಂಡಾ ಪಂಡ್ಡ್ ಜನಕ್ಕು ಟೀಕೆ ಮಲ್ತೊಂದಿತ್ತೆರ್. ಆಂಡ ದಿನ ಪೋಯಿಲೆಕ್ಕ ಆಚಾರ್ಯರ್ ಕೆಲಸ ತೂದ್ ಜನಕುಲೆಗ್ ಮೆಚ್ಚಿಗೆ ಆಂಡ್. ಆರ್ ಅಧಿಕಾರೊಗು ಬನ್ನಾಗ ಜನಕುಲೆಗ್ ಪರ್ಯರೆ ನೀರ್ ಇತ್ತೆಜಿ, ಪುರಸಭೆಕ್ ಸ್ವಂತ ಕಟ್ಟಡ ಇತ್ತೆಜಿ, ಗಲೀಜ್ ನೀರ್ ಪೋಪಿನ ತೋಡ್ ಇತ್ತೆಜಿ. ಸಪೂರದ ಡಾಂಬರ್ ದಾಂತಿನ ರಸ್ತೆಲು, ತರೆಟ್ ಪೀ ತುಂಬೊಂದ್ ಪೋಪಿನ ವ್ಯವಸ್ಥೆ. ಆಂಡ ತಾಳೈದ, ಬುದ್ಧಿವಂತೆ ಆಚಾರ್ಯರೆಗ್ ಈ ಸಮಸ್ಯೆಲು ದುಣ್ಣ ಆಯಿಜಿ. ಆರ್ ತಾಕತ್ತೆಗ್ ಸವಾಲ್ ಆಂಡ್. ಆರ್ ಸಮಸ್ಯೊಲೆನ್ ಲೆಕ್ಕ ಪಾಡ್ಡ್ ಅಧ್ಯಯನ ಮಲ್ತೆರ್. ಉಡುಪಿ ನಗರದ ಬುಳೆಚಿಲಗ್ ಒಂಜಿ ಎಡ್ಡೆ ಯೋಜನೆ ಮಲ್ತೆರ್ ಏತ ಪ್ರಕಾರ ಅಭಿವೃದ್ಧಿ ಕಾರ್ಯ ಮಲ್ತೊಂದ್ ಪೋಯೆರ್. ಸ್ವರ್ಣಾ ನದಿಕ್ ಅಣೆಕಟ್ಟ್ ಕಟ್ಟೆರ್ ಉಡುಪಿದ ಜನಕುಲೆಗ್ ಪರ್ತಿ ನೀರ್ ವ್ಯವಸ್ಥೆ ಮಲ್ತೆರ್. ಅಪ್ಪೆನ್ 1974ಟ್

ರಾಜ್ಯಪಾಲೆರ್ ಆದಿತ್ತಿನ ಧರ್ಮವೀರೆರ್ ಉದ್ಧಾಟನೆ ಮಲ್ತೆರ್. ಮಾರ್ಗ ರಿಪೇರಿ, ಏಕ್ ಡಾಮರ್, ಒಳಚರಂಡಿ, ಮಾರ್ಗದ ಬರಿಟ್ ಲೈಟ್‌ದ ವ್ಯವಸ್ಥೆ, ಜನಕುಲೆನ ಸಂಚಾರೋಗ್ ಬಸ್ಸೆದ ವ್ಯವಸ್ಥೆ ಮಲ್ತೆರ್. ಇಂಚಿತ್ತಿ ಮಸ್ತ್ ಎಡ್ಡೆ ಎಡ್ಡೆ ಕೆಲಸ ಮಲ್ತೆದ್ ಜನಕುಲ್ ಪುಗರ್ತೆ ಪಡೆಯೆರ್. ಊರುನ್ ಸುಧಾರಣೆ ಮಲ್ತೆರ್. ಆರ್ ಅಧಿಕಾರೋಗ್ ಬನ್ನೆಗ ನಗರ ಸಭೆತ ವರಾರೋಡ್ ಕಕ್ಕುಸ್‌ದ ಗಲೀಜೆನ್ ತರೆಟ್ ತುಂಬುದ್ ಸ್ವಚ್ಛ ಮಲ್ಪುನ ಅಪಮಾನದ ಪದ್ಧತಿ ಇತ್ತೆಂಡ್. ಅವೇನ್ ಖಡಕ್ಕಾದ್ ಉಂತಾದ್ ಜಯ ಪಡೆಯೆರ್. ಆರ್ ಈ ಕೆಲಸೋಗ್ಲಾ ಪುಗರ್ತೆ ತಿಕ್ಕೆಂಡ್. ಉಡುಪಿ ಮರಸಭೆಕ್ ಸ್ವಂತ ಕಟ್ಟಡ ಕಟ್ಟಾಯೆರ್. ಇಂಚ ರಾಜ್ಯ ಸರ್ಕಾರದ ಸಾಯ ದೆತ್ತೊಂದ್ ಜನಮಾನಿಗ್ ಬೋಡಾದ್ ಮಸ್ತ್ ಕೆಲಸ ಮಲ್ತೆದ್ ಜನಕುಲೆನ ಶ್ವಾಸಗಿರಿ ಪಡೆಯೆರ್. ಅಂಚನೇ ಜನಸಂಘ ಪಕ್ಷೋಡಲಾ ಪುದರ್ ಕಂತೆರ್. ಆರ್ ಕೆಲೊಸೋಗ್ ಮೆಚ್ಚೆದ್ ರಾಜ್ಯ ಸರ್ಕಾರ ಆ ಕಾಲೊಡೇ ಏನ್ ಲಕ್ಷ ಇನಾಮುನ್ ಪುರಸಭೆಕ್ ಕೊರುಂಡ್. ಇಂಚ ಆರ್ ವೈದ್ಯಕೀಯ ಸೇವೆನ್ ಮಲ್ತೊಂದೇ ಜನಸೇವೆನ್ ಮಲ್ತೆದ್ ಮೆರೆಯೆರ್. ಅಂಚಾದ್ ಆರೆನ್ ಜನಸಂಘ ಜಿಲ್ಲಾಧ್ಯಕ್ಷೆರಾದ್ ನೇಮಕ ಮಲ್ತೆಂಡ್. ಆರ್ 1977 ಮುಟ್ಟಿ ಏತ ಅಧ್ಯಕ್ಷೆರಾದ್ ಎಡ್ಡೆ ಕೆಲಸ, ಪಕ್ಷ ಸಂಘಟನೆ ಮಲ್ತೆದ್ ಕಡಲ ಲೋಕೋಡ್ ಜನಸಂಘೋಗ್ ಗಟ್ಟಿ ಪಂಚಾಂಗ ಪಾಡ್ಯೆರ್.

ಜೈಲ್ಲ ಪುಡೆಟ್:

ಜವಾಹರ್‌ಲಾಲ್ ನೆಹರೂ ತೀರಿಪೋಯಿ ಬೊಕ್ಕ ಆರ್ಸ್ ಮಗಳ್ ಇಂದಿರಾಗಾಂಧಿ ಪ್ರಧಾನಿ ಪಟ್ಟೊಡ್ ಮೆರೆಯೆರ್. ಆರ್ 1971ಟ್ ನಡೆತ್ತಿ ಏನ್ನೇ ಲೋಕಸಭಾ ಓಟುಡ್ ಡೋಂಗಿ ಡಗಲ್ಬಾಜಿಡ್ ಗೆಂದ್ಯೆರ್ ಪಂಡ್ ಆರ್ ಎದುರುಡುಂತುದ್ ಸೋತಿನ ರಾಜನಾರಾಯಣೆರ್ ಅಲಹಾಬಾದ್ ಕೋರ್ಟ್ ಕೇಸ್ ಪಾಡ್ಯೆರ್. ಅವುಲ್ ಇಂದಿರಾಗಾಂಧಿನ ಅಕ್ರಮ ಸಾಬೀತಾದ್ ಆರ್ ಅಧಿಕಾರೊಡ್ಡು ಜಪ್ಪೊಡು ಪಂಡ್ ತೀರ್ಮಾನ ಆಂಡ್. ಅತ್ತಾವಂದೆ ಆರ್ ಆಜಿ ವರ್ಸೊ ಮುಟ್ಟಿ ಓಟುಗ್ಲಾ ಉಂತ್ಯೇರೆ ಬಲ್ಲಿ ಪಂಡ್ ಕೋರ್ಟ್ ಅಪ್ಪಣೆ ಕೊರುಂಡು.

ಅಂಡ ಇಂಧಿರಾಗಾಂಧ್ಯರ್ ಕೋಟು ತೀರ್ಮಾನೋಗ್ ಬೆಲೆ ಕೊರ್ದಿಯೆರ್, ಅಧಿಕಾರೊಡ್ಡ್ ಜತ್ತಿಜಿಯೆರ್. ಅಪಗ ಮೊರಾರ್ಜಿ ದೇಸಾಯಿ, ಡಾ. ಜಯಪ್ರಕಾಶ್ ನಾರಾಯಣೆರ್, ಜಾರ್ಜ್ ಫೆರ್ನಾಂಡಿಸೆರ್ ಏಕ್ ವಿರೋಧ ಮಲ್ತ್ದ್ ರಾಷ್ಟ್ರಬಂದ್ ಗ್ ಕರೆಕೊರ್ದೆರ್. ಅಪಗ ಇಂಧಿರಾಗಾಂಧ್ಯರ್ 1975ನೇ ಇಸವಿ ಜೂನ್ 26ನೇ ತಾರೀಕ್‌ದಾನಿ ತುರ್ತು ಪರಿಸ್ಥಿತಿನ್ ಘೋಷಣೆ ಮಲ್ತೆರ್. ಜನಸಂಘ ಸೇರ್ದ್ ಮಸ್ತ್ ಪಕ್ಷದ ಗುರ್ಕಾರನಾಕ್ಲೆನ್ ಜೈಲ್ಡ್ ಪಾಡಿಯೆರ್. ಆರ್. ಎಸ್. ಎಸ್.ನ್ ನಿಷೇಧ ಮಲ್ತೆರ್. ಇಂದೆನ್ ವಿರೋಧ ಮಲ್ತ್ದ್ ದೇಶ ಇಡೀ ಪ್ರತಿಭಟನೆ, ಬಂದ್ ನಡತ್ಂಡ್. ಅಂಚನೇ ಉಡುಪಿಡ್ಲಾ ಪ್ರತಿಭಟನೆ ನಡತ್ಂಡ್. ಏಟ್ ಡಾ. ವಿ. ಎಸ್. ಆಚಾರ್ಯೆರ್‌ಲಾ ದುಂಬು ಪೋದಿತ್ತೆರ್. ಅಂಚಾದ್ ಆರೆನ್ಲಾ ಜೈಲ್ಡ್ ಪಾಡ್ಯೆರ್. ಆರ್ ಕುಡ್ಲ, ಬಳ್ಳಾರಿ, ಬೆಂಗಳೂರು, ಪಂಡ್ ಪದಿನೊರುಂಬ ತಿಂಗಳ್ ಜೈಲ್ಡ್ ಇತ್ತೆರ್. ಬೆಂಗಳೂರುಡು ಉಪ್ಪುನಾಗ ಆರೆಗ್ ಅಡ್ವಾಣಿ ಬೊಕ್ಕ ಮಧುದಂಡವತೆರೆನ ಪೊಲಬು ಆಂಡ್. ಅಡ್ವಾಣಿನ ದೋಸ್ತಿಕತೆ ಬುಲೆಂಡ್. ಅಂಚಾದ್ ಆರ್ ಓಡಿಮಗ್ ಬನ್ನಾಗ ಮಾತಾ ಆರ್ ಇಲ್ಲಾಡೇ ಇತ್ತೆರ್. ಐಡ್ವಾರ ವಿ. ಎಸ್. ಆಚಾರ್ಯೆರ್ ಶವ ಸಂಸ್ಕಾರೊಗ್ಲಾ ಅಡ್ವಾಣಿಯೆರ್ ಬತ್‌ದಿತ್ತೆರ್. ಕಡೇತ ನಮಸ್ಕಾರೊ ಕೊರ್ದಿತ್ತೆರ್. ಐಡ್ ಬೊಕ್ಕ 1977ನೇ ಇಸವಿಡ್ ತುರ್ತು ಪರಿಸ್ಥಿತಿನ್ ಇಂಧಿರಾಗಾಂಧಿ ಪಿರ ದೆತ್ತೆರ್. ಜೈಲ್ಡ್ ಇತ್ತಿನಾಕ್ಲೆನ್ ಮಾತಾ ಬುಡುಗಡೆ ಮಲ್ತೆರ್. ಅಪಗ ಏನ್ ಪಕ್ಷದಾಕ್ಲು ಸೇರ್ದ್ ಡಾ, ಜಯಪ್ರಕಾಶ್ ನಾರಾಯಣೆರ್ ಮುತಾಲಿಕೆಡ್ ಪೊಸತಾದ್ ಜನತಾ ಪಕ್ಷ ಸುರು ಮಲ್ತ್ದ್ ಓಟುಗ್ ಉಂತ್ಯೆರ್. ಡಾ. ವಿ. ಎಸ್. ಆಚಾರ್ಯೆರ್ಲಾ ದಕ್ಷಿಣ ಕನ್ನಡ ಜನತಾ ಪಕ್ಷದ ಅಧ್ಯಕ್ಷೆ ಆದ್ ಓಟುಗ್ ಬೋಡಾದ್ ಕೆಲಸ ಮಲ್ತೆರ್. ಆ ಓಟುಡು ಕಾಂಗ್ರೆಸ್ ಸೋತುದ್ ಜನತಾ ಪಕ್ಷ ಡೆಲ್ಲೆಡ್ ಪಟ್ಟೋಗ್ ಬತ್ಂಡ್. ಮೊರಾರ್ಜಿ ದೇಸಾಯೆರ್ ಪ್ರಧಾನಿ ಆಯೆರ್. ಅಂಡ ಒಂತೆ ದಿನೊಟೀ ಆ ಏನ್ ಪಕ್ಷದಾಕ್ಲೆನ ಕಚ್ಚಾಟ ಸುರು ಆಂಡ್. ಅಂಚಾದ್ 1979ಟ್ ಅಧಿಕಾರ ಕಳೆವೊಂಡೆರ್. ಕುಡ ನಡೆತ್ತಿ ಓಟುಡ್ ಪಿರ ಕಾಂಗ್ರೆಸ್ ಅಧಿಕಾರೊಗ್ ಬತ್ಂಡ್. ಅಪಗ ಜನತಾ ಪಕ್ಷೊಡ್ ಇತ್ತಿನ ಜನಸಂಘದ ಗುರ್ಕಾರ್ಕುಲು ಒಟ್ಟು ಸೇರ್ದ್ ಪೊಸತಾದ್

'ಭಾರತೀಯ ಜನತಾ ಪಕ್ಷ' ಪನ್ನಿ ಪಕ್ಷೋನ್ ಸ್ಥಾಪನೆ ಮಲ್ತೆರ್. ಅಟಲ್ ಬಿಹಾರಿ ವಾಜಪೇಯಿ ಏತ ಅಧ್ಯಕ್ಷೆರಾದ್ ಆಯ್ಕೆ ಆಯೆರ್. ಅಪಗ ಡಾ. ವಿ. ಎಸ್. ಆಚಾರ್ಯೆರ್ ದಕ್ಷಿಣ ಕನ್ನಡ ಜಿಲ್ಲೆದ ಬಿ. ಜೆ. ಪಿ. ಅಧ್ಯಕ್ಷೆರಾದ್ ಪಕ್ಷ ಸಂಘಟನೆಗ್ ಪ್ರೊಂಬ್ಬೆರ್.

ಕರ್ನಾಟಕ ರಾಜ್ಯೊಡ್ 1983ಟ್ ಓಟು ನಡತ್ಂಡ್. ಏಟ್ ದಕ್ಷಿಣ ಕನ್ನಡದ ಎಡ್ಡ ಸ್ಥಾನೊಡ್ ಬಿ.ಜೆ.ಪಿ. ಅಭ್ಯರ್ಥಿಲು ಗೆಂದ್ಯೆರ್. ಉಡುಪಿಡ್ಡ ಡಾ. ವಿ.ಎಸ್. ಆಚಾರ್ಯೆರಾ ಗೆಂದ್ಯೆರ್. ಆರ್ ಎದುರುಡುಂತಿನ ಮನೋರಮಾ ಮದ್ದುರಾಜ್ ಸೋತೆರ್. ಐಡ್ಡ್ ದುಂಬು ನಡೆತ್ತಿನ ಏನಾಜಿ ಓಟುಡ್ಲಾ ಡಾ. ವಿ.ಎಸ್. ಆಚಾರ್ಯೆರ್ ಸೋತುದಿತ್ತೆರ್. ಅಪಗ ಒಂಜಿದಿನ ಆರ್ ಬುಡೆದಿ ಪೊಕ್ಕಡೆ ಸೋಪರೆ ಈರ್ ದಾಯೆಗ್ ಓಟುಗ್ ಉಂತೋಡ್ ಅಂದ್ ಕೇಂಡೆರ್ಗೆ. ಏಕ್ ಆರ್ ಸುರುಟ್ ಯಾನ್ ಜನಕುಲೆಗ್ ಪರಿಚಯ ಆವೊಡು ಐಡ್ಡ್ ಬೊಕ್ಕ ಯಾನ್ ಗೆಂದ್‌ದೇ ಗೆಂದುವೆ ಪಂದ್ಯೆರ್ಗೆ. ಅಂಚನೇ ಆರ್ 1983ನೇ ಇಸವಿದ ಓಟುಡ್ ಗೆಂದ್ಯೆರ್. ಶಾಸನ ಸಭೆಕ್ ಒಡ್ಡೋಲಗ ಆಯೆರ್.

ಆ ಓಟುಡ್ ಕಾಂಗ್ರೆಸ್ ಪಕ್ಷ ಸೋತುದ್ ರಾಮಕೃಷ್ಣ ಹೆಗಡೆನ ಗುರೂರ್ಮೆದ ಜನತಾ ಪಕ್ಷ ರಾಜ್ಯೊಡ್ 85 ಸ್ಥಾನ ಪಡೆಂಡ್. ಅಪಗ 18 ಸ್ಥಾನ ಪಡೆತಿನ ಬಿ. ಜೆ. ಪಿ. ಆರ್ ಒಟ್ಟುಗು ಸೇರ್ದ್ ಸರಕಾರ ಮಲ್ತೆಂಡ್. ಅಪಗ ಆರ್‌ಮಂತ್ರಿಲಾ ಆಯೆರ್. ಐಡ್ಡ್ ಬೊಕ್ಕ ನಡೆತ್ತಿನ ಓಟುಡ್ ಒರ ಪಿರ ಬೂರುಂಡಲಾ ಬಿ.ಜೆ.ಪಿದ ಬಲ ಜಾಸ್ತಿ ಆವೊಂದೇ ಪ್ರೊಂಡ್.

ಡಾ. ವಿ.ಎಸ್. ಆಚಾರ್ಯೆರ್ 1996ಟ್ ವಿಧಾನ ಪರಿಷತ್‌ದ ಸದಸ್ಯೆ ಆದ್ ಆಯ್ಕೆ ಆಯೆರ್, ಅಪಗ ಜೆ. ಎಚ್. ಪಟೇಲೆರ್ ಮುಖ್ಯ ಮಂತ್ರಿ ಆದಿತ್ತೆರ್. ಆ ಪ್ರೊರ್ತುಡ್ ಸರಕಾರ ಏಳ್ ಪ್ರೊಸ ಜಿಲ್ಲೆಲೆನ್ ರಚನೆ ಮಲ್ತೆಂಡ್. ಏಟ್ ಉಡುಪಿಲಾ ಒಂಜಿ. ಈ ಉಡಿಪಿ ಜಿಲ್ಲೆದ ರಚನೆಗ್ ಆಚಾರ್ಯೆರ್ ಭಾರೀ ಪ್ರಯತ್ನ ಮಲ್ತೆದ್ ಜಯ ಪಡೆಯೆರ್. ಅಂಚಾದ್ ಇನಿ ಉಡುಪಿದ ಅಭಿವೃದ್ಧಿಡ್ ಒಂಜಿ ಪೊಸ ಯುಗ ಸುರುವಾತ್‌ಂಡ್. ಆರ್ ಪಕ್ಷದ ಸಂಘಟನೆಡ್ಲಾ ಬೋಡಾಯಿನಾತ್ ಬೆಂದೆರ್. ಓಟುದಪಗ ಪಕ್ಷದ ಪ್ರಣಾಳಿಕೆ ರಚನೆಡ್ ಭಾರೀ

ಬುದ್ಧಿವಂತಿಗೆ ತೋಜಾದೆರ್. ಐಡ್ಲಾವರ ಕರ್ನಾಟಕೊಡು ಬಿ.ಜೆ.ಪಿ. ಬಲ ಆವೊಂದು ಪೋಂಡ್. ಐಡ್ಲ ಬೊಕ್ಕ 2002ಟ್ ಆರ್ ವಿಧಾನ ಪರಷತ್ತ್ರ್ ಆರ್ ಮರು ನೇಮಕ ಆಯೆರ್. ಆ ಸಂದರ್ಬೊಡ್ ಆರ್ ಆರೋಗ್ಯ ಬೊಕ್ಕ ಕುಟುಂಬ ಕಲ್ಯಾಣೊಗ್ ಸಂಬಂಧ ಪಟ್ಟಿನ ಶಾಸಕಾಂಗ ಸಮಿತಿದ ಅಧ್ಯಕ್ಷೆರಾದ್ ಎಡ್ಲೆ ಕೆಲಸ ಮಲ್ತೆದ್ ಪ್ರದರ್ ಕೇಂಡ್ಯೆರ್.

ಕರ್ನಾಟಕದ ರಾಜಕೀಯೊಗ್ 2004ಟ್ ಒಂಜಿ ಪೊಸ ದೇಖಿ ಬತ್ತಂಡ್. ಆ ವರ್ಷ ನಡೆತ್ತಿ ಓಟುಡ್ ವಾ ಪಕ್ಷೊಗ್ಲಾ ಬಹುಮತ ತಿಕ್ಕಾಂದೆ ಸರ್ಕಾರ ರಚನೆ ಮಲ್ತೆರೆ ಕಷ್ಟ ಆಂಡ್. ಆ ಓಟುಡ್ ಬಿ. ಜೆ. ಪಿ. ಗ್ 79 ಸ್ಥಾನ, ಕಾಂಗ್ರೆಸ್‌ಗ್ 65 ಸ್ಥಾನ ಅಂಚನೇ ಜನತಾ ದಳ(ಎಸ್)ಗ್ 58 ಸ್ಥಾನ ಬತ್ತಂಡ್. ಅಪಗ ಸುರುಟ್ ಕಾಂಗ್ರೆಸ್ ಬೊಕ್ಕ ಜನತಾದಳ ಒಟ್ಟುಗ್ ಸೇರ್ದ್ ಸರ್ಕಾರ ಮಲ್ತೆರ್. ಆಂಡ ಆ ಸಮ್ಮಿಶ್ರ ಸರ್ಕಾರ ಎಚ್ಚ ಸಮಯ ಒರಿಯಿಜಿ. ಅಕಲ್ನ ಉಲಾಯಿ ಕಟಿಪಿಟಿ ಸುರುವಾಂಡ್. ಅಂಚಾದ್ ಜನತಾದಳ(ಎಸ್)ದ ಮುಖಂಡೆರ್ ಆಯಿನ ಶ್ರೀ ಎಚ್. ಡಿ. ಕುಮಾರಸ್ವಾಮಿಯೇರ್ ಕಾಂಗ್ರೆಸ್‌ಗ್ ಕೊರಿನ ಬೆಂಬಲ ವಾಪಸ್ ದೆತ್ತೆದ್ ಬಿ.ಜೆ.ಪಿ.ದೊಟ್ಟುಗ್ ಸೇರ್ದ್ ಪೊಸ ಕೂಡ್‌ಕಟ್ಟೆದ ಸರ್ಕಾರ ಉಂಡು ಮಲ್ತೆರ್. ಅಕಲ್ನ ನಡುಟ್ ಆಯಿ ಒಪ್ಪಂದ ಪ್ರಕಾರ ಸುರುಟ್ ಇರ್ವ ತಿಂಗೊಳು ಶ್ರೀ ಕುಮಾರ ಸ್ವಾಮಿಯೇರ್ ಮುಖ್ಯ ಮಂತ್ರಿ ಆವೊಡ್ ಬೊಕ್ಕದ ಇರ್ವ ತಿಂಗೊಳ್ ಶ್ರೀ ಯಡ್ಕೂರಪ್ಪೆರ್ ಮುಖ್ಯ ಮಂತ್ರಿ ಆದ್ ಆಡಳಿತ ಮಲ್ತೊಡು. ಆ ಪೊಸ ಕೂಡ್‌ಕಟ್ಟೆದ ಸರ್ಕಾರೊಡ್ ಡಾ. ವಿ.ಎಸ್. ಆಚಾರ್ಯೆರ್ ಮಂತ್ರಿ ಸ್ಥಾನ ಪಡೆಯೆರ್. ಎಡ್ಲೆ ಕೆಲಸ ಮಲ್ತೆದ್ ಪ್ರದರ್ ಪಡೆಯೆರ್. ಇರ್ವ ತಿಂಗೊಲ್ಲ ಬೊಕ್ಕ 2007ಟ್ ಶ್ರೀ ಕುಮಾರ ಸ್ವಾಮಿಯೇರ್ ಶ್ರೀ ಬಿ.ಎಸ್. ಯಡ್ಕೂರಪ್ಪೆರ್ ಮುಖ್ಯ ಮಂತ್ರಿ ಪಟ್ಟಿ ಬುಡ್ಡ್ ಕೊರ್ಚಿಯೆರ್. ಪಂಡಿ ಪಾತೆರ ತತ್ತೆರ್. ಆಯಿ ಒಪ್ಪಂದ ಮರೆತೆರ್. ಅಂಚಾದ್ ಕಟಿಪಿಟಿ ಸುರುವಾದ್ ಸರ್ಕಾರ ಬೂರುಂಡು ರಾಷ್ಟ್ರಪತಿ ಆಡಳಿತೋ ಜಾರಿಯಾಂಡ್.

ಕರ್ನಾಟಕೊಡ್ 2008ನೇ ಇಸವಿದ ಮೇ ತಿಂಗೊಲುಡ್ ರಾಜ್ಯದ ಶಾಸನ ಸಭೆಕ್ ಓಟು ನಡತ್ತಂಡ್. ಐಟ್ ಬಿ.ಜೆ.ಪಿ., ಕಾಂಗ್ರೆಸ್ ಅಂಚನೇ

ಜನತಾದಳ(ಎಸ್)ನ್ ಮಣ್ಣು ಮುಕ್ಕಾದ್ ಅಧಿಕಾರೋಗ್ ಬತ್ತಂಡ್. ಶ್ರೀ ಬಿ. ಎಸ್. ಯಡ್ಕೂರಪ್ಪೆರ್ ಮುಖ್ಯ ಮಂತ್ರಿಯಾದ್ ಆಯ್ಕೆ ಆಯೆರ್. ಉಂದು ಕರ್ನಾಟಕೊಡ್ ಮಾತ್ರ ಅತ್ತ ಇಡೀ ದಕ್ಷಿಣ ಭಾರತೊಡೇ ಬಿ.ಜೆ.ಪಿಗ್ ತಿಕ್ಕಿನ ಸುರುತ ಜಯ. ಈ ಜಯಟ್ ಆಚಾರ್ಯೆರ್ ಕೊಡುಗೆಲಾ ಭಾರೀ ಉಂಡು. ದಾಯಗ್ ಪಂಡ ಈ ಓಟುಡ್ ಬಿ.ಜೆ.ಪಿ.ದ ಪ್ರಣಾಳಿಕೆನ್ ಮಲ್ತಿನಾರ್ ಡಾ. ವಿ. ಎಸ್. ಆಚಾರ್ಯೆರ್. ಆರ್ ತನ್ನ ಬಿಸಾರದಿಗೆ ತೋಜಾದ್ ಜನಕುಲು ಓಟು ಪಾಡಿಲೆಕ್ ಬಿ.ಜೆ.ಪಿ.ದ ಪ್ರಣಾಳಿಕೆನ್ ತಯಾರ್ ಮಲ್ತೆರ್. ಅಂಚನೇ ಕರ್ನಾಟಕೊಡ್ ಈ ಸುರುತ ಬಿ.ಜೆ.ಪಿ. ಸರಕಾರೊಡ್ ಸುರುಟು ಗೃಹ ಮಂತ್ರಿಯಾದ್ ಐಡ್ ಬೊಕ್ಕ ಬೇತೆ ಬೇತೆ ಖಾತೆಲೆನ್ ಮಂತ್ರಿಯಾದ್ ಮೆರೆಯೆರ್. ಸರಕಾರೊಗು ಸಮಸ್ಯೆಲು ಬತ್ತಿಂಚಿ ಪೂರ್ತುಡು ತನ್ನ ರಾಜಕೀಯ ಅನುಭವಡ್, ಬಿಸಾರದಿಗೆಡ್ ಪರಿಹಾರ ಮಲ್ತೆಡ್ ಸರಕಾರೊನ್ ಇಕ್ಕಟ್ಟೆಡ್ ಪಾರ್ ಮಲ್ತೆರ್.

ಮಂತ್ರಿ ಪಟ್ಟೊಡ್ ಮೆರೆಪಾಟ:

ತೆರಿನಾಕ್ಲು ಪನ್ನೆರ್ ರಾಜಕೀಯ ಪಂಡ ಒಂಚಿ ಗೊಬ್ಬುಗೆ. ಐಟ್ ಸೋಲುಲಾ ಉಂಡು, ಗೇಲ್‌ಲಾ ಉಂಡು. ಅಂಚನೇ ರಾಜಕೀಯೊಡ್ ಮೆರೆತಿನಾಕ್ಲು ಉಲ್ಲೆರ್. ಅಡಿಟ್ ಬೂದಿನಾಕುಲ್ಲಾ ಉಲ್ಲೆರ್. ಎಮ್.ಬಿ.ಬಿ.ಎಸ್. ಪದವಿನ್ ಪಡೆದ್ ಜನಕುಲೆನ ಸೇವೆ ಮಲ್ತೆರೆ ಪಿದಾಡಿನ ಡಾ. ವಿ. ಎಸ್. ಆಚಾರ್ಯೆರ್ಗೆ ರಾಜಕೀಯದಗೇಣ್ ಎಂಚ ಬತ್ತಂಡ್ ಪಂಡ್ ಎನ್ನೆರೆಗ್ಲಾ ಸಾಧ್ಯ ಇಜ್ಜಿ. ಏಕೆ ಪನ್ನಿನಿ ಭಗವಂತನ ಸಂಕಲ್ಪ. ಆರ್ ಮನುಷ್ಯನ್ ಪುಟ್ಟಾನಗನೇ ವಾ ಸೇವೆ ಮಲ್ಪೊಡ್ ಪಂಡ್ ಹಣೆಟ್ ಬರೆದುಪ್ಪವೆರೆ. ಅಂಚನೇ ಆಯೆ ಆ ಕರ್ತವ್ಯನ್ ಮಲ್ತೆಡ್ ಮದೆಕ್ ದೆಂಗೋಡಾಪ್ಪಂಡ್. ನೆಕ್ ಡಾ. ವಿ.ಎಸ್. ಆಚಾರ್ಯೆರ್ ಅಪವಾದ ಅತ್ತ. ಆರ್ ರಾಜಕೀಯೊಡ್ ಗೆಂದೆದ್ ಸೋತಿನಾರ್, ಸೋತೆದ್ ಗೆಂದೆದ್ ಮೆರೆತಿನಾರ್.

ಡಾ. ವಿ.ಎಸ್. ಆಚಾರ್ಯೆರ್ ಎಲ್ಯ ಪ್ರಾಯೊಡೇ ಉಡುಪಿ ಮುನ್ನಿಪಾಲಿಟೆದ ಓಟುಗು ಉಂತೆದು ಐತ ಸದಸ್ಯೆ ಆಯೆರ್, ಅಧ್ಯಕ್ಷೆ ಆಯೆರ್. ಎಡ್ಡೆ ಕೆಲಸ

ಮಲ್ತಿದ್ ಪುದರ್ ಕೇಂಡ್ಯೇರ್. ರಾಜಕೀಯದ ರುಚಿ ಪತ್ಯೇರ್. ಐಡ್ ಬೊಕ್ಕ ಆರ್ ಜನಸಂಘೋಡ್ ಪಾರ್ಲಿಮೆಂಟ್‌ಗ್ ಬೊಕ್ಕ ಶಾಸನಸಭೆಕ್ ಓಟುಗ್ ಉಂತುದ್ ಕೆಲವು ಸಲ ಸೋತಿನಲಾ ಉಂಡು. ಆಂಡಲಾ ಆರ್ ರಾಜಕೀಯೋಡ್ ಪಿರಬರಂದೆ ದುಂಬು ಪೋಯೆರ್. ವಿಧಾನ ಪರಿಷತ್‌ದ ಸದಸ್ಯೆ ಆಯೆರ್. ಅನೇಕ ಮಂತ್ರಿ ಪದವಿನ್ ಪಡೆದ್ ಕೆಲಸ ಮಲ್ತೆರ್, ಜನಕುಲೆನ ಸೇವೆ ಮಲ್ತೆರ್. ಪುದರ್ ಕೇಂಡೇರ್.

ಡಾ. ವಿ.ಎಸ್. ಆಚಾರ್ಯೆರೆನ್ 'ಸಪ್ತ ಖಾತೆಗಳ ಸರದಾರ' ಪಂಡ್ ಪನ್ಪೆರ್. ಆರ್ ಆಜಿ ವರ್ಸೊಡು ಏಳ್ ಇಲಾಖೆದ ಜವಾಬ್ದಾರಿ ತೂಯೆರ್. ವೈದ್ಯಕೀಯ ಶಿಕ್ಷಣ, ಗೃಹ ಇಲಾಖೆ, ಪಶುಸಂಗೋಪನೆ, ಉನ್ನತ ಶಿಕ್ಷಣ, ಮುಜರಾಯಿ ಇಲಾಖೆ, ಮಾಹಿತಿ ತಂತ್ರಜ್ಞಾನ, ಬಯೋ ಟೆಕ್ನಾಲಜಿ ಪನ್ಪಿ ಏಳ್ ಮಂತ್ರಿ ಪಟ್ಟೋಡ್ ಮೆರೆಯಿನಾರ್. ತಾಕತ್ ತೋಜಾಯಿನಾರ್, ಎಡ್ಡೆ ಪುದರ್ ಪಡೆಯಿನಾರ್. ಆರ್ ಆಚಾರ ವಿಚಾರ ಬಾಕಿದಾಕಲೆನ್ ಉಮೇದ್ ಕೊರ್ಪಿನವು. ಆರ್ ತಾಜಿಡ್ ನಡತ್ತಂಡ ನಿಜವಾದ್‌ಲಾ ಒರಿ ಎಡ್ಡೆ ರಾಜಕಾರಣಿ ಆವೆರ್ ಸಾಧ್ಯ ಉಂಡು. ಊರುನು ಉದ್ದಾರ ಮಲ್ಪರೆಲಾ ಸಾಧ್ಯ ಉಂಡು.

ವೈದ್ಯಕೀಯ ಶಿಕ್ಷಣ ಇಲಾಖೆ:

ಡಾ. ವಿ.ಎಸ್. ಆಚಾರ್ಯೆರ್ ಸುರುಟ್ ವೈದ್ಯಕೀಯ ಮಂತ್ರಿ ಪಟ್ಟೊಡು ಕುಲ್ಯೆರ್. ಕರ್ನಾಟಕೋಡ್ 2004ಟ್ ನಡತ್ತಿ ಓಟುಡು ಓವ್ವೆ ಪಕ್ಷೋಗ್‌ಲಾ ಬಹುಮತ ತಿಕ್ಕಂದೆ ಸರ್ಕಾರ ರಚನೆ ಮಲ್ಪೆರೆಗ್ ಆಯಿಜಿ. ಅಪಗ ಸುರುಟು ಉಂಡಾಯಿನ ಕಾಂಗ್ರೆಸ್-ಜೆ.ಡಿ.ಎಸ್. ದೋಸ್ತಿ ಸರ್ಕಾರ ಎಚ್ಚ ಸಮಯ ಬಾಳಿಕೆ ಬತ್ತಿಜಿ. ಅಂಚಾದ್ ಕುಮಾರ ಸ್ವಾಮಿ-ಯಡ್ಯೂರವ್ವೆರ್ ನಡುಟ್ ಆಯಿ ಒಪ್ಪಂದದ ಪ್ರಕಾರ ರಡ್ಡನೇ ಸರ್ತಿ ಬಿ.ಜೆ.ಪಿ.-ಜೆ.ಡಿ.ಎಸ್. ದೋಸ್ತಿ ಸರ್ಕಾರ ರಚನೆ ಆಂಡ್. ಆ ಸರ್ಕಾರೋಡ್ ಡಾ. ವಿ.ಎಸ್. ಆಚಾರ್ಯೆರ್ ವೈದ್ಯಕೀಯ ಮಂತ್ರಿ ಪಟ್ಟ ತಿಕ್ಕಂಡ್. ಅವು ಆರೆಗ್ ಯೋಗ್ಯವಾಯಿನ ಖಾತೆ. ಉಂದು ಮಂತ್ರಿಯಾದ್

ಆರೆನ ಸುರುತ ಅನುಭವ ಆಂಡಲಾ ಆರ್ ಏಟ್ ಮಸ್ತ್ ಸುಧಾರಣೆ ಮಲ್ತ್ದ್ ಎಡ್ಡೆ ಪುದರ್ ಕೇಂಡೇರ್. ಆ ಇಲಾಖೆದ ಸಮಸ್ಯೆಲೆನ್ ಅಧ್ಯಯನ ಮಲ್ತೆರ್. ಎಡ್ಡೆಪಡ್ಡೆಲೆನ್ ಪಟ್ಟಿ ಮಲ್ತ್ದ್ ಏಟಿತ್ತಿ ತೊಂದರೆ ತಾಪತ್ರಯಾಲೆನ್ ಸರಿ ಮಲ್ತೆರೆ ಎಡೇನೆ ಬಂಜಬತ್ತೆರ್. ಆ ಇಲಾಖೆದ ಅಧಿಕಾರಿಲೆಗ್ ಚುರುಕ್ ಪುಟ್ಟಾಯೆರ್. ವೈದ್ಯಕೀಯ ಕಾಲೇಜ್‌ದ ಸೀಟ್‌ದ ಸಂಖ್ಯೆ ಜಾಸ್ತಿ ಮಲ್ತೆರ್. ಬಡ ವಿದ್ಯಾರ್ಥಿಲೆಗ್ ಕಡಿಮೆ ದುಡ್ಡುಡ್ ವೈದ್ಯಕೀಯ ಶಿಕ್ಷಣ ತಿಕ್ಕಿಲೆಕ್ಕ ಮಲ್ತೆರ್. ಅಯ್ಕೋಸ್ಕರ ಕೇಂದ್ರ ಸರಕಾರಡ ಪಾತೆರ್ಡ್ ಆಜಿ ಪೊಸ ಸರಕಾರಿ ವೈದ್ಯಕೀಯ ಕಾಲೇಜಿಲೆನ್ ಸ್ಥಾಪನೆ ಮಲ್ತೆರ್. ನೆಡ್ಡಾವರ ಆಜಿನೂದು ಸೀಟ್ ಜಾಸ್ತಿ ಆದ್ ಬಡವೆರ್ಲಾ ದಾಕ್‌ದಾರಿಕೆ ಕಲ್ಪಿಲೆಕ್ಕಾಂಡ್. ಕಲ್ಪಾವುನ ಡಾಕ್ಟರ್‌ನಕೆಲೆಗ್ ಎಡ್ಡೆ ಸಂಬಳ ಗೊತ್ತ್ ಮಲ್ತೆರ್. ಇಂಚ ಆ ಇಲಾಖೆಗ್ ಪ್ರೊಸ ಮೋನೆ ಕಂತ್‌ದ್ ಮಾಮಲ್ಲ ಸಾಧನೆ ಮಲ್ತೆರ್.

ಪಶುಸಂಗೋಪನೆ:

ಆರ್ ಗುರ್ಮಾ ತೂಯಿನ ರಡ್ಡನೇ ಖಾತೆ ಪಶುಸಂಗೋಪನಾ ಇಲಾಖೆ. ಪೆತ್ತ ಕೈಕಂಜಿಲೆನ ಅಭಿವೃದ್ಧಿಗೋಸ್ಕರ ಇತ್ತಿನ ಇಲಾಖೆ. ಐತ ಸಮಸ್ಯೆಲೆನ್ಲಾ ಪೂರಾ ಅಧ್ಯಯನ ಮಲ್ತ್ದ್ ಏಟ್ ಅನೇಕ ಸುಧಾರಣೆ ಅಂಚನೇ ಬದಲಾವಣೆ ಮಲ್ತ್ದ್ ಏಕ್ ಒಂಜಿ ಪ್ರೊಸ ರೂಪ ಕೊರ್ಯೆರ್. ಇಲಾಖೆದ ಕೆಲಸೊಲೆಗ್ ಚುರುಕ್ ಪುಟ್ಟಾಯೆರ್. ಇಲಾಖೆದ ಲಾಭ ಜನಕುಲೆಗ್, ಕೈಕಂಜಿಲೆಗ್ ತಿಕ್ಕಿಲೆಕ್ಕ ಮಲ್ತೆರ್. ಇಲಾಖೆಗ್ ಪ್ರೊಸ ದೇಖಿ ಕಂತ್‌ರ್.

ಗೃಹ ಇಲಾಖೆ:

ಡಾ. ಆಚಾರ್ಯೆರ್ ಮೂಜನೇ ಮಂತ್ರಿ ಪಟ್ಟಿ ಗೃಹ ಇಲಾಖೆ. ಕರ್ನಾಟಕೋಡು 2008ಟ್ ನಡತ್ತಿ ವಿಧಾನ ಸಭಾ ಓಟುಡ್ ಬಿ.ಜಿ.ಪಿ. ಅಧಿಕಾರೊಗ್ ಬತ್ತೆಂಡ್. ಮೇ ತಿಂಗೊಳ್ ಮುಪ್ಪನೇ ತಾರೀಕ್‌ದಾನಿ ಯಡ್ಕೂರವ್ವೆರ್ ಕರ್ನಾಟಕೊದ ಮುಖ್ಯ ಮಂತ್ರಿಯಾದ್ ಪ್ರಮಾಣ ವಚನ ಸ್ವೀಕಾರ ಮಲ್ತೆರ್. ಆರೆಗ್ ಡಾ. ವಿ.ಎಸ್. ಆಚಾರ್ಯೆರ್ ಬುದ್ಧಿವಂತಿಕೆ, ಶಕ್ತಿ ಸಾಮರ್ಥ್ಯದ

ಗುಟ್ಟು ಗೊತ್ತಿತ್ತೆಂದ್. ಅಂಚಾದ್ ಆರ್ ಡಾ.ವಿ. ಎಸ್. ಆಚಾರ್ಯೆಗ್ ಗೃಹ ಮಂತ್ರಿದ ಪಟ್ಟೊನು ಕೊರ್ಯೆರ್. ಪಕ್ಷೊಡ್ ಹಿರಿಯೆರ್ ಆಯಿನ ಆರೆಗ್ ಅವು ಸರಿಯಾಯಿನ ಸ್ಥಾನಮಾನಲಾ ಆದಿತ್ತೆಂದ್. ಗೃಹ ಮಂತ್ರಿ ಪಟ್ಟ ಪಂಡ ಮುಖ್ಯ ಮಂತ್ರಿಡ್ ಬೊಕ್ಕದ ಸ್ಥಾನ. ಅವು ಬಂಜದ ಕೆಲಸ. ರಾಜ್ಯದ ಕಾನೂನು ಸುವ್ಯವಸ್ಥೆ ತೂಪಿನಂಚಿ ಜವಾಬುದಾರಿದ ಕೆಲಸ. ಅವುದಾಲ ಜೋಕ್ಕಾಟೆಕೆದ ಕೆಲಸ ಅತ್ತ್. ಆಂಡಲಾ ಡಾ. ಆಚಾರ್ಯೆ ಆ ಇಲಾಖೆದ ಕೆಲಸೊಲೆನ್ ಭಾರೀ ಬುದ್ಧಿವಂತಿಕೆಡ್ ಮಲ್ತೆರ್. ಆರ್ ಎದುರುಡು ಮಸ್ತ್ ಸವಾಲ್, ಸಮಸ್ಯೆ ಇತ್ತೆಂದ್. ಪೊಲೀಸೆರ್ ಭ್ರಷ್ಟಾಚಾರ, ನಕ್ಸಲ್ ಸಮಸ್ಯೆ, ಚರ್ಚೆ, ಮಸೀದಿದ ಮಿತ್ತ್ ದಾಳಿ, ಭಯೋತ್ಪಾದಕೆರ್ ಪ್ರೋಡಿಗ್.....ಇಂಚನೆ. ಆಮಾತಾ ಸಮಸ್ಯೆಲೆಗ್ಲಾ ಆರ್ ಎಡ್ಲೆ ರೀತಿಡ್ ಪರಿಹಾರ ಮಲ್ತೆಡ್ ಆ ಇಲಾಖೆಗ್ ಕೀರ್ತಿ ಕಂತೆರ್. ಕರ್ನಾಟಕದ ಕರಾವಳಿ ಮೀನುಗಾರಿಕೆ ಬಂದರ್ಡ್ ಚೆಕ್ ಪ್ರೋಸ್ಟ್ ನಿರ್ಮಾಣ ಮಲ್ತೆರ್. ಕುಡ್ಲೆಡ್ ಪೊಲೀಸ್ ಕಮಿಷನರೇಟ್ ಸ್ಥಾಪನೆ ಮಲ್ತೆರ್. ರಾಜ್ಯೊಡು ಪ್ರೊಸತಾದ್ ಮುಪ್ಪತ್ತ ರಡ್ಡ್ ಪೊಲೀಸ್ ಠಾಣೆ ಜಾಸ್ತಿ ಮಲ್ತೆರ್. ನಾಲ್ಕೆನ್ ಸಾರ್ ಪೊಲೀಸರೆನ್ ನೇಮಕ ಮಲ್ತೆರ್. ಪೊಲೀಸೆರ್ ವಾಸೊಗ್ ಮಸ್ತ್ ಇಲ್ಲ ಕಟ್ಟೆಡ್ ಕೊರ್ಯೆರ್. ಆಕ್ಲೆನ ದಿನ ಭತ್ಯೆನ್ ಜಾಸ್ತಿ ಮಲ್ತೆರ್. ಇಲಾಖೆಡ್ ಪದಿನೆಡ್ಲ ವರ್ಸ ಕೆಲಸ ಮಲ್ತಿನ ಪೊಲೀಸರೆನಾಕ್ಲೆಗ್ ಭಡ್ಡಿ ಕೊರ್ಪು ಸಂತೋಷ ಮಲ್ತೆರ್. ನೆಡ್ಲಾವರ 969 ಪೊಲೀಸ್ ಪೇದೆಲೆಗ್ ಅಂಚನೇ 2396 ಸಶಸ್ತ್ರ ಪೊಲೀಸ್ ಪೇದೆಲೆಗ್ ಅನುಕೂಲ ಆಂಡ್. ಇಂಚ ಪೊಲೀಸ್ ಇಲಾಖೆದ ಸ್ಥಿತಿಗತಿ ಸುಧಾರಣೆ ಮಲ್ಪಿಂಚಿ ಅನೇಕ ಯೋಜನೆಲೆನ್ ಜಾರಿಗ್ ಕಂತೆಡ್ ಪುದಾರ್ ಕೇಂಡ್ಯೆರ್. ಖಾಲಿ ಇತ್ತಿನ ಪೊಲೀಸ್ ಹುದ್ದೆಲೆಗ್ ನೇಮಕ ಮಲ್ಪುನ ಪ್ರಕ್ರಿಯೆಗ್ ಚಾಲನೆ ಕೊರ್ಯೆರ್. ಪ್ರೊಸತಾದ್ ಮುಪ್ಪತ್ತರಡ್ಡ್ ಪೊಲೀಸ್ ಠಾಣೆ ಸುರು ಮಲ್ತಿನ ಕೀರ್ತಿಲಾ ಆರೆಗ್ ಸಂದುಂಡ್.

ಡಾ. ವಿ.ಎಸ್ ಆಚಾರ್ಯೆಗ್ ಗೃಹ ಮಂತ್ರಿ ಆದುಪ್ಪನಾಗ್ ಅಗ್ಗಿಶಾಮಕ ದಳದ ವ್ಯವಸ್ಥೆನ್ಲಾ ಸುಧಾರಣೆ ಮಲ್ತೆರ್. ಐಕೋಸ್ಕರ ಆಜರೆ ಕೋಟಿ ರೂಪಾಯಿನ್ ಬಿಡುಗಡೆ ಮಲ್ತೆರ್. ಐವತ್ತೊಂಚಿ ಪ್ರೊಸ ಅಗ್ಗಿಶಾಮಕ ದಳನ್

ಸ್ಥಾಪನೆ ಮಲ್ತೆರ್. ಅತ್ತಾವಂದೆ ಖಾಲಿ ಇತ್ತಿನ 1854 ಸಿಬ್ಬಂದಿಲೆನ್ ನೇಮಕಾತಿ ಮಲ್ತೆರ್. ಅಂಚನೇ ಗೃಹ ರಕ್ಷಕ ದಳದ ಗಾರ್ಡುಲೆನ್ ಸಂಖ್ಯೆನ್ ಜಾಸ್ತಿ ಮಲ್ತೆರ್. ಸ್ವಯಂ ಸೇವೆಕೆರ್ ದಿನ ಭತ್ಯೆನ್ ನೂದ್ ರೂಪಾಯಿಡ್ ನೂತ ಐವೊಗ್ ಏರಾಯೆರ್. ಇಂಚ ಆರ್ ಅಗ್ನಿಶಾಮಕ ದಳಡ್ಲಾ ಮಸ್ತ್ ಸುಧಾರಣೆ ಕಂತ್‌ದ್ ಮಾನಾದಿಗೆ ಪಡೆಯೆರ್. ಆರ್ ಗೃಹ ಇಲಾಖೆಗ್ ಪೊಸ ದೇಖಿ ಕೊರ್ಯೆರ್.

ಮುಜರಾಯಿ ಇಲಾಖೆ:

ಡಾ. ವಿ.ಎಸ್. ಆಚಾರ್ಯರ್ ಮುತಾಲಿಕೆ ತೂಯಿನ ನನೊಂಜಿ ಮಂತ್ರಿ ಪಟ್ಟಿ ಮುಜರಾಯಿ ಇಲಾಖೆ. ಉಂದು ಆರೆಗ್ ಬಯಸಂದೆ ಬತ್ತಿ ಭಾಗ್ಯ ಎನ್ನಂದೆ ತಿಕ್ಕಿ ಇಲಾಖೆ. ಮುಜರಾಯಿ ಇಲಾಖೆದ ಮಂತ್ರಿ ಆದಿತ್ತಿನ ಎನ್. ಎನ್. ಕೃಷ್ಣಯ್ಯ ಶೆಟ್ಟಿ ಭೂ ಅವ್ಯವಹಾರ ಆಪಾದನೆಡ್ ರಾಜೀನಾಮೆ ಕೊರೊಡಾಂಡ್. ಅಪಗ ಮುಖ್ಯಮಂತ್ರಿ ಯಡ್ಕೂರಪ್ಪೆರ್ ಆ ಇಲಾಖೆನ್ ವಿ. ಸೋಮಣ್ಣಗ್ ಕೊರ್ಯೆರ್. ಆಂಡ ಆರ್ ಓಟುಡ್ ಸೋತೆರ್. ಅಂಚಾದ್ ವಾ ಮಂತ್ರಿನಾಕ್ಕಲಾ ಆ ಇಲಾಖೆದ ಪಟ್ಟಿನ್ ದೆತೊನರೆ ಕೇಣಿಜೆರ್. ಅವು ಅದೃಷ್ಟದ ಇಲಾಖೆ ಅತ್ತ್. ಏಟ್ ಕುಲ್ಲಿನಾಕ್ಕು ಬೇಗ ಪಟ್ಟಿನ್ ಕಲೆವೊನ್ನೆರ್ ಪನ್ನಿನ ನಂಬಿಕೆ ಇತ್ತೆಂಡ್. ಅಂಚಿತಿ ಪೊರ್ತುಡು ಮುಖ್ಯ ಮಂತ್ರಿಲು ಐತ ಉಸ್ತುವಾರಿನ್ ಡಾ. ಆಚಾರ್ಯರೆಗ್ ಕೊರ್ಯೆರ್. ದೈವ ಭಕ್ತಿ ಆಯಿನ ಆರ್ ಅಪ್ಪೇನ್ ಸಂತೋಸಡ್ ಸ್ವೀಕಾರ ಮಲ್ತೆರ್: ತಂಕ್ ದೈವ ದೇವರೆನ ಚಾಕ್ರಿ ಮಲ್ತೆರೆ ಬತ್ತಿನ ಭಾಗ್ಯ ಪಣ್ಡ್ ಎಣ್ಣೆರ್. ಕರ್ನಾಟಕದ ಹಳ್ಳಿಡ್ ಮಸ್ತ್ ದೇವಸ್ಥಾನೊಲೆಡ್ ಆದಾಯದಾಂತೆ ಬೊಲ್ಪು ಪೊತ್ತಾವರೆ ಸಾಧ್ಯ ದಾಂತಿನ ಪರಿಸ್ಥಿತಿ ಇತ್ತೆಂಡ್. ಅಂಚಾದ್ ಆರ್ ದೇವಸ್ಥಾನೊಲೆನ ತಸ್ತೀಕ್ ಜಾಸ್ತಿ ಮಲ್ತರೆ ಪ್ರಯತ್ನ ಮಲ್ತೆರ್. ಆರ್ ಪ್ರಯತ್ನೊಡ್ಲಾವರ ನಮ್ಮ ರಾಜ್ಯದ ಸುಮಾರ್ 3600 ದೇವಸ್ಥಾನೊಲೆಗ್ ಪ್ರತೀ ವರ್ಸ ತಿಕ್ಕುನ ಆಜಿ ಸಾವಿರ ರೂಪಾಲು ತಸ್ತೀಕ್ ಪದಿರಾಡ್ ಸಾವಿರ ರೂಪಾಯಿಗ್ ಏರ್ಂಡ್. ಅಂಚನೇ ಆರ್ ಮಸ್ತ್ ಪರತ್ತ್ ದೇವಸ್ಥಾನದ ಜೀರ್ಣೋದ್ಧರಗ್ಲಾ ಪ್ರಯತ್ನ ಮಲ್ತೆರ್. ಐಕಾದ್ ಮುಪ್ಪತ್ತೆನ್ ಕೋಟಿ ದುಡ್ಡೆನ್ ಮುಜರಾಯಿ

ಇಲಾಖೆಡ್ ದೀಪಾಯೆರ್. ಇಂಚ ಆ ಇಲಾಖೆಡ್ಲಾ ಮಸ್ತ್ ಸುಧಾರಣೆ ಮಲ್ತೆರ್. ಕರ್ನಾಟಕದ ದೇವಸ್ಥಾನೊಲೆನ ಏಳಿಗೆಗಾದ್ ಮಸ್ತ್ ಪುಣೆಯೆರ್.

ಉನ್ನತ ಶಿಕ್ಷಣ ಇಲಾಖೆ:

ಉನ್ನತ ಶಿಕ್ಷಣ ಮಂತ್ರಿಯಾದ್ಲಾ ಆರ್ ಮಲ್ತಿನ ಸೇವೆ, ಆ ಇಲಾಖೆಗ್ ಆರ್ ಕೊಡುಗೆ ಬೋಡಾಯಿನಾತ್. ಮುಖ್ಯ ಮಂತ್ರಿ ಬಿ. ಎಸ್. ಯಡ್ಕೂರಪ್ಪೆರ್ 2010ನೇ ಸಪ್ಟೆಂಬರ್ ತಿಂಗಳೆಡ್ ಮಂತ್ರಿ ಮಂಡಲನ್ ಪುನರ್ ರಚನೆ ಮಲ್ತೆರ್. ಆಪಗ ಡಾ. ವಿ. ಎಸ್. ಆಚಾರ್ಯರೆಗ್ ಉನ್ನತ ಶಿಕ್ಷಣ ಇಲಾಖೆದ ಪಟ್ಟಿಣ್ ಕೊರ್ಯೆರ್. ಆ ಮಂತ್ರಿ ಪಟ್ಟಿಣ್ಲಾ ಆರ್ ಸಂತೋಸೋಡೆ ಸ್ವೀಕಾರ ಮಲ್ತೆರ್. ಕೆಲಸ ಮಲ್ಪುನಾಯಗ್ ಓವ್ವ್ ಪಟ್ಟ ಆಂಡ ದಾನೆ. ಆ ಇಲಾಖೆಡ್ ಬೋಡಾಯಿನಾತ್ ಸಮಸ್ಯೆಲು ಇತ್ತೆಂಡ್. ಅವ್ವೆನ್ ಮಾತಾ ಆರ್ ಬುದ್ಧಿವಂತಿಗೇಡ್ ಪರಿಹಾರ ಮಲ್ತೆದ್ ಐತ ಗುಣಮಟ್ಟ ಜಾಸ್ತಿ ಮಲ್ಪರೆ ಪ್ರಯತ್ನ ಮಲ್ತೆರ್. ಯೋಜನಾ ಆಯೋಗದ ಸದಸ್ಯೆರ್ಲಾ, ಕರ್ನಾಟಕಾ ಜ್ಞಾನ ಆಯೋಗದ ಅಧ್ಯಕ್ಷೆರ್ ಆದಿತ್ತಿನ ಡಾ, ಕಸ್ತೂರಿ ರಂಗನ್ ಮೇರ್ ಲೆಪ್ಪೆಡಾದ್ ಉನ್ನತ ಶಿಕ್ಷಣ ಅಭಿವೃದ್ಧಿದ ಬಗ್ಗೆ, ಗುಣಮಟ್ಟ ಜಾಸ್ತಿ ಮಲ್ಪುನ ಬಗ್ಗೆ ಚರ್ಚೆ ಮಲ್ತೆರ್. ಮಸ್ತ್ ಯೋಜನೆಲೆನ್ ಪಾಡೊಂಡೆರ್. ಅಂಚನೇ ಕರ್ನಾಟಕದ ಮಾತ ವಿಶ್ವವಿದ್ಯಾಲಯದ ಉಪ ಕುಲಪತಿಲೆನ್, ಅಧಿಕಾರಿಲೆನ್, ಶಿಕ್ಷಣ ತಜ್ಜೆರೆನ್, ಶಿಕ್ಷಣ ಇಲಾಖೆ ಅಂಚನೇ ತಾಂತ್ರಿಕ ಇಲಾಖೆದ ಅಧಿಕಾರಿಲೆನ್ ಸಭೆ ಲೆತ್ತೆದ್ ಐತ ಬಗ್ಗೆ ಚರ್ಚೆ ಮಲ್ತೆರ್, ಪರಿಹಾರ ನಾಡ್ಯೆರ್. ಕಾಲೇಜ್ ಅಂಚನೇ ವಿಶ್ವ ವಿದ್ಯಾಲಯಡ್ ಗುಣ ಮಟ್ಟದ ಬೋಧನೆ, ಪರಿಕ್ಷಾ ಪದ್ಧತಿಲೆನ್ ಬದಲಾಯಿಸಾವೆರೆ ಮಸ್ತ್ ಕಷ್ಟೊಲೆನ್ ಪಾಡೊಂಡೆರ್. ಸರ್ಕಾರಿ ಕಾಲೇಜ್‌ದ ಅಭಿವೃದ್ಧಿಗಾದ್ ಮಸ್ತ್ ಕೆಲಸ ಮಲ್ತೆರ್. ಕರ್ನಾಟಕದ ಮಾತಾ ವಿಶ್ವವಿದ್ಯಾಲಯೊಡ್ ಒಂಜೇ ರೀತಿದ ಪೂರ್ತು ಪಟ್ಟೆನ್ ಜಾರಿ ಮಲ್ಪರೆ ಬಂಗ ಬತ್ತೆರ್. ನೆಡ್ಲಾವರ ವಿದ್ಯಾರ್ಥಿಲೆಗ್ ಮಸ್ತ್ ಅನುಕೂಲ ಆತ್ಂಡ್.

ಡಾ. ವಿ.ಎಸ್. ಆಚಾರ್ಯರ್ ವಿಶ್ವವಿದ್ಯಾಲಯದ ಶಿಕ್ಷಣ ಗುಣಮಟ್ಟ ಸುಧಾರಣೆ ಮಲ್ಬರೆಗ್ಲಾ ಮಸ್ತ್ ಪ್ರಯತ್ನ ಮಲ್ತೆರ್. ಕಲ್ಪುನ ಜೋಕುಲೆಡೆ ಸೃಜನಶೀಲತೆ ಬುಳೆಯೊಡ್ ಪಂಡ್‌ದ್ ಮಸ್ತ್ ಬೆಂದೆರ್, ಬೆಂಗಳೂರು ವಿಶ್ವವಿದ್ಯಾಲಯದ ವ್ಯಾಪ್ತಿ ಮಸ್ತ್ ಜಾಸ್ತಿ ಉಂಡು ಪಂಡ್‌ದ್ ಅವ್ವೇನ್ ರಡ್ಡ್ ಭಾಗ ಮಲ್ತೆರೆ ಯೋಜನೆ ತಯಾರ್ ಮಲ್ತೆರ್. ಡೋಂಗಿ ಪಿ. ಎಚ್.ಡಿ. ಉಂತಾವರೆ ಪ್ರಯತ್ನ ಮಲ್ತೆರ್. ಮುಖ್ಯ ಮಂತ್ರಿಲೆನ್ ಸಮುದಾರಿಕೆ ಮಲ್ತೆರ್ ಸರಕಾರಿ ಕಾಲೇಜಿಡ್ ಪ್ರೊಸತ್ ಕೋಣೆ ಕಟ್ಟರೆ ಐನೂತ ಐವ ಕೋಟಿ ದುಡ್ಡುನ್ ಬುಡುಗಡೆ ಮಲ್ಪಾಯೆರ್. ಬೆಂಗಳೂರುಡ್ 'ಇಂಡಿಯಾ ಬಯೋ 2011 ಉತ್ಸವ' ಸಂಘಟನೆ ಮಲ್ತೆರ್. 'ಬಯೋ ಪಾರ್ಕ್' ನಿರ್ಮಾಣ ಮಲ್ತೆರೆ ಮಸ್ತ್ ಕ್ರಮಕುಲೆನ್ ಜಾರಿ ಮಲ್ತೆರ್. ಐಡ್ಲಾವರೆ ಧಾರವಾಡ ಕೃಷಿ ವಿಶ್ವ ವಿದ್ಯಾಲಯೊಡ್ 'ಅಗ್ರಿ ಬಯೋಟೆಕ್ ಪಾರ್ಕ್' ಕುಡ್ಲಾಡ್ ಮೀನುಗಾರಿಕಾ ಇಲಾಖೆದ ಸಹಯೋಗೊಡ್ 'ಮರಿನ್ ಪಾರ್ಕ್' ಬೀದರ್‌ದ ಪಶು ವೈದ್ಯಕೀಯ ವಿಶ್ವ ವಿದ್ಯಾಲಯೊಡ್ 'ಪಶು ವೈದ್ಯಕೀಯ ವಿಜ್ಞಾನ ಪಾರ್ಕ್', ಮೈಸೂರುಡು ಕೇಂದ್ರ ಆಹಾರ ತಂತ್ರಜ್ಞಾನ ಬೋಕ್ಸಸಂಶೋಧನಾ ಸಂಸ್ಥೆದ ಸಕಾಯೊಡ್ 'ನ್ಯೂಟ್ರಾಕ್ಯುಟಿಕಲ್ಸ್ ಆನ್ಡ್ ಫಾರ್ಮಾ ಪೆರೊಡಕ್ಸ್ ಪಾರ್ಕ್' ಸ್ಥಾಪನೆ ಆಂಡ್. ಇಂಚ ಆರ್ ಉನ್ನತ ಶಿಕ್ಷಣ ಕ್ಷೇತ್ರೊಡ್ ಬೆಂದಿ ಬೇಲೆ ಏಪೊಗ್ಲಾ ನೆನಪು ದೀವೊಡಾಯಿನ. ಭೃಷ್ಣಾಚಾರ ಆರೋಪ್ರೊಗ್ ಮುಖ್ಯಮಂತ್ರಿ ಬಿ.ಎಸ್. ಯಡ್ಕೂರಪ್ಪೆರ್ ಒಳಗಾದ್ ರಾಜೀನಾಮೆ ಕೊರೊಡಾದ್ ಬತ್ತಿ ಪ್ರೊರ್ತುಡ್ ಮಸ್ತ್ ಜನ ಹಿರಿಯೆರ್ ಆಯಿನ ಡಾ. ವಿ.ಎಸ್. ಆಚಾರ್ಯರ್‌ಗ್ ಮುಖ್ಯ ಮಂತ್ರಿ ಪಟ್ಟೊಡ್ ಕುಲ್ಪೊಡ್ ಪಂಡೆರ್. ಆಂಡ ಆರ್ ಐಕ್ ಒಪ್ಪಿಜೇರ್. ಉನ್ನತ ಶಿಕ್ಷಣ ಮಂತ್ರಿಯಾದೇ ದುಂಬು ಸರಿಯೆರ್. ಇಲಾಖೆದ ಬುಳೆಚಿಲಿಗಾದ್ ಎಡೆನೆ ಬೆಂದೆರ್, ಸೊಂದ್ಯೆರ್. ಇಲಾಖೆನ್ ಸುಧಾರಣೆ ಮಲ್ತೆರ್. ಕೀರ್ತಿ ಕಂತೆರ್. ಐತೊಟ್ಟಿಗೆ ಮಾಹಿತಿ ತಂತ್ರಜ್ಞಾನ ಬೋಕ್ಸ ಬಯೋಟೆಕ್ನಾಲಜಿ ಪನ್ನಿನ ರಡ್ಡ್ ಇಲಾಖೆದ ಹೆಚ್ಚಿಗಿದ ಜವಾಬುದಾರಿನ್ಲಾ ಪ್ರೊರ್ತುಡೆ ತಾಂಗೊಂಡೆರ್. ಇಂಚ ಡಾ| ಆಚಾರ್ಯರ್‌ಗ್ ಒವ್ವೇ ಜವಾಬ್ದಾರಿನ್ ದೆತೊನೊಡ್ ಅವ್ವೇನ್ ಪ್ರೊರ್ತುಡ್ ಮಲ್ತ್ ತೋಜಾವುನ ತಾಕತ್, ವಿಚಾರ

ಶಕ್ತಿ ಆರ್ಥ ಇತ್ಯೆಂದ್. ತನ್ಕು ಗೊತ್ತಿಜ್ಜಿಡ ತೆರಿನಾಕ್ಲೆಡ ಚರ್ಚೆ ಮಲ್ತೆದ್ ತೆರಿಯೊಂದ್ ಕೆಲಸ ಮಲ್ತೊಂದಿತ್ತೆರ್. ಆರ್ಡ್ ಆಂಕಾರ ಚೂರ್ಣಾ ಇತ್ತ್ರಿಜಿ. ಅಧಿಕಾರಿನಾಕ್ಲೆಡ್ಲಾ ನಯವಿನಯೊಡ್ಲೇ ಪಾತೆರ್ದೇ ಕೆಲಸ ಮಲ್ತಾವೊಂದಿತ್ತೆರ್. ಸರಕಾರ ಯೋಜನೆಲೆನ್ ಬಜೀ ಫೋಷಣೆ ಮಲ್ತೊಂಡ ಯಾವಂದ್ ಅವೆನ್ ಕಾರ್ಯರೂಪೊಗು ಕಣವೋಡು ಪನ್ನಿ ಆಸೆ ಆರ್. ಅಂಚಾದ್ ಆರ್ಡ್ ಆರೋಗ್ಯ ಸರಿ ಇಜ್ಯಂಡಲಾ ಆರ್ ಅಕೇರಿಮುಟ್ಟ ಎಡೇನೆ ಬೆನೊಂದು ಜನ ಸೇವೆ ಮಲ್ತೊಂದಿತ್ತೆರ್. ಜನಕುಲೆನ ಸಮಸ್ಯೊಲೆಗ್ಲಾ ಕೂಡಲೇ ಪ್ರತಿಕ್ರಿಯೆ ಕೊರೊಂದಿತ್ತೆರ್. ಆರ್ಡ್ ಮೇಜಿದ ಮಿತ್ತ್ ಪೈಲ್ದ ರಾಶಿ ಏಪೊಗ್ಲಾ ತೋಜೊಂದಿತ್ತುಜಿ. ಅವು ಅತ್ತಾವಂದೆ ಆರ್ಡ್ ಕಾಲೊಡು ಅಭಿವೃದ್ಧಿ ಕೆಲಸೊಲೆಗ್ ಏಪಲಾ ದುಡ್ಡುದ ತಾಪತ್ರಯ ಇತ್ತ್ರಿಜಿ. ಇಂಚಿನ ಸರಳ ಸಜ್ಜನಿಕೆದ ಅಪೂರ್ವದ ರಾಜಕೀಯ ನಾಯಕೆ, ಚಾಣಾಕ್ಷಮತಿ, ರಾಜಕೀಯದ ಉಲಾಯಿ ಪಿದಾಯಿನ್ ಸರಿಯಾದ್ ತೆರಿಯಿನ ಬುದ್ಧಿವಂತೆ, ರಾಜಕೀಯ ಕಳೊತ ಭೀಷ್ಮೆ ನನ ನಂಕ್ ಏಪೊಗ್ಲಾ ತಿಕ್ಕಾಯೆರ್.

ಕೃಷ್ಣ ದೇವರೆ ಮಟ್ಟಿಲ್ದ:

ಡಾ. ವಿ.ಎಸ್. ಆಚಾರ್ಯರೆಗ್ ಮಂತ್ರಿಯಾದ್ ರಾತ್ರಿ ಪಗಲೆದ ಬಲ್ಬಾಟ. ರಾಜಕೀಯದ ಒತ್ತಡ. ನೆಡ್ಲಾವರ ಆರೆಗ್ ಆರೋಗ್ಯ ಅಪಗಪಗ ಕೈ ಕೊರೈರೆ ಸುರು ಮಲ್ತೆಂದ್. ಅಂಡಲಾ ಆರ್ ಅಪ್ಪೇನ್ ಗೆನ್ಬಂದೆ ಬೇಲೆ ಮಲ್ತೊಂದೇ ಇತ್ತೆರ್. ಲೆತ್ತಿನಡೆಗ್ ಪೋವೊಂದು ಇತ್ತೆರ್. ಕರ್ನಾಟಕದ ಕಾಲೇಜಿದ ಪ್ರಾಂಶುಪಾಲೆರ್ಡ್ ಸಂಘದಕುಲು 2012ನೇ ಫೆಬ್ರವರಿ ತಿಂಗೊಲ್ಲ 14ನೇ ತಾರೀಕ್‌ದಾನಿ ಬೆಂಗಳೂರ್ ಸರಕಾರಿ ವಿಜ್ಞಾನ ಕಾಲೇಜ್‌ಡ್ 'ರಿಪಬ್ಲಿಕ್ ಆನ್ಡ್ ಕನ್ಸ್ಟಿಟ್ಯೂಷನ್ ಪಾಲಿಸೀಸ್ ಅಂಡರ್ 11 ಪ್ಲ್ಯಾನ್ ಪಿರಿಯೆಡ್' ಪನ್ನಿ ವಿಷಯೊಡ್ ವಿಚಾರ ಸಂಕಿರಣ ಏರ್ಪಾಡ್ ಮಲ್ತಿತ್ತೆರ್. ಆ ವಿಚಾರ ಸಂಕಿರಣೊನ್ ಉದಿಪನ ಮಲ್ಪರೆ ಡಾ. ವಿ. ಎಸ್. ಆಚಾರ್ಯರೆನ್ ಲೆತ್ತಿದಿತ್ತೆರ್. ಕಾಂಡೆ 10.30ಕ್ ಸಭೆ ನಡಪರೆ ಇತ್ತ್ರಿಂದ್. ಡಾ. ಆಚಾರ್ಯರ್ ದುಂಬುನಾನಿಯೇ ಬೆಂಗಳೂರುಗ್ ಬರ್ಯರೆ ಇತ್ತೆರ್. ಆಂಡ ಆರೆಗ್ ಸಾಧ್ಯ ಆಯಿಜಿ. ಆರ್ ಕಾಂಡೆದ ವಿಮಾನೊಡ್ ಬೆಂಗಳೂರುಗ್

ಪೋಯರ್. ವಿಮಾನ ನಿಲ್ದಾಣೊಡ್ಡ್ ಸೀದ ಕಾಲೇಜಿದ ಸಭೆಕ್ ರಡ್ಡ್‌ಗಂಟೆ ತಡವಾದ್ 12.40ಕ್ ಮುಟ್ಟೀರ್. ತಡವಾಯಿನೆಕ್ ಕ್ಷಮೆ ಕೇಂಡ್ಯೆರ್. ಸಭೆತ ವೇದಿಕೆಗ್ ಪೋನಗನೇ ಬೂರೈರ್. ಆಂಡಲಾ ವೇದಿಕೆಗ್ ಕಷ್ಟೊಡ್ ಪೋನಗ ಬೊಕ್ಕೊರ ಬೂರೈರ್. ಅಡೇಗ್ ಆರೆಗ್ ಕುಲ್ಲರೆ ಕುರ್ಚಿ ಕೊರೈರ್. ಪರೈರೆ ಚಾ ಕೊರೈರ್. ಆಂಡ ಅಪಗ ಆರೆನ ಪಿರಣ ಇತ್ತಿಜಿ. ಪಿರಣ ಆತ್ ಪೋರ್ತುಗೇ ಕೃಷ್ಣನ ಪಾದ ಸೇರ್ದಾದಿತ್ತಂಡ್. ತಿಗಲೆ ಪೂಜಿಯೆರ್, ಆಸ್ಪತ್ರೆಗ್ ಕೊಣೊಯೆರ್. ಆಂಡಲಾ ಪೋಯಿ ಪ್ರಾಣ ಪಿರ ಬತ್ತಜಿ. ಲೋಕೊಗ್ ಸುದ್ದಿ ಆಂಡ್. ಆರ್ನ ಅಭಿಮಾನಿಲೆಗ್ ದುಃಖ ಆಂಡ್.

ಆರ್ನ ಜೀವೊನ್ ಆನಿಯೇ ಬಯ್ಯದ ಮೊರ್ತುಗು ವಿಶೇಷ ವಿಮಾನೊಡ್ ಉಡುಪಿಗ್ ಕಣತ್ತೆರ್. ಅವುಲು ದೇಹೊನ್ ಮಣಿಪಾಲೊಗ್ ಕೊಣೊಡ್ ರಜತಾದ್ರಿಡ್ ಸಾರ್ವಜನಿಕೆರ್ನ ತೂಪಾಟೆಕೆಗ್ ದೀಯೆರ್. ಅವುಲು ಆರ್ನ ಅಭಿಮಾನಿಲು ಸಾವಿರಗಟ್ಟಲೆ ಸೇರಿಯೆರ್. ಆರೆಗ್ ಅಕೇರಿದ ಶ್ರದ್ಧಾಂಜಲಿನ್ ಅರ್ಪಣೆ ಮಲ್ತೆರ್. ರಾತ್ರೆಡ್ ಆರ್ನ ದೇಹೊನ್ ಕಡಿಯಾಳಿದ ಇಲ್ಲಡೆಗ್ ಕಣತೆರ್. ಸಾವುದ ಕಚ್ಚೊಲೆನ್ ಮಲ್ತೆದ್ ಬೀಡಿನಗುಡ್ಡೆದ ಸೃಶಾನೊಡ್ ಆರ್ನ ನೇಲ್ಯ ಮಗೇ ಡಾ. ರವಿರಾಜ ಆಚಾರ್ಯೆರ್ ಅಂತ್ಯ ಸಂಸ್ಕಾರ ಮಲ್ತೆರ್. ಬಿ. ಜೆ. ಪಿ.ದ ರಾಷ್ಟ್ರ ಮಟ್ಟದ ನಾಯಕರಾಯಿನ ಎಲ್. ಕೆ. ಅಡ್ವಾಣಿ, ಮುಖ್ಯ ಮಂತ್ರಿ ಡಿ. ವಿ. ಸದಾನಂದ ಗೌಡೆರ್, ಬಿ. ಎಸ್. ಯಡ್ಯೂರಪ್ಪೆರ್, ಮಸ್ತ್ ಮಂತ್ರಿನಾಕ್ಕು, ಶಾಸಕೆರ್, ಸಾವಿರಗಟ್ಟಲೆ ಆರ್ನ ಅಭಿಮಾನಿಲು ಹಾಜರಿತ್ತೆದ್ ಕಣ್ಣಿನೀರ್ ದೆತ್ತೆರ್. ಅಕೇರಿದ ಸೊಲ್ಗೆ ಸಂದಾಯೆರ್. ಕೃಷ್ಣದೇವೆರ್ ಆರ್ನ ಮೋಕೆದ ಮಗನ್ ಮುಟ್ಟಲೆಗ್ ಪಾಡೊಂಡೆರ್.

ದುಕ್ಕೊದ ಮುಗಿತಲ:

ಡಾ. ವಿ.ಎಸ್. ಆಚಾರ್ಯೆರ್ನ ಸಾವುದ ಸುದ್ದಿ ಕೇಂಡ್ ಉಡುಪಿ ಬೊಕ್ಕ ದಕ್ಷಿಣ ಕನ್ನಡ ಜಿಲ್ಲೆದ ಜನಕುಲೆಗ್ ಮಾತ್ರ ಅತ್ತ ಇಡೀ ಕರ್ನಾಟಕದ ಜನಕುಲೆಗ್

ದುಃಖ ಅಂಡ್. ಕೆಲವೆರ್ ಈ ರೀತಿ ಪಂಡೊಂಡೆರ್.

ಉಡುಪಿ ಜಿಲ್ಲೆದ ಬದಲಾವಣೆಗ್ ಮೂರ್ತ ಮಲ್ತಿನ ನಾಯಕೆ. ಕಪ್ಪುಬೊಟ್ಟುದಾಂತಿನ ರಾಜಕಾರಣಿ, ರಾಜ್ಯದ ಬುಳೆಚೆಲ್‌ಗಾದ್ ಬಂಜಬತ್ತದ್ ಮಾತೆರೆಡಲಾ ಮಾನಾದಿಗೆ ಪಡೆಯಿನ ಅಜಾತಶತ್ರು ಆಚಾರ್ಯೆರ್. ಆರ್ನ ಸೇವೆ ರಾಜ್ಯೊಗ್ ನನಾತ್ ತಿಕ್ಕೊಡಿತ್ತೆಂಡ್

ವಿಶ್ವೇಶ್ವರತೀರ್ಥ ಸ್ವಾಮಿ, ಪೇಜಾವರ ಮಠ, ಉಡುಪಿ

ಡಾ. ವಿ.ಎಸ್. ಆಚಾರ್ಯೆರ್ನ ಸಾವುದ ಸುದ್ದಿ ಭಾರೀ ದುಕ್ಕೊದ ಸಂಗತಿ. ಆರ್ನಂಚಿ ಒರಿ ಶ್ರೇಷ್ಠ ನಾಯಕನ್ ರಾಜ್ಯ ಕಳೆವೊಂದು ಇನಿ ಕಷ್ಟೊಡ್ ಬೂಯ್ತೆಂಡ್. ಆರ್ನ ಆತ್ಮಗ್ ಶಾಂತಿ ತಿಕ್ಕಡ್.

ಹಂಸರಾಜ್ ಭಾರಧ್ವಾಜ್, ರಾಜ್ಯಪಾಲೆರ್

ವೈದ್ಯಕೀಯದ ಮೂಲಕ ಸಮಾಜಸೇವೆ, ರಾಜಕೀಯದ ಮೂಲಕ ದೇಶ ಸೇವೆ ಮಲ್ತಿನ, ದೂರದೃಷ್ಟಿದ ಚಿಂತಕರಾಯಿನ ಡಾ. ವಿ. ಎಸ್. ಆಚಾರ್ಯೆರ್ ಸಾರ್ವಜನಿಕ ಜೀವನೊಡ್ ಉಪ್ಪುನ ಮಾತೆರೆಗ್ಲಾ ರೋಲ್ ಮೋಡೆಲ್. ರಾಜನೀತಿಗ್ ಗೌರವ ಕೂತ್ ಕೊರ್ತಿನಾರ್. ಭಾರತೀಯ ಜನಸಂಘ ಅಂಚನೇ ಬಿ.ಜೆ.ಪಿ.ಗ್ ಮಾರ್ಗದರ್ಶನ ಮಲ್ತಿನಾರ್,

ಹಿರಿಯ ಬಿ.ಜೆ.ಪಿ. ನಾಯಕೆ ಎಲ್. ಕೆ. ಅಡ್ವಾಣಿ

ಡಾ. ವಿ.ಎಸ್. ಆಚಾರ್ಯೆರ್ ಎನ್ನ ರಾಜಕೀಯದ ಗುರುಕ್ಲ. ಆರ್ ಎತ್ತರದ ಸ್ಥಾನಮಾನೊಡ್ ಇತ್ತೆಂಡಲಾ ಸರಳ ರಾಜಕೀಯ ಜೀವನ ಮಲ್ತೊಂದಿತ್ತಿನಾರ್. ಬಿ. ಜೆ. ಪಿ.ಗ್ ಮಾರ್ಗದರ್ಶನ ಮಲ್ತಿನಾರ್. ಆರ್ನ ಜೀವನ ಬುಡ್ಡಾಯಿಬೂಕುದಲೆಕ್ಕ. ಆರ್ನಂಚಿ ನರಮಾನಿ ರಾಜಕೀಯೊಡ್ ನನ ತಿಕ್ಕಾಯೆರ್.

ಡಿ. ವಿ. ಸದಾನಂದ ಗೌಡ, ಮಾಜಿ ಮುಖ್ಯಮಂತ್ರಿ

ರಾಜಕೀಯೊಡ್ ಮಲ್ಲೊದಿಗೆ, ಬೂಟಾಟಿಕೆ ತೋಜಾವಂದಿನ ಮಾಮಲ್ಲ

ರಾಜಕಾರಣಿ ಡಾ. ವಿ.ಎಸ್. ಆಚಾರ್ಯರ್. ಶಾಸನ ಸಭೆ ಪೊರ್ಲೂಡು, ಗೌರವೊಡ್ ನಡಪೋಡ್ ಪಂಡ್ ಮಾತ ಪಕ್ಷದಾಕ್ಲೆಗ್ಲ ಬುದ್ಧಿವಾದ ಪನೊಂದಿತ್ತಿನಾರ್. ಎಡ್ಡೆ ಸಾದಿ ತೋಜಾಯಿನಾರ್. ಆರ್ಯಂಚಿ ರಾಜಕೀಯ ಮುತ್ಸದ್ಧಿ ನನ ತಿಕ್ಕಾಯೆರ್.

ಮೋಟೆಮ್, ವಿಧಾನ ಪರಿಷತ್ದ ಮಾಜಿ ಪ್ರತಿಪಕ್ಷ ನಾಯಕಿ

ಕರ್ನಾಟಕದ ರಾಜಕೀಯದ ಕಳಂಕದಾಂತಿನ ಧೀಮಂತ ರಾಜಕಾರಣಿ ಡಾ. ವಿ. ಎಸ್. ಆಚಾರ್ಯರ್. ಡೋಂಗಿ ಡಗಲ್ಪಾಜಿ ತೆರಿಯಂದಿ ಉಡಲ್ ಆರ್ಯ. ಆದಿ ಚುಂಚನಗಿರಿ ಮರತ ಮಸ್ತ್ ಕಜ್ಜೊಲೇಡ್ ಪಾಲ್ ಪಡೇದ್ ಜೋಕ್ಕಲೆಗ್ ಬುದ್ಧಿವಾದ ಪಂತಿನಾರ್. ಆರ್ಯ ಆತ್ಮೋಗ್ ಶಾಂತಿ ತಿಕ್ಕಾಡ್.

ಡಾ. ಬಾಲಗಂಗಾಧರನಾಥ ಸ್ವಾಮಿ, ಶ್ರೀ ಆದಿ ಚುಂಚನಗಿರಿ ಮಠ

ಕರಿನ ಆಜಿ ವರ್ಸೊಡ್ ಮಸ್ತ್ ಖಾತೆದ ಗುರ್ಕಾರ್ಮೆ ತೂವೊಂದು ಪೊರ್ಲೂಡು ನಡೆಪಾಯಿನಾರ್. ಮಸ್ತ್ ಸುಧಾರಣೆ ಮಲ್ತಿನಾರ್. ಆರ್ಯ ಮರಣೋಡ್ಲ ಕರ್ನಾಟಕ ಒರಿ ಎಡ್ಡೆಂದಿನ ರಾಜಕಾರಣಿನ್ ಕಳೆವೊಂದು ಕಷ್ಟೊಡುಂಡು.

ಡಾ. ಜಿ. ಪರಮೇಶ್ವರ್, ಕೆ. ಪಿ. ಸಿ. ಸಿ. ಅಧ್ಯಕ್ಷೆರ್

ಡಾ. ವಿ.ಎಸ್. ಆಚಾರ್ಯರ್ ಒರಿ ಸಮಾಜಸೇವಕೆ, ರಾಜಕಾರಣಿ ಮಾತ್ರ ಅತ್ತ್ ಸಾಹಿತ್ಯ ಪ್ರೇಮಿಲಾ ಆದಿತ್ತೆರ್. ಎನ್ನ ಕಜ್ಜಲೊಗೆ ಬೆರಿಸಾಯ ಕೊರ್ತಿನಾರ್. ಎಂಕ್ ಜೀವನೊಗು ಎಡ್ಡೆ ಸಾದಿ ತೋಜಾಯಿನಾರ್. ಆರ್ಯ ನೆನಪು ಎನ್ನ ಮನಸ್ಡ್ ಏಪಲಾ ಮಾಜಂದ್

ಡಾ. ಮೋಹನ್ ಆಳ್ವ, ಮೂಡಬಿದರೆ

ಡಾ. ವಿ.ಎಸ್ ಆಚಾರ್ಯರ್ ಮಾತ ವರ್ಗದಾಕ್ಲ ಮೆಚ್ಚುನ ಒರಿ ಎಡ್ಡೆ ರಾಜಕಾರಣಿ ಆದ್ ಜೀವನದ ಅಖೇರಿಮುಟ್ಟ ರಾಜ್ಯದ ಎಡ್ಡೆನೇ ಬಯಸೊಂದು,

ಸೊಂದೊಂದು ಇತ್ತಿನಾರ್. ತನ್ನ ಇಡೀ ಜೀವಮಾನೊನ್ ಜನಕುಲೆಗಾದ್ ಅರ್ಪಿಸಾಯಿನಾರ್

ಡಾ. ಅಲೋಶಿಯಸ್ ಪಾವ್ಲ್ ಡಿಸೋಜ, ಕುಡ್ಲದ ಬಿಷಪೆರ್

ಡಾ. ವಿ.ಎಸ್. ಆಚಾರ್ಯೆರ್ ಆಕಸ್ಮಿಕ ಮರಣೋಡ್ ಎಂಕ್ ಭಾರೀ ದುಕ್ಕೋ ಆತ್ಂಡ್. ಎನಡ್ ಎಲ್ಯ ಪ್ರಾಯದ ಆರ್ ಈತ್ ಬೇಗ ನಮನ್ ಬುಡ್ ಪೋವೆರ್ ಪಂಡ್ ಯಾನ್ ಎಣ್ಣೆದಿಜಿ. ವಿರೋಧ ಪಕ್ಷದಾಕಲ್ ಒಟ್ಟುಗ್ಲಾ ದೋಸ್ತಿಡ್ ಇತ್ತೊಂದು ಬುದ್ಧಿ ಪಣೊಂದಿತ್ತಿನ ಸ್ನೇಹಜೀವಿ ಆರ್. ದೇವೆರ್ ಆರೆಗ್ ಶಾಂತಿ ಕೊರಡ್.

ಎಚ್. ಡಿ. ದೇವೇಗೌಡ, ಮಾಜಿ ಪ್ರಧಾನಿ

ಜಾತಿ ಮತದ ಬೇಧದಾಂತೆ ಮಾತೆರೊನ್ಲಾ ಎಡ್ಡೆಡ್ ತೂಯಿನ ತುಳುನಾಡ್ ಅಪೂರ್ವದ ಸಜ್ಜನ ರಾಜಕಾರಣಿ ಡಾ. ವಿ. ಎಸ್. ಆಚಾರ್ಯೆರ್. ಸಾಹಿತ್ಯ ಪ್ರೇಮಿಲಾ ಆದಿತ್ತಿನ ಆರ್ ಕನ್ನಡ, ತುಳು ಭಾಷೆದ ಬುಳೆಚಿಲೆಗಾದ್ ಉಮೇದ್ ಕೊರ್ತಿನಾರ್. ಎಡ್ಡೆ ಶಿಕ್ಷಣ ನೀತಿನ್ ಜಾರಿಗ್ ಕಂತಿನಾರ್, ದೇವಸ್ಥಾನಲೆನ ಉದ್ಧಾರೊಗು ಮಣೆಯಿನಾರ್.

ಧರ್ಮದರ್ಶಿ ಹರಿಕೃಷ್ಣ ಪುನರೂರು, ಕ. ಸಾ. ಪ. ಮಾಜಿ ಅಧ್ಯಕ್ಷೆರ್

ಪರ-ವಿರೋಧ ರಡ್ಡೆನ್ಲಾ ಸಮತೂಕೊಡು ತೂವೊಂದಿತ್ತಿನ, ಸಾರ್ವಜನಿಕೆರ್ ಬಯಸುನ ಸರಳತೆ, ದಕ್ಷತೆ, ಸಚ್ಚಾರಿತ್ರ್ಯ ಕೈ-ಬಾಯಿ ಸ್ವಚ್ಛ ಇತ್ತಿನ ಭಾರೀ ಅಪೂರ್ವದ ಜನಮಾನಿ ಆಯಿನ ಡಾ. ವೇದವ್ಯಾಸ ಶ್ರೀನಿವಾಸ ಆಚಾರ್ಯೆರ್ ನನ ಇಜ್ಜೆರ್.

ಉದಯವಾಣಿ

ಡಾ. ವಿ.ಎಸ್ ಆಚಾರ್ಯೆರ್ ಎಂಕ್ ಪಲಾಯೆ ಆದಿತ್ತೆರ್. ಅಂಚನೇ ಎಂಕ್ ಸಲಹೆ ಕೊರೊಂದಿತ್ತೆರ್, ಬುದ್ಧಿವಾದ ಪನೊಂದಿತ್ತೆರ್. ರಾಜಕೀಯೊಡು

ಸಮಸ್ಯೆ ಬನ್ನಾಗ ಪರಿಹಾರ ಮಲ್ತೊಂದಿತ್ತೆರ್. ತಪ್ಪು ಮಲ್ತೆಡ ತಿದೊಂದಿತ್ತೆರ್. ಆರೆಗ್ ಭಾರೀ ನೆನಪು ಶಕ್ತಿ ಇತ್ತೆಂಡ್. ದಾದಕೆಂಡಲಾ ಪಟ್ಟನೆ ಪಣೊಂದಿತ್ತೆರ್. ಅಂಚಿನ ಒಂಜಿ ಬಿ.ಜೆ.ಪಿ.ದ ಮಹಾಪುರುಷನ್ ಕಳೆವೊಂದು ಎಂಕ್ ಭಾರೀ ದುಕ್ಕೊ ಆತ್ಂಡ್.

ಬಿ.ಎಸ್. ಯಡ್ಯೂರಪ್ಪ, ಮಾಜಿ ಮುಖ್ಯಮಂತ್ರಿ

ಡಾ. ವಿ.ಎಸ್ ಆಚಾರ್ಯರ್ ಒರಿ ಸರಳ ಸಜ್ಜನಿಕೆದ ಸೌಜನ್ಯ ಮೂರ್ತಿ. ಆರೆಗ್ ರಾಜ್ಯ ಬೊಕ್ಕ ದೇಶದ ಸಾಮಾಜಿಕ, ಆರ್ಥಿಕ ಅಂಚನೇ ರಾಜಕೀಯ ವಿನಯದ ಬಗ್ಗೆ ಭಾರೀ ಕಾಳಜಿ ಇತ್ತೆಂಡ್. ಪ್ರತಿಯೊಂಜಿ ವಿನಯದ ಬಗ್ಗೆಲಾ ಅಧ್ಯಯನ ಮಲ್ತೆದ್ ದಾಖಲೆ ಸಮೇತ ಪಣೊಂದಿತ್ತೆರ್. ಆರೆಗ್ ಬಾಯಿಡ್ ಪನ್ನಿಣೇಡ್ಲೆಲಾ ಕಾರ್ಯಡು ಮಲ್ತೆ ತೋಜಾವುನೇಟ್ ಗೇಣ ಇತ್ತೆಂಡ್. ಅಂಚಿನ ಆಚಾರ್ಯರ್ ಏಪಲಾ ಮರವೈರಾವಂದಿ ಮಹಾತ್ಮೆ.

**ಡಾ. ಡಿ. ವೀರೇಂದ್ರ ಹೆಗ್ಡೆ, ಧರ್ಮಾಧಿಕಾರಿ,
ಶ್ರೀಕ್ಷೇತ್ರ ಧರ್ಮಸ್ಥಳ**

ಡಾ. ವಿ.ಎಸ್. ಆಚಾರ್ಯರ್ ವ್ಯಕ್ತಿತ್ವ

ಎಲ್ಯಡ್ಲೆ ಜೀವನದ ಅಖೇರಿಮುಟ್ಟೆ ಮಾತೆರೆಡ್ಲೆಲ್ಲಾ ಪುಗರ್ತೆನ್ ಪಡೆಯಿನ ಡಾ. ವಿ. ಎಸ್. ಆಚಾರ್ಯರ್ ಒರಿ ಸರಳ, ಸಜ್ಜನೆ, ಪ್ರಾಮಾಣಿಕರಾಯಿನ ಜನಮಾನಿ. ಆರ್ ರಾಜಕಾರಣಿ ಮಾತ್ರ ಅತ್ತಾವಂದೆ ಸಾಹಿತ್ಯ, ಸಂಗೀತ, ಕಲೆ, ವಿಜ್ಞಾನ, ಇತಿಹಾಸ ಇಂಚ ಮಸ್ತ್ ವಿನಯೊಡ್ ಆಸಕ್ತಿ ಇತ್ತಿನಾರ್, ತೆರಿದಿನಾರ್. ಪಂಡಿತ್ ಭೀಮಸೇನ್ ಜೋಷಿ, ಶ್ರೀ ವಿದ್ಯಾಭೂಷಣ್, ಕದ್ರಿ ಗೋಪಾಲನಾಥ್, ಎಮ್. ಎಸ್. ಸುಬ್ಬಲಕ್ಷ್ಮಿನ ಸಂಗೀತೋಲೆನ್ ಭಾರೀ ಇಷ್ಟೊಡ್ ಕೇನೊಂದಿತ್ತೆರ್. ಕನಕದಾಸ, ಪುರಂದರದಾಸೆರ್ ಪದ್ಯಪಂಡ ಆರೆಗ್ ಭಾರೀ ಪಿರಿತಿ. ಸಂಸ್ಕೃತ ಶ್ಲೋಕೊಲು, ಸರ್ವಜ್ಞನ ವಚನೊಲು ಆರೆಗ್ ಬಾಯಿ ಪಾಠ ಬತ್ತೊಂದಿತ್ತೆಂಡ್.

ಅವೇನ್ ಆರ್ ಬಾಷಣೊಡು ಉದಾರ್ಮೆ ಕೊರೊಂದಿತ್ತೆರ್. ಅಂಚನೇ ಸಿನಿಮೊಡ್ಲಾ ಆಸಕ್ತಿ ಇತ್ತೊಂಡ್. ಕನ್ನಡ ಭಾಷೆ, ಸಾಹಿತ್ಯ ಪಂಡ ಆರೆಗ್ ಭಾರೀ ಮೋಕೆ. ತನ್ನ ಐನ್ ಜೋಕುಲೆನ್ನಾ ಕನ್ನಡ ಮಾಧ್ಯಮ ಶಾಲೆಡೇ ಕಲ್ಪಾಯಿನ ಒರಿ ಮಂತ್ರಿ ಕರ್ನಾಟಕೊಡ್ ಇತ್ತೊಂಡ ಆರ್ ಡಾ. ವಿ.ಎಸ್. ಆಚಾರ್ಯೆರ್ ಮಾತ್ರ. ಕನ್ನಡ ಸಾಹಿತಿಲೆನ ಬೂಕ್ ತಿಕ್ಕೊಂಡ ಪುರುಸೊತ್ತು ಮಲ್ತದ್ ಓದೊಂದಿತ್ತೆರ್. ಕನ್ನಡ ಸಾಹಿತ್ಯ ಪರಿಷತ್ತೊದ ಒಟ್ಟುಗ್ಲಾ ಆರೆಗ್ ಒಡನಾಟ ಇತ್ತೊಂಡ್.

ಡಾ. ವಿ.ಎಸ್. ಆಚಾರ್ಯೆಗ್ ಭಾರೀ ನೆನಪುಶಕ್ತಿ ಇತ್ತೊಂಡ್. ಆರೊಂಜಿ ಮಲ್ಲ ಮೇಧಾವಿ. ಓದಿನ, ಕೇಂಡಿನ, ತೂಯಿನ ಮಾತ ವಿನಯೊನ್ನಾ ಆರ್ ನೆನಪುಡು ದೀವೊಂದಿತ್ತೆರ್. ಅಂಚಾದ್ ಆರೆನ್ ಎನ್ಸೈಕ್ಲೋಪೀಡಿಯ ಪಂಡದೇ ಮಾತೆರ್ಲಾ ಪನೊಂದಿತ್ತೆರ್. ಒವ್ವೇ ಒಂಜಿ ಭಾಷಣೊಗ್ ಪೋವಡ್ ಐತ ಬಗ್ಗೆ ಮಾತ ವಿನಯೊನ್ನಾ ಒಟ್ಟು ಮಲ್ತದ್ ತೂಕದ ಪಾತೆರ ಪಾತೆರೊಂದಿತ್ತೆರ್. ಬೆಲೆದಾಂತಿ ಪಾತೆರ ಏಪಲಾ ಆರ್ ಪಾತೆರಾಯೆರ್. ಅಂಚಾದ್ ಆರ್ನ ಪಾತೆರೊಗ್ ಮಾತೆರ್ಲಾ ಮರ್ಯಾದೆ ಕೊರೊಂದಿತ್ತೆರ್. ಕೆಬಿಕೊರ್ಮ ಕೇನೊಂದಿತ್ತೆರ್. ಮಾಧ್ಯಮೊಡು ತಪ್ಪು ಅಂಕಿ ಅಂಶ ಬತ್ತೊಂಡ ಏಕ್ ಖಡಕ್ ಉತ್ತರ ಕೊರೊಂದಿತ್ತೆರ್.

ಡಾ. ವಿ.ಎಸ್. ಆಚಾರ್ಯೆರ್ ಭಾರೀ ಮೈದು ಸ್ವಭಾವದಾರ್, ಸರಳ ಸಂಜ್ಜನಿಕೆದ ಮಹಾನುಭಾವೆರ್. ಏರೆಗ್ಲಾ ಖಡಕ್ ಉತ್ತರ ಕೊರಯೆರ್, ದುಡುಕುದು ಪಾತೆರಾಯೆರ್. ನಿಷ್ಕರ ಪಾತೆರ್ ಏರ್ನ್ ಮನಸೊಲಾ ಬೇನೆ ಮಲ್ಪಾಯೆರ್. ಅಧಿಕಾರೊಡು ಉಪ್ಪುನಾಗಲಾ ಅಧಿಕಾರಿನಾಕ್ಕುಡಲಾ ಎಡ್ಡೆ ಪಾತೆರ್ ಕೆಲಸ ಮಲ್ಪಾವೊಂದಿತ್ತೆರ್. ಏರ್ಡಲಾ ದರ್ಪ ತೋಜಾವೊಂದಿತ್ತಿಚೆರ್. ಅಂಚನೇ ಏರ್ ಪೋನ್ ಮಲ್ತೊಂಡಲಾ 'ಹಲೋ ಆಚಾರ್ಯ ಈಸ್ ಸ್ಪೀಕಿಂಗ್' ಪಂಡದ್ ಆರೇ ಜವಾಬು ಕೊರೊಂದಿತ್ತೆರ್. ಸರಕಾರ ಏಪಲಾ ಜೆಪ್ಪುಜಿ ಪನ್ನಿನ ಆರ್ನ ತತ್ವ ಆದಿತ್ತೊಂಡ್. ಲೆಕ್ಕೊಡ್ಚೆ ಏಮೊಗ್ಲಾ ಪಾತೆರಾಯೆರ್.. ಏತ್ ಬೋಡಾ ಆತೇ ಪಾತೆರೊಂದಿತ್ತೆರ್. ಶಾಸನಸಭೆಟ್ ಅಂಚನೇ ಐತಪಿದಾಯಿ ವಿರೋಧ ಪಕ್ಷದಕಲೆನ್ ಅನಗತ್ಯ ನಿಂದನೆ ಮಲ್ಪಾಯೆರ್. ಅಂಚಾದ್ ಆರ್ನ ಮಾತ

ಪಕ್ಷದಾಕ್ಲೆಗ್ಲಾ ಗೌರವ ಇತ್ತೊಂಡ್.

ಡ್ರೈವಿಂಗ್ ಬೊಕ್ಕ ತಿರ್ಗಾಟ ಆರ್ನ ಮುಖ್ಯವಾಯಿನ ಹವ್ಯಾಸ ಆದಿತ್ತೊಂಡ್. ಆರ್ನ ದೋಸ್ತಿನಾಕ್ಲ ಪನ್ನಿ ಪ್ರಕಾಂ ಎಲ್ಯಡ್ ಆರ್ ಸೈಕಲ್ ಪತೊಂದು ಉಡ್ಡಿ ಇಡೀ ಸುತ್ತೊಂದಿತ್ತೆರ್ಗೆ. ಕಾಲೇಜಿಗ್ ಸೇರಿಬೊಕ್ಕ ಲ್ಯಾಂಬೆಟ್ರಾ ಸ್ಕೂಟರ್ ದೆತೊಂದಿತ್ತೆರ್. ಅಯಿಟೇ ಊರೂರು ಸುತ್ತೊಂದಿತ್ತೆರ್ಗೆ. ಆಗುಂಬೆ, ಕೊಡಗು, ಮೈಸೂರು, ಧಾರವಾಡ.....ಇಂಚಿತ್ತಿ ಜಾಗಲೆಗ್ ಆರ್ ಸ್ಕೂಟರ್ಡೇ ತಿರ್ಗಾಟ ಮಲ್ತೊಂದಿತ್ತೆರ್ಗೆ. ದಾಕ್ದಾರೆ ಆಯಿಬೊಕ್ಕ ಮಾರುತಿ ಕಾರ್ ದೆತೊಂದು ತಿರುಗೊಂದಿತ್ತೆರ್. ಆರೆಗ್ ಸ್ವಂತ ಡ್ರೈವ್ ಮಲ್ಪುನು ಪಂಡ ಭಾರೀ ಇಷ್ಟ ಮಂತ್ರಿ ಆನ ಮುಟ್ಟಲಾ ಆರೇ ಕಾರ್ ಬುಡೊಂದಿತ್ತೆರ್. ಕಾರ್ ಬುಡೊಂದು ಉಡ್ಡಿಡ್ಡ್ ಕಣ್ಣನೂರು ಮುಟ್ಟ ವಾಜಪೇಯಿನ್ ಸಭೆಕ್ ಲೆತ್ತೊಂದು ಪೋದಿತ್ತೆರ್ಗೆ. ಇಂಚಿನ ವಾಹನ ಪ್ರಿಯ ಡಾ. ವಿ.ಎಸ್. ಆಚಾರ್ಯೆರ್.

ಡಾ. ವಿ.ಎಸ್. ಆಚಾರ್ಯೆರ್ ತೂವರೆ ಭಾರೀ ಸರಳ ವ್ಯಕ್ತಿ. ಆರ್ನ ಇಷ್ಟದ ಬಣ್ಣ ಬೊಲ್ಲು. ಅಂಚಾದ್ ಆರ್ ಏಪಲ್ಲಾ ಬೊಲ್ಲು ಕುಂಟೇ ತುತ್ತೊಂದಿತ್ತೆರ್. ಬೊಲ್ಲು ಕುಂಟುಗ್ ಕಲೆ ಆಪಿನ ಪಕ್ಕ ಆಂಡ ಆರ್ ತನ್ನ ಜೀವನೊಂಡ್ ಏಪಲ್ಲಾ ಕಲೆ ಅವರೆ ಬುಡ್ಡುಜೇರ್. ಅಂಚನೇ ಆರ್ನ ಒಣ್ಣನ್ ತಿನಿಸ್ಲಾ ಸರಳವಾದಿತ್ತೊಂಡ್. ಬೀಜ ಪಾಡ್ಡಿನ ಉಪ್ಪಿಟ್, ಮಸಾಲೆದೋಸೆ, ಗೋಳಿಬಜೆ, ನುಂಗೇಲ್ ಪಂರುಲು ಆರ್ನ ಇಷ್ಟವಾಯಿನ ತಿನಿಸ್ ಆದಿತ್ತೊಂಡ್. ಇಲ್ಲಾಡೇ ತಯಾರ್ ಮಲ್ತಿನ ತಿನಿಸ್ಗ್ ಆರ್ ಎಚ್ಚ ಪ್ರಾಮುಖ್ಯ ಕೊರೊಂದಿತ್ತೆರ್. ಕಡಿಮೆ ಆಹಾರ ಪನ್ನಿನ ಆಂಡಲಾ ಎಡ್ಡೊದಿನ ತಿನಿಸ್ಲೆನ್ ತಿನೊಂದಿತ್ತೆರ್. ಇಲ್ಲದ ಒವ್ವೇ ಲೇಸ್ ಉಪ್ಪಾಡ್ ಆರ್ ಎಡ್ಡೊದಿ ವಸ್ತುಲೆನೇ ಕಣತ್ತ್ದ ಪಾಕ ಮಲ್ತೊಂದಿತ್ತೆರ್. ಅಂಚ ಒಣ್ಣನ್ ತಿನಿಸ್ದ ಮಿತ್ತಲಾ ಆರೆಗ್ ಭಾರೀ ಜಾಗ್ರತೆ ಇತ್ತೊಂಡ್.

ಉಡುಪಿದ ಪರಿಸರೊಡ್ ಬುಲೆಯಿನ ಆರ್ ಧಾರ್ಮಿಕ ಸ್ವಭಾವದಾರ್ಲಾ ಆದಿತ್ತೆರ್. ಒವ್ವೇ ಒಂಜಿ ಎಡ್ಡೆ ಕೆಲಸೊಗು ಪಿದಾಡಾಡ್ ಉಡುಪಿದ ಕೃಷ್ಣದೇವೇರ್ನ್ ಅಂಚನೇ ಮುಖ್ಯಪ್ರಾಣಾನ್ ಸುಗಿತೊಂದು ಪಿದಾಡೊಂದಿತ್ತೆರ್.

ಊರು ಉಪ್ಪುನಾಗ ಏಪಲಾ ಸಾಲಿಗ್ರಾಮದ ಪೂಜೆನ್ ಮಲ್ತೊಂದಿತ್ತೆರ್. ಇಲ್ಲಡ್ ಮಾತ ಪರ್ಬೊಲೆನ್ಲಾ ಕ್ರಮಪುಕಾರ ಆಚರಣೆ ಮಲ್ತೊಂದಿತ್ತೆರ್. ದೇವಸ್ಥಾನದ ಅಭಿವೃದ್ಧಿಗಾದ್ ಮಸ್ತ್ ಪುಣೆಯೇರ್. ಅಂಚನೇ ಥಾಂಗೋಡ್ಡ ಸುಬ್ರಹ್ಮಣ್ಯ ದೇವಸ್ಥಾನ, ಕಾರಂಬಳ್ಳಿದ ಆರ್ ಮೂಲಸ್ಥಾನದ ಅಭಿವೃದ್ಧಿಗಾದ್ಲಾ ಆರ್ ಮಸ್ತ್ ಕೆಲಸ ಮಲ್ತೆದೆರ್. ಧಾರ್ಮಿಕ ಇಲಾಖೆದ ಮಂತ್ರಿ ಪಟ್ಟೊಡು ಉಪ್ಪುನಾಗ್ಲ ಮಸ್ತ್ ಎಲ್ಯ ದೇವಸ್ಥಾನೋಲೆನ ಜೀರ್ಣೋದ್ಧಾರೋಗ್ ಬಂಜಬತ್ತೆದಿತ್ತೆರ್.

ಡಾ. ವಿ.ಎಸ್. ಆಚಾರ್ಯೆರ್ ಒರಿ ಎಡ್ಡೆಂದಿನ ಸಂಸದೀಯ ಪಟುವಾದಿತ್ತೆರ್. ಆರ್ ವಿಧಾನ ಪರಿಷತ್ತೆಡ್ ಲಕ್ಹೆದ್ ಉಂತ್ಯೇರ್ಡ್ ಮಾತೆರ್ಲಾ ಗಪ್‌ಚುಪ್. ಆರ್ ವಿಷಯದಾಂತೆ ಪಾತೆರುನ ನರಮಾನಿ ಅತ್ತ. ಒವ್ವೇ ಒಂಜಿ ಪ್ರಶ್ನೆ ಕೇಂಡಲಾ ಐಕ್ ಉತ್ತರ ಕೊರ್ಯೆರೆ ಬೋಡಾಯಿನಾತ್ ತಯಾರಿ ಮಲ್ತೊಂದೇ ಬರೊಂದಿತ್ತೆರ್. ಅಂಚಾದ್ ಆರ್ ಬೇತೆ ಮಂತ್ರಿನಾಕ್ಲೆಗ್ಲಾ ಮಾರ್ಗದರ್ಶಕೆರ್ ಆದಿತ್ತೆರ್. ಬಿ.ಜೆ.ಪಿ. ಸರ್ಕಾರೋನ್ ಆರ್ ಮಸ್ತ್ ಸರ್ತಿ ವಿರೋಧ ಪಕ್ಷದಾಕ್ಲೆನ ದಾಳಿಡ್ಡ ಖಡಕ್ ಉತ್ತರ ಕೊರ್ಯೆ ಪಾರ್ ಮಲ್ತೆರ್. ವಿಧಾನ ಸಭೆ ಅಂಚನೇ ವಿಧಾನ ಪರಿಷತ್ತೆದ ದಿನನಿತ್ಯದ ಕಲಾಪದ ಬಗ್ಗೆಲಾ ಆರ್ ಪೂರ್ಣ ಮಾಹಿತಿ ಇತ್ತೆಂಡ್. ಪೂರ್ತುಗು ಸರಿಯಾದ್ ಸದನೊಡು ಇತ್ತೊಂದು ಕಲಾಪೊಡು ಪಾಲ್ ತಡೆಯೊಂದಿತ್ತೆರ್. ಶಾಂತ ಚಿತ್ತೊಡು ಪ್ರಶ್ನೆಗ್ ಉತ್ತರ ಕೊರೊಂದಿತ್ತೆರ್.

ಒಡಿಪುದ ಊರುಗು ಡಾ. ವಿ.ಎಸ್. ಆಚಾರ್ಯೆರ್ ಕಾಣ್ಣೆ:

'ಕರ್ಮಣ್ಯೇವಾಧಿಕಾರಸ್ತೇ ಮಾಫಲೇಷು ಕದಾಚನ' ಫಲತ ಅಪೇಕ್ಷೆದಾಂತೆ ಕೆಲಸ ಮಲ್ಪುಲ, ನಿನ್ನ ಕೆಲಸೋಗ್ ಸರಿಯಾದ ಪ್ರತಿಫಲ ಯಾನ್ ಕೊರ್ತೆ ಉಂದು ಕೃಷ್ಣದೇವೆರ್ ಭಗವದ್ಗೀತೆಡ್ ಪಂಡಿನ ನುಡಿ. ಅಂಚಿನ ಕೃಷ್ಣ ದೇವೆರ್ ಊರು ಒಡಿಪು. ಆ ಊರುಡೇ ಪುಟುದ್ ಬುಲೆತಿನ ಡಾ. ವಿ.ಎಸ್. ಆಚಾರ್ಯೆರ್ ಅವ್ವೇ ಸಾದಿಡ್ ಪೋದು ಮೆರೆಯೆರ್. ಆರ್ ಅಮ್ಮೇರ್ ಸಂಸ್ಕೃತ ಪಂಡಿತೇರ್ ಆಂಡ, ವಿ.ಎಸ್. ಆಚಾರ್ಯೆರ್ ರೋಗಿಲೆಗ್ ಮರ್ದಕೊರ್ಪಿನ ಪಂಡಿತೇರ್ ಆಯೆರ್. ಐಡ್ ಬೊಕ್ಕ ಬನ್ನಂಜೆ ಗೋವಿಂದಾಚಾರ್ಯೆರ್ ಪಂಡಿಲೆಕ್ಕೊ ಡಾ.

ವಿ.ಎಸ್. ಆಚಾರ್ಯರ್ ರಾಜಕೀಯ ಸೇರ್ಪಡೆ ಇಡೀ ಕರ್ನಾಟಕೋಗ್ ತನ್ನ ಸೇವೆದ ಕ್ಷೇತ್ರೋಗ್ ವಿಸ್ತರಣೆ ಮಲ್ತೆದ್ ಕುರಿದ್ ನಾದುನ ರಾಜಕೀಯೋಗು ಮರ್ದ್ ಅರೆಯೆರ್; ಮಸ್ತ್ ಎತ್ತರೋಗ್ ಬುಲೆಯೆರ್.

'ಜನನೀ ಜನ್ಮ ಭೂಮಿಶ್ಚ ಸ್ವರ್ಗಾದಪೀ ಗರೀಯಸೀ' ಪುಟುದು ಬುಲೆತಿನ ಊರು ಸ್ವರ್ಗೊಡ್ಡಲಾ ಮಲ್ತೆದ್ ರಾಮಾಯಣೋಡು ರಾಮ ದೇವೆರ್ ಪನ್ನೇರ್. ಡಾ. ವಿ. ಎಸ್. ಆಚಾರ್ಯರ್ ಆರ್ ಊರು ಒಡಿಪುಗು ಮಲ್ತಿ ಸೇವೆ ಮಸ್ತ್. ಇರ್ವತ್ತ ಎಡ್ಡ ವರ್ಸೊ ಪ್ರಾಯದ ಜಕ್ಕೆ ಜವಾನಾದಿಗೇಡೇ ಆರ್ ಒಡಿಪುದ ಪುರಸಭೆತ ಅಧ್ಯಕ್ಷೆರಾದ್ ಮಸ್ತ್ ಬೇಲೆ ಮಲ್ತೆರ್. ಸಪೂರದ ಮಾರ್ಗೊನ್ ಅಗಲ ಮಲ್ತೆರ್. ಚರಂಡಿದ ವ್ಯವಸ್ಥೆ ಮಲ್ತೆರ್. ಆರ್ ಸುರುಮಲ್ತಿನ ಸ್ವರ್ಣಾನದಿತ ಅಣೆಕಟ್ಟೆಡ್ಡಾದಾವರ ಇನಿಕಲಾ ಒಡಿಪುದ ಜನಕುಲು ನೀರ್ ಪರೊಂದುಲ್ಲೆರ್. ಮಂತ್ರಿ ಆದ್ ಉಪುನಾಗ ಉಡುಪಿ ಜಿಲ್ಲೆದ ಉಸ್ತುವಾರಿ ಸಚಿವೆರ್ಲಾ ಆದಿತ್ತೆರ್. ಅಂಚಾದ್ ಆರ್ ಉಡುಪಿದ ಅಭಿವೃದ್ಧಿಗಾದ್ ಮಸ್ತ್ ಪುಣೆಯೆರ್.

ಜಿಲ್ಲೆಲು ಮಲ್ತೆ ಆಂಡ ಅಭಿವೃದ್ಧಿಗ್ ಕಷ್ಟ ಆಪುಂಡು. ಅಂಚಾದ್ ಜಿಲ್ಲೆಲುನ ಸಂಖ್ಯೆ ಜಾಸ್ತಿ ಮಲ್ಪೊಡು ಪಂಡ್ಡ್ ಆರ್ ಬಯಸೆದಿತ್ತೆರ್. ಅಂಚಾದ್ ರಾಮಕೃಷ್ಣ ಹೆಗಡೆನ ಕಾಲೊಡು ಜಿಲ್ಲೆಲುನ ಸಂಖ್ಯೆ ಜಾಸ್ತಿ ಮಲ್ತೆರೆಗ್ 1984ಟ್ ಟಿ. ಎಂ. ಹುಂಡೇಕರ್ ಸಮಿತಿ ರಚನೆ ಆಂಡ್. ಏಟ್ ಡಾ. ವಿ. ಎಸ್. ಆಚಾರ್ಯರ್ ಕೈವಾಡಲಾ ಇತ್ತೆಂಡ್. ಆರ್ ಪ್ರಯತ್ನೊಡ್ಡಾವರನೇ ಇನಿ ಉಡುಪಿ ಜಿಲ್ಲೆದ ರಚನೆ ಆತ್ಂಡ್. ಜಿಲ್ಲೆ ಆಯಿಬೊಕ್ಕ ಈ ಪೊಸ ಜಿಲ್ಲೆಗ್ ಒಂಜಿ ಪೊರ್ಲುಕಂಟ್ ದ ಜಿಲ್ಲಾಡಳಿತ ಕಚೇರಿ ಉಪ್ಪೊಡು ಪನ್ನಿನ ಆರ್ ಕನ ಆದಿತ್ತೆಂಡ್. ಅಂಚಾದ್ ಆರ್ ಮುತಾಲಿಕೆಡ್ ಮಣಿಪಾಲದ ರಜತಾದ್ರಿಡ್ ಇಡೀ ಕರ್ನಾಟಕೋಡೇ ಭಾರೀ ಪೊರ್ಲುಕಂಟ್ ದ, ಜನಮೆಚ್ಚುನ ಸಕಲ ಸೌಕರ್ಯ ಇತ್ತಿನ ಜಿಲ್ಲಾಡಳಿತ ಸಂಕೀರ್ಣದ ಕಟ್ಟಡ ಆತ್ಂಡ್. ಆ ಕಟ್ಟಡ ಕರೀನ 2011ನೇ ಡಿಸೆಂಬರ್ ತಿಂಗೊಳ್ 25ನೇ ತಾರೀಕೆದಾನಿ ಅವಗದ ಮುಖ್ಯಮಂತ್ರಿ ಡಿ. ವಿ. ಸದಾನಂದ ಗೌಡೆರ್ ಮೂಲಕ ಲೋಕೋಗ್ ಅರ್ಪಣೆ ಆತ್ತೆಂಡ್.

ಕಲ್ಪಂಕೋಡ್ಡ್ ಮಣಿಪಾಲೋಗ್ ಪ್ರತಿನಿತ್ಯಲಾ ಸಾವಿರಗಟ್ಟಲೆ ವಾಹನ ಸಂಚಾರ ಇತ್ತ್ಂಡಲಾ ಮಾರ್ಗ ಮಸ್ತ್ ಸಪೂರ ಇತ್ತ್ಂಡ್. ಅವೆನ್ ಅಗಲ ಮಲ್ತೆರೆ ಮಸ್ತ್ ಸಮಸ್ಯೊಲು ಇತ್ತ್ಂಡ್. ಪಣವುದ ಕೊರತೆ ಇತ್ತ್ಂಡ್. ಆಂಡಲಾ ಡಾ. ವಿ.ಎಸ್. ಆಚಾರ್ಯರ್ ಜನಕುಲೆನ ಸಭೆ ಲೆತ್ತೆದ್ ಆಕಲ್ ಸಮಸ್ಯೊಲೆನ್ ಚರ್ಚೆ ಮಲ್ತೆದ್; ಮುಖ್ಯ ಮಂತ್ರಿಡ ಪಾತೆರ್ಡ್ ಏಕ್ ಬೋಡಾಯಿನಾತ್ ದುಡ್ಡು ದೀಪಾದ್ ಅಗಲ ಮಲ್ಪುನ ಮಾಮಲ್ಲ ಕೆಲಸ ಮಲ್ತೆರ್. ಇನಿ ಆಡಿಉಡ್ಡಿಡ್ಡ್ ಮಣಿಪಾಲಮುಟ್ಟದ 'ಚತುಷ್ಟಥ' ಪಂಡ ನಾಲ್ಪಟ್ಪದ ಮಾರ್ಗ ಅಗಲ ಅವೋಡುಂದಾಂಡ ಏಕ್ ಡಾ. ಆಚಾರ್ಯರೆ ಕಾರಣಪುರುಷೆರ್. ಅಂಚನೇ ಬನ್ನಂಜೆಡ್ ಪೂರ್ವಕಂಟ್‌ದ ಕೆ.ಎಸ್.ಆರ್.ಟಿ.ಸಿ. ಬಸ್ ನಿಲ್ದಾಣ ಆವೋಡ್ ಪನ್ನಿ ಕನ ಆರ್ಡ್ ಇತ್ತ್ಂಡ್ ಆಂಡ ಆರ್ ಜೀವೋಡು ಉಪ್ಪುನಾಗ್ ಆ ಕೆಲಸ ನಿಜ ಆಯಿಜಿ. ಒಡಿಪುದ ನಗರಸಭೆತ ಅಭಿವೃದ್ಧಿಗಾದ್ ಇರ್ವತ್ತೈನ್ ಕೋಟಿ ರೂಪಾಯಿನ್ ಸರಕಾರೊಡ್ಡ್ ಕೊರ್ಪಾಯೆರ್. ಆರ್ಡ್ ಕಾಲೊಡು ಉಡುಪಿ ಕ್ಷೇತ್ರೊಡು ನಾಲ್ ಮಲ್ಲ ಸಂಕಲಾ ನಿರ್ಮಾಣ ಆತ್ತ್ಂಡ್. ಇನಿ ಕೃಷ್ಣದೇವೆರ್ಡ್ ಊರಾಯಿನ ಒಡಿಪು ಪೊರ್ಲುಡು ಮೆರೆವೊಡಾಂಡ ಏಕ್ ಡಾ. ಆಚಾರ್ಯರೆ ಕಾರಣ.

ಕರಾವಳಿತ ಮಲ್ಲ ಕಸುಬುಲೆಡ್ ಮೀನುಗಾರಿಕೆಲಾ ಒಂಜಿ. ಮೀನುಗಾರಿಕೆದಾಕಲೆಗ್ ಮಸ್ತ್ ಸಮಸ್ಯೊಲು ಇತ್ತ್ಂಡ್. ಮೀನುಗಾರಿಕೆದಾಕುಲು ದುಃಖೊನ್ ಡಾ. ಆಚಾರ್ಯರ್ಡ್ ಪಂಡೋಂಡೆರ್. ಅಕಲ್ ಅಭಿವೃದ್ಧಿಗಾದ್ ಡಾ. ಆಚಾರ್ಯರ್ ಮಸ್ತ್ ಬೇಲೆ ಮಲ್ತೆರ್. ಮತ್ಸ್ಯಾಶ್ರಯ ಯೋಜನೆ ಜಾರಿಗ್ ಕಂತೆರ್. ತೆರಿಗೆ ದಾಂತಿನ ಡೀಸೆಲ್ ಮೀನೊಪತ್ತುನ ಬೋಟುದಾಕಲೆಗ್ ತಿಕ್ಕಿಲೆಕ್ ಮಲ್ತೆರ್. ಮಲ್ತೆ ಮೀನುಗಾರಿಕೆ ಬಂದರ್ಡ್ ಅಭಿವೃದ್ಧಿಗಾದ್ ಪುಣೆಯೇರ್. ಉಡ್ಡಿದ ಮೀನುಗಾರೆರ್ಡ್ ಗುರ್ಕಾರೆ ಆಯಿನ ಜಿ. ಶಂಕರ್ ಮಲ್ಪುನ ಮಾತ ಬೇಲೆಲ್ಲಾ ಬೆರಿಸಾಯ ಕೊರ್ಪೆರ್. ಆರೆಗ್ ಮೀನುಗಾರ ಸಮಾಜದ ಅಭಿವೃದ್ಧಿದ ಬಗ್ಗೆ ಮಸ್ತ್ ಕಾಳಜಿ ಇತ್ತ್ಂಡ್. ಮೀನುಗಾರ ಸಮಾಜದ ಬೆಣ್ಣೆಕುದ್ಡು ಶ್ರೀ ಕುಲಮಹಾಸ್ತ್ರೀ

ದೇವಸ್ಥಾನ, ಬಗ್ವಾಡಿ ಶ್ರೀ ಮಹಿಷಮರ್ಧಿನಿ ದೇವಸ್ಥಾನ, ಉಚ್ಚಿಲ ಶ್ರೀ ಮಹಾಲಕ್ಷ್ಮೀ ದೇವಸ್ಥಾನ ಅಂಚನೇ ಉಳ್ಳಾಲದ ವ್ಯಾಘ್ರ ಚಾಮುಂಡಿ ದೇವಸ್ಥಾನದ ಅಭಿವೃದ್ಧಿಗಾದ್ ಒಂಜೊಂಜಿ ಕೋಟಿ ರೂಪಾಯಿನ್ ಸರಕಾರೊಡು ಕೊರ್ಪಾಯಿನ್ ಕೀರ್ತಿ ಡಾ. ಆಚಾರ್ಯೆರ್. ಅಂಚಾದ್ ಡಾ. ಆಚಾರ್ಯೆರ್ ಮೀನುಗಾರೆರ್ ಕಣ್ಣಿ ಆದ್ಲಾ ಮೆರೆಯೆರ್.

ಡಾ. ವಿ.ಎಸ್. ಆಚಾರ್ಯೆರ್ ಉಡುಪಿ ಜಿಲ್ಲೆದ ರೆಡ್ಡ್‌ಕ್ರಾಸ್ ಸಂಸ್ಥೆದ ಬುಳೆಚಿಲ್‌ಗಾದ್ಲಾ ಬೋಡಾಯಿನಾತ್ ಕಾಣ್ಣೆ ಕೊರೆರ್. ಐತ ಪ್ರೋಷಕ್ ಸದಸ್ಯೆರಾದಿತ್ತೆರ್. ಮಸ್ತ್ ಜನ ಸದಸ್ಯೆರೆನ್ ಸೇರ್ಸಾಯೆರ್. ನಿದ್ರೆಡ್ ಇತ್ತಿನ ರೆಡ್‌ಕ್ರಾಸ್ ಸಂಸ್ಥೆನ್ ಲಕ್ಕಾದ್ ಮಸ್ತ್ ಕೆಲಸ ಮಲ್ಪುಲೆಕ್, ಐತ ಪ್ರಯೋಜನ ಜನಕುಲೆಗ್ ತಿಕ್ಕಿಲೆಕ್ ಮಲ್ತೆರ್. ರೆಡ್ಡ್ ಕ್ರಾಸ್ ಸಂಘೋಗು ಕಟ್ಟಡ ಕಟ್ಟಿರೆ ಸರ್ಕಾರೊಡ್ಲ ಜಾಗೆ ಕೊರ್ಪಾಯೆರ್. ರೆಡ್ಡ್‌ಕ್ರಾಸ್ ಭವನ ಕಟ್ಟಿರೆ, ನೇತ್ರನಿಧಿ ಸ್ಥಾಪನೆಗ್ ಸಹಕಾರ ಕೊರ್ಪೆರ್. ಇಂಚ ಒಡಿಪುದ ರೆಡ್ಡ್‌ಕ್ರಾಸ್ ಸಂಸ್ಥೆ ಜನಕುಲೆಗಾದ್ ಮಸ್ತ್ ಕೆಲಸ ಮಲ್ಪುಲೆಕ್ ಮಲ್ತೆರ್.


ಒಡಿಪುದ ಮಲ್ಲ ಉತ್ಸವ ಪಂಡ ಪರ್ಯಾಯ. ಉಂದು ರೆಡ್ಡ್ ವರ್ಸೋಗೊರ ನಡೆಪಿಂಚಿ ಉತ್ಸವ. ಈ ಉತ್ಸವ ಪೂರ್ವುಡು ನಡಪೋಂಡಲಾ ಐಟ್ ಡಾ. ಆಚಾರ್ಯೆರ್ ಮಾರ್ಗದರ್ಶನ ಉಂಡೇ ಉಂಡು. ಆ ಪೊರ್ತುಡು ಅಷ್ಟಮಹದ ನಡುಟ್ ಒಪ್ಪೇ ಒಂಜಿ ಭಿನ್ನಾಭಿಪ್ರಾಯ ಇತ್ತೊಂಡಲಾ ಐತ ಪರಿಹಾರಗೋಸ್ಕರ ಡಾ. ಆಚಾರ್ಯೆರ್ ಆರ್ಡ್ ಅಭಿಪ್ರಾಯ ಕೊರೊಂದಿತ್ತೆರ್. ಆ ಪೊರ್ತುಗು ಸರಕಾರೊಡ್ಲ ವಿಶೇಷ ಅನುದಾನ ಕೊರ್ಪಾದ್ ಮುನ್ನಿಪಾಲ್ಟಿಡ್ಲ ಮಾರ್ಗ ರಿಪೇರಿದ ಕೆಲಸ ಮಲ್ಪಾವೊಂದಿತ್ತೆರ್. ಆರ್ ಮಂತ್ರಿ ಆದ್ ಉಪ್ಪುನಾಗಲಾ ಉಡ್ಡಿ ಮರೊಟ್ಟು ಸರಕಾರಿ ಮಟ್ಟೊಡ್ ಕನಕದಾಸ ಜಯಂತಿನ ಆಚರಣೆ ಮಲ್ಪುನ ಕ್ರಮ ಜಾರಿಗ್ ಬತ್ತೊಂಡ್. ಸರಕಾರಿ ರಜೆ ಘೋಷಣೆ ಆಪಿಲೆಕ್ಕೊಲಾ ಆಂಡ್. ಇಂಚ ಡಾ. ವಿ. ಎಸ್. ಆಚಾರ್ಯೆರ್ 'ಪರೋಪಕಾರಾಯ ಪುಣ್ಯಾಯ' ಪನ್ನಿ ತತ್ವದ ಪ್ರಕಾರ ಕಲೆಸ ಮಲ್ತಿನಾರ್. ಆರ್ಡ್ ಒಪ್ಪೇ ಸ್ವಂತ ಕೆಲಸೋಗ್ ಅರ್ಜಿ ಪತೊಂದು ಬತ್ತೆರ್, ಅಂಚಿ ಸ್ವಾರ್ಥದ ಕೆಲಸೋಗ್ ಗೇಣ ಕೊರೊಂದಿತ್ತಿಜೆರ್. ಆಂಡ ಊರ್ಡ್ಲ ಉದ್ಧಾರೊಗು ಏರಾಂಡಲಾ ಅರ್ಜಿಪತೊಂದು ಬತ್ತೆರ್ ಐಕ್ ವಿನೇಷ ಗಮನ ಕೊರ್ಪು ಸರಕಾರೊಡ್ಲ ಆ ಕೆಲಸ ಮಲ್ತೆರ್

ಕೊಂಡಿತ್ತೆರ್. ಬಹು ಜನ ಹಿತಾಯ ಪನ್ನಿ ತತ್ವ ಆರ್ನ ಅದಿತ್ತೆರ್. ಅಂಚಾದ್ ಆರ್ ಮಲ್ತಿನ ಮಾತ ಕೆಲಸಲಾ ಲೋಕೋಗಾದೇ. ಅಂಚಾದೇ ಆರೆನ್ ಮಾತೆರ್ಲಾ ಒಡಿಪುದ 'ಭಗೀರಥೆ' ಪಂಡೆರ್ ಪನೊಂದಿತ್ತೆರ್. ಆರ್ ಕೃಷ್ಣ ದೇವೇರ್ ಪಾದೊ ಸೇರೊಂಡಲಾ, ಅರ್ನ ತತ್ವ, ಆದರ್ಶ, ಸಜ್ಜನಿಕೆ, ಆರ್ ಸಮಾಜೋಗಾದ್ ಮಲ್ತಿನ ಕಜ್ಜೊಲು ನಮದುಂಬುಂಡು. ಮಾತ ರಾಜಕಾರಣೆನಾಕ್ಕುಲಾ ಆರ್ನ ಸಾದೀಡೇ ಪೋದು ಕರ್ನಾಟಕೊನು ಕಲ್ಯಾಣ ರಾಜ್ಯ ಮಲ್ಪಾಡ್ ಪನ್ನಿನನೇ ಎನ್ನ ಆನೆ.

* * * * *

ಗ್ರಂಥ ಋಣ


ಮರ್ಯಾದಾ ಪುರುಷೋತ್ತಮ	- ಡಾ. ವಿ.ಎಸ್. ಆಚಾರ್ಯ
ಸ್ಮೃತಿ-ಕೃತಿ, ಸಂಪಾದಕ	- ನಿತ್ಯಾನಂದ ಬಿ. ಶೆಟ್ಟಿ
ಪ್ರಕಟಣೆ ಪ್ರಸಾರಾಂಗ	ತುಮಕೂರು ವಿಶ್ವವಿದ್ಯಾಲಯ
ಉದಯವಾಣಿ	- 15-02-2012
ಹೊಸದಿಗಂತ	- 15-02-2012
ವಿಜಯ ಕರ್ನಾಟಕ	- 15-02-2012



ಜಕ್ಕೆ ಜವನೆ ವಿ.ಎಸ್. ಆಚಾರ್ಯ



ಕೆ.ಎಂ.ಸಿ.ಡ್ ವಿದ್ಯಾರ್ಥಿ ಕೌನ್ಸಿಲ್‌ದ ಪದಾಧಿಕಾರಿಯಾದ್



ಪೊಸ ಮದಿಮಾಯೆ ಮದಿಮಾಲ್



ಆಚಾರ್ಯರೆನ ಜೊಕ್ಕು ರವಿರಾಜ್, ಕಿರಣ್, ಭಾರತಿ, ಗಣೇಶ್, ರಾಜೇಶ್



ಪುಲ್ಕಿನ್ನೊಟ್ಟುಗು ಅಜ್ಜ-ಅಜ್ಜಿ



ಉಡುಪಿ ಪುರಸಭಾ ಗುರಾಮ್ ಪಟ್ಟಣ




ಆನಂದ ಪ್ರಧಾನಿ ಅಟಲ್ ಬಿಹಾರಿ ವಾಜಪೇಯಿನೊಟ್ಟುಗು



ಪರ್ಮಿ ನೀರ್‌ದ ಸ್ವರ್ಣ ನದಿ ಉದಿಪನ

ಪುಸ್ತಕೋದ್ಘಾಟನೆ
ಪರ್ಮಿ ನೀರ್‌ದ ಸ್ವರ್ಣ ನದಿ ಉದಿಪನ



ಸುರುತ ಓಟುದ ವಿಜಯೋತ್ಸವ




ಟ್ರಾಫಿಕ್ ಪೊಲೀಸ್ ವ್ಯವಸ್ಥೆದ ಆಧುನೀಕರಣ



ರಜತಾದ್ರಿ ಅನುಷ್ಠಾನೋಗು ಡಾ. ವಿ.ಎಸ್. ಆಚಾರ್ಯರೆಗ್ ತಮ್ಮನ

ಗ್ರಾಮದೊಳಗೆ ಅಧಿಕಾರ ಕೇಂದ್ರವನ್ನು ಸ್ಥಾಪಿಸಿ, ಅಲ್ಲಿಗೆ ಸರ್ಕಾರದ ಸೇವೆಗಳನ್ನು ಒದಗಿಸುವುದು. ಇದರ ಜೊತೆಗೆ, ಸರ್ಕಾರದ ಸೇವೆಗಳನ್ನು ಒದಗಿಸುವುದು.





ಮುಖ್ಯಮಂತ್ರಿಯಾದ್ ಆಯ್ಕೆಯಾಯಿನ ಡಿ.ವಿ. ಸದಾನಂದ ಗೌಡರೆಗೆ ಉಡುಪಿಡ್
ಏರ್ಪಾಡಾಯಿನ ಅಭಿನಂದನಾ ಸಮಾರಂಭೊಡು



ಮಂಗಳೂರು ಕೆಥೋಲಿಕ್ ಧರ್ಮಪ್ರಾಂತ ಬಿಷಪ್ ಅಲೋಶಿಯಸ್ ಪಾವ್ಲ್ ಡಿ'ಸೋಜರೊಟ್ಟುಗು



ಉಡುಪಿದ ಕ್ರಿಸ್ತಮಸ್ ಲೇಸರ್ಡ್



ವಿ.ಎಚ್.ಪಿ. ಕಾರ್ಯಧ್ಯಕ್ಷ ಅಶೋಕ್ ಸಿಂಘಾಲ್‌ರೊಟ್ಟಿಗೆ



ಬರಗಾಲೋದ ಸಾಯೋಗು ಪಾದಯಾತ್ರೆ



ಪೂನಾ ಸ್ಕಾಟ್ಸ್ ಬೊಕ್ಕ ಗೈಡ್ಸ್ ಕಟ್ಟೋಣದ ಉದಿಪನ ಸಮಾರಂಭೊಡು



ಲೋಕಾಯುಕ್ತ ಕಟ್ಟೋಣದ ಉದಿಪನ ಸಮಾರಂಭೊಡು



ವಿಶ್ವ ತುಳು ಸಮ್ಮೇಳನದ ಲೇಸ್ಟ್





ಪೇಜಾವರ ಸ್ವಾಮೀಲೆನ ವಿರಾಟ್ ಅಭಿನಂದನಾ ಸಮಾರಂಭೋಡು



ಮಂತ್ರಿಯಾದ್ ಪ್ರಮಾಣವಚನ 2006-07

ಬರವು ಕಲ್ಪನಾಂಗ






1960...

2007...

ಡಾ| ವಿ.ಎಸ್. ಅಚಾರ್ಯರನ ರೂಪಾ




ವಿಧಾನ ಪರಿಷತ್ತಿನ ನಡೆಟ್



ಎಂ.ವಿ. ಕಾಮತ್ ಬೊಕ್ಕ ಸಂಧ್ಯಾ ಪೈನೊಟ್ಟಿಗೆ



ವೀರೇಂದ್ರ ಹೆಗ್ಡೆರನ 60ನೇ ವರ್ಷದ ಪುಟುದಿನ ಸಂಭ್ರಮ



**2009, Udupi Manipal Road
Ready 18 months ahead of schedule!**

ಉಡುಪಿ-ಮಣಿಪಾಲ ಮಾರ್ಗದ ಅಭಿವೃದ್ಧಿ




ಉಡುಪಿ ಜಿಲ್ಲಾ ಆಡಳಿತ ಕಛೇರಿಗೆ ಸಂಬಂಧಿಸಿದ
ರಜತಾದಿ - ಉಡುಪಿ ಜಿಲ್ಲೆ

ಉಡುಪಿ ಜಿಲ್ಲಾ ಆಡಳಿತ ಕಛೇರಿಯ ಉದ್ಘಾಟನೆ



ಉಡುಪಿದ ಮುನಿಸಿಪಾಲಿಟಿಡ್



ಅಡ್ವಾಣಿಡ್‌ದ್ ಅಕೇರಿದ ಸೊಲ್ವೆಲು



ಸಮಾಜೋಡು ಬೇತೆ ಬೇತೆ ಮರ್ಗಿಲ್ಡ್ ಸೇವೆ ಮಲ್ತಿನ ಪುಣ್ಯಾತ್ಮರೆನ್ ನೆಂಪು ದೀವೋಡಾಯಿನ ನಮ್ಮ ಧರ್ಮೋ. ಈ ನಿಲೆಟ್ ಸಮಾಜೋಗು ಬೆಂಠಿನಾಕ್ಲೆನ ಪುದರ್‌ಡ್ ಅಕಾಡಮಿ ಬೂಕುಲೆನೆ ಬರೆಪಾದ್ "ಮದಪ್ಪೆರಾವಂದಿ ತುಳುವೆರ್" ಪನ್ನಿ ಗ್ರಂಥ ಮಾಲೆಡ್ ಬೊಳ್ಳುಗು ಕನವೊಂದುಂಡು.

ಡಾ. ವಿ.ಎಸ್. ಆಚಾರ್ಯರ್ ತುಳುನಾಡ್‌ದ ಒರಿ ಸಜ್ಜನೆ ರಾಜಕಾರಣಿ. ಸಮಾಜೋಗು ಬೋಡಾದ್ ಬೆಂದಿನಾರ್, ಸೊಂದಿನಾರ್. ಆರ್ ಬಗ್ಗೆ ಏತ್ ಬರೆಂಡಲಾ ಯಾವಂದ್.

ಈ ಬೂಕುನು ಪೊರ್ಲುಡು ಬರೆದ್ ಕೊರ್ತಿನ ಡಾ| ಎಸ್. ಪದ್ಮನಾಭ ಭಟ್, ಯೆಕ್ಕಾರು ಮೇರ್ ರಾಜ್ಯಶಾಸ್ತ್ರ ಉಪನ್ಯಾಸಕರಾದ್ ಜೋಕುಲೆಗ್ ರಾಜಕೀಯ ಧರ್ಮೋನು ತೆರಿಪಾಯಿನಾರ್. ಮಂಗಳೂರು ವಿಶ್ವವಿದ್ಯಾಲಯೊಡ್ ರಾಜ್ಯ ಶಾಸ್ತ್ರೊಡು ಎಂ.ಎ. ಬೊಕ್ಕ ಪಿ.ಹೆಚ್.ಡಿ. ಪದವಿನ್ ಪಡೆದ್ ಕರಿನ ಮುಪ್ಪ ವರ್ಸೊಡ್ಚಿಂಚಿ ಉಪನ್ಯಾಸಕೆ ರಾದ್, ಶಿಕ್ಷನ ತಜ್ಜೆ ಆದ್, ಸಂಶೋದಕೆರಾದ್ ಸಮಾಜೋಡು ಮಾನ್ಯತೆ ಪಡೆಯಿನಾರ್.

ರಾಜ್ಯ ಶಾಸ್ತ್ರೊಡು ಜೋಕುಲೆಗಾದ್ ಮಸ್ತ್ ಪಠ್ಯ ಪುಸ್ತಕ ರಚನೆ ಮಲ್ತಿನಾರ್. ಕನ್ನಡ, ಇಂಗ್ಲೀಷ್ ಅಂಚಿನೇ ತುಳು ಭಾಷೆಡ್ ಮಸ್ತ್ ಲೇಖನ ಬರೆತಿನಾರ್. ಕೆಲ ಗ್ರಂಥಲೆನ್ ಸಂಪಾದನೆ ಮಲ್ತಿನಾರ್. ರಾಜ್ಯ ಮಟ್ಟದ, ರಾಷ್ಟ್ರ ಮಟ್ಟದ ವಿಚಾರ ಸಂಕಿರಣ ಲೆಡ್ ಪ್ರಬಂಧ ಮಂಡನೆ ಮಲ್ತ್ ಪುದರ್ ಪಡೆಯಿನಾರ್. ಕಜ್ಜ ಕೊಟ್ಟಲೆಡ್ ಪಾಲ್ ಪಡೆತಿನಾರ್. ಅನೇಕ ಸಂಶೋದಕರೆಗ್ ಮಾರ್ಗದರ್ಶನ ಮಲ್ತಿ ಆರ್. ತುಳು ಅಕಾಡಮಿದ ಸದಸ್ಯರಾದ್ ಹಂಪೆ ಕನ್ನಡ ವಿಶ್ವ ವಿದ್ಯಾಲಯದ ಸಂಶೋಧನಾ ಮಾರ್ಗದರ್ಶಕೆರಾದ್, ರಾಜ್ಯ ಶಾಸ್ತ್ರ ಉಪನ್ಯಾಸಕ ಸಂಘದ ಸದಸ್ಯರಾದ್‌ಲಾ

ಡಾ. ಎಸ್. ಪದ್ಮನಾಭ ಭಟ್, ಯೆಕ್ಕಾರು